

ሐተታ : ወልደ : ሕይወት<sup>1</sup> ::

[ከፍል : ፩ ::] በስመ : እግዚአብሔር : ፈጣሪ : ነፍሱ : ወአታዜ : <sup>31</sup> r.  
ነፍሱ : ወዓቃቤ : ነፍሱ : ወመጋቤ : ነፍሱ : ዘሀሎ : ወይሄሉ : እምቅ  
ድመ : ዓለም : ወእስከ : ለዓለም : ፍጹም : ሀላዌ : ባሕቲቱ : ወአልቦ :  
ጽንፍ : ለዕባዩ : ዚአሁ : እጽሕፍ : መጽሐፈ : ጥበብ : ወሐተታ : ወፍ  
5 ልስፍና : ወተግሣጽ : ዘደረሰ : አሐዱ : ዓቢይ : መምህረ : ብሔርን<sup>2</sup> :  
ዘስሙ : ወልደ : ሕይወት : በረከተ : አምላኩ : ወአለብም : ምሥጢራ  
ቲሁ : ለፈጣሪነ : ስቡሕ : ወዓቂብ : ሕገጋቲሁ : ጽዱቃት : የሀሉ : ም  
ስለ : ነፍሱ : ውሉደ : ኢትዮጵያ : እምይኔዜ : ወእስከ : ለዓለም :  
አሜን = ሰማዕከሙ : ዘተብህለ : ለቀደምት : ወስከ : ለጠቢብ : ምክን  
10 ያተ : ወውእቱ : ይዌስከ : ጥበብ : ወአነሂ : ሐለይኩ : እጽሐፍ : ዘአለ  
በወኒ : እግዚአብሔር : በኑኃ : መዋዕለ : ሕይወትየ : ወዘኅተትኩ : በር  
ትዓ : ልቡናየ : ከመ : ዝንቱ : መጽሐፍ : ይኩን : መርሐ : ለተግሣ  
ጽ : ወለአእምር : ለውሉድነ : አለ : ይመጽኩ : ድኅሬነ : ወይኩኖሙ :  
ምክንያተ : ለጠቢባን : ከመ : ይኅትቱ : ወይለብዉ : ውስተ : ግብረ :  
15 እግዚአብሔር : ወይወስኩ : ጥበብ : ላዕለ : ጥበቦሙ = ወአንሰ : ኢይ  
ጽ\*ሕፍ : ዘሰማዕኩ : እምአፈ : ሰብእ : ወኢተወከፍኩ : እምትምህር <sup>31</sup> v.  
ታተ : ሰብእ : ወኢምንተኒ : እንበለ : ዘኅተትኩ : ወአእመርኩ : ይኩ  
ን : ሠናየ : ዳዕሙ : እጽሕፍ : ዘይመሰለኒ : ጽድቀ : እምድኅረ : ሐተ  
ትክም : ወለበውክም : በቅድመ : እግዚአብሔር : ዘሰልልክም : በብዙኅ :  
20 ጸሎት : ወአስተብቅሎ : ከመ : ያርእየኒ : ጽድቀ : ወያለብወኒ : ምሥ  
ጢረ : ወፍና : እንተ : ቦቱ : ፈጠረ : ሰብእ : ለባዌ : ወአንበደ : ማእ  
ከለ : ካልአት : ፍጥረታት : ዘሀለዋ : ውስተ : ዝንቱ : ዓለም = ኦኦ  
ቲየ : ዘታነብዐ : ለዝንቱ : መጽሐፍየ : አእምር : ከመ : አነሂ : ጸሐፍ  
ክም : በዓቢይ : ፍርሐተ : እግዚአብሔር : ዘይከልኦኒ : አሐሱ : ለግ  
25 ሙራ = ወባሕቱ : አልብየ : ፍርሐተ : ሰብእ : ወኢየኃፍር : ገጸሙ :  
ወኢምንተኒ : ወኢየኃብር : በምንትኒ : ግብር : ምስለ : አለ : ይጽሕፉ :  
ወይሜህሩ : ከንቶ : ወሐሰተ = ወለእመ[ቦ] : ዘይብሉኒ : እንተኑ : ባሕቲ  
ትከ : አእመርካሃ : ለጽድቅ ፤ ወነፍሱ : ኢያእመርዋ : እንበሌከ = አብ  
ሎሙ : አከ : አነ : ባሕቲትየ : ዘአእመርክዋ : ለጽድቅ : አላ : ብዙኃን :  
30 አእመርዋ : ወአፍቀርዋ : ከማየ = ወባሕቱ : \*ኢደፈሩ : ከመ : ይምህ <sup>32</sup> r.

<sup>1</sup> Inscriptionem addidi. — <sup>2</sup> Prima manu መምህር : ዘብ'.

ርዋ ፡ ከሠተ ፡ እስመ ፡ ፈርሁ ፡ ጽርፈተ ፡ ሰብእ ፡ ጽሉማን ፡ ወሰደተ ፡  
 እማኅበሮሙ ፡ ግሩም ። ወዘተርፉ ፡ ሰብእስ ፡ ኢያክመርዋ ፡ እስመ ፡  
 ኢኃሠሥዋ ፡ ወኢኅተቱ ፡ ከመ ፡ ይለብዉ ፡ ዘከነ ፡ ጽድቅ ፡ ወዘከነ ፡  
 ሐሰተ ፡ ወተወክፉ ፡ ወአምኑ ፡ በዘሰምሁ ፡ እምቀደምቶሙ ፡ እንበለ ፡  
 ሐተታ ። ወበይነ ፡ ዝንቱ ፡ ውሉደ ፡ ክርስቲያን ፡ ከኑ ፡ ክርስቲያነ ፡  
 ወውሉደ ፡ እስላም ፡ ከኑ ፡ እስላመ ። ወውሉደ ፡ አይሁድ ፡ ከኑ ፡ እይ  
 ሁደ ፡ ወአልቦ ፡ ካልእ ፡ ምክንያት ፡ ለሃይማኖቶሙ ፡ እንበለ ፡ ዝንቱ ፡  
 እስመ ፡ ውሉደ ፡ አበዊሆሙ ፡ እሙንቱ ። ወሰምሁ ፡ ኸመ ፡ ንዕሶሙ ፡  
 ከመ ፡ ሃይማኖተ ፡ አበዊሆሙ ፡ ጽድቅ ፡ ውኣቱ ። ወአምኑ ፡ ቦቱ ፡ እ  
 ንበለ ፡ ይሕትትዎ ፡ ወያእምርዎ ። ወክሎሙ ፡ ይትጋደሉ ፡ በእንተ ፡  
 ሃይማኖቶሙ ፡ እንዘ ፡ ይብሉ ፡ ጽድቅ ፡ ውኣቱ ። ወባሕቱ ፡ ኢይትከ  
 ሀል ፡ ከሎሙ ፡ ሃይማኖታተ ፡ ሰብእ ፡ ይኩኑ ፡ ጽዱቃነ ። እስመ ፡ ይት  
 ቃረኑ ፡ በበይናቲሆሙ ፡ ወከመሰ ፡ ይኩኑ ፡ ከሎሙ ፡ ሕሰዋነ ፡ ዝንቱ ፡  
 ይትከሐል ፡ እስመ ፡ ሐሰት ፡ ብኩሳ ፡ ውኣቱ ፡ ወጽድቅሰ ፡ አሐቲ ፡  
 ይእቲ ፡ ባሕቲታ ።

5  
10  
15

\* 32 v°. \* ክፍል ፡ ፪ ። ከሎ ፡ ጽድቅ ፡ ወከሎ ፡ ጥበብ ፡ እምኅበ ፡ እግዚ  
 ክብሔር ፡ ወእንበለ ፡ እግዚክብሔር ፡ ይሰጠም ፡ ከሎ ፡ ጥበብ ። ወከመ ፡  
 ፀሐይ ፡ መሠረተ ፡ ብርሃን ፡ ከማሁ ፡ እግዚክብሔር ፡ መሠረተ ፡ ጥበብ ።  
 ወከመ ፡ መንፈስ ፡ ነቅዓ ፡ ሕይወት ። ከማሁ ፡ እግዚክብሔር ፡ ነቅዓ ፡  
 ከሎ ፡ ጽድቅ ፡ ወዘኢየሔሌ ፡ በእንተ ፡ እግዚክብሔር<sup>2</sup> ፡ ሕሊና ፡ ንጹ  
 ሐ ፡ ወንጡፈ ፡ እምክሎ ፡ ግዘፈዝ ፡ ዓለም ፡ ኢይረክብ ፡ ጥበብ ፡ ወኢ  
 ይክል ፡ ይለብዋ ፡ ለጽድቅ ። አልዕል ፡ ኦኣጉየ ፡ ሕሊናከ ፡ ኅበ ፡ ዝን  
 ቱ ፡ ሀላዌ ፡ ፍጹም ፡ ዘፈጠረከ ፡ ለባዌ ። ወነጽር ፡ ኅቤሁ ፡ በዓይነ ፡  
 ልቡናከ ። ወለቡ ፡ ውስተ ፡ ብርሃነ ፡ ኦኣምሮ ፡ ዘያርእየከ ፡ ፈጣሪከ ።  
 ወኢትስማዕ ፡ ቃሎሙ ፡ ለኣለ ፡ ይጸርፉከ ፡ ወይብሉከ ፡ ከሐዴ ፡ ፈጣሪ ፡  
 ሰበ ፡ ገደፍከ ፡ ትምህርቶሙ ፡ ዘይሜህሩከ ፡ እስመ ፡ እሙንቱኒ ፡ ኢያእመ  
 ሮዎ ፡ ለፈጣሪ ፡ ወአልቦ ፡ ጥበብ ፡ በኅቤሆሙ ። ወአንተሰ ፡ ኢትእመን ፡  
 ወኢምንተኒ ፡ እምዘመህሩከ ፡ ሰብእ ፡ እንበለ ፡ ለሊክ ፡ ትሕትት ፡ ከሎ ፡  
 ዘመህሩከ ፡ ወትፍልጥ ፡ ጽድቅ ፡ እምሐሰት ፡ እስመ ፡ ሰብእ ፡ ይከሉ ፡  
 \* 33 r°. የሐሰዉ ፡ ወኢተአምር ፡ ለእመ ፡ መህሩከ ፡ \* ጽድቅ ፡ ወሚመ ፡ ሐሰተ ። 30  
 ወከማሁ ፡ ኢትእመን ፡ ወኢምንተኒ ፡ እምዘ ፡ ተጽሕፈ ፡ ውስተ ፡ መጻ  
 ሕፍት ፡ እንበለ ፡ ዘሐተትከሙ ፡ ወረከብከሙ ፡ ጽዱቃነ ። እስመ ፡ ለመ  
 ጻሕፍትኒ ፡ ጻሐፍቶሙ ፡ ሰብእ ፡ ዘይክሉ ፡ ይጽሐፉ ፡ ሐሰተ ። ወአን  
 ተሰ ፡ ለእመ ፡ ሐተትከሙ ፡ ለመጻሕፍት ፡ ፍጡነ ፡ ትረክብ ፡ ቦሙ ፡

<sup>1</sup> Vox add. supra lineam. — <sup>2</sup> Ms. : ሕግ'.

ጥበብ ፡ ሕሱመ ፡ ዘኢይሰነግው ፡ ምስለ ፡ ልቡናነ ፡ ዘወሀበነ ፡ እግዚአብሔር ፡ ለኃሚው ፡ ጽድቅ ፡ ወባሕቱ ፡ እንሰ ፡ ኢይብለክ ፡ ከሎሙ ፡ ሰብእ ፡ ወከሎሙ ፡ መጻሕፍት ፡ ይሔሰዉ ፡ ዘልፈ ፡ ኦላ ፡ እብለክ ፡ ይክሉ ፡ የሐሰዉ ። ወበእንተዝ ፡ ኢተአምር ፡ ለእመ ፡ ይነቡ ፡ ጽድቅ ፡ ወሚመ ፡

5 ሐሰተ ፡ እንበለ ፡ ለሊክ ፡ ትሕትት ፡ ዘተብሀለ ፡ ወዘተጽሕፈ ፡ ከመ ፡ ታኦ ምር ፡ ጥዩቀ ፡ ዘይደልወክ ፡ ትእመን ፡ ወትለቡ ፡ ውስተ ፡ ግብረ ፡ እግዚአብሔር ፡ እስመ ፡ ሐተታ ፡ አንቀጽ ፡ ውኦቱ ፡ በዘንበውኦ ፡ ኅብ ፡ ጥበብ ፡ ወልቡናሰ ፡ ውኦቱ ፡ መርግ ፡ ዘወሀበነ ፡ እግዚአብሔር ፡ ከመ ፡ ናርቱ ፡ ዘንተ ፡ አንቀጽ ፡ ወንባእ ፡ ውስተ ፡ ጽርሐ ፡ ምሥጢራቲሁ ፡ ወን

10 ጸገው ፡ እመዝገብ ፡ ጥበቡ ፡ ይደልወነ ፡ እንክ ፡ ንሕትት ፡ ከሎ ፡ \*ዘይ ሜሀሩነ ፡ ሰብእ ፡ ወዘተጽሕፈ ፡ ውስተ ፡ መጻሕፍት ። ወለእመኒ ፡ ንረከብ ፡ ጽድቅ ፡ ንትወከፋ ፡ በትፍሥሕት ፡ ወበሐሜት ፡ ወለሐሰትሰ ፡ ንኅድጋ ፡ ወናግኅሳ ፡ እምኔነ ፡ እንበለ ፡ ምሕረት ። እስመ ፡ ሐሰት ፡ ኢከነ ፡ እምእግዚአብሔር ፡ አምላክ ፡ ጽድቅ ፤ ኦላ ፡ እምስሕተት ፡

15 አው ፡ እምጽልሑተ ፡ ሰብእ ።

\* 33 v°.

ክፍል ፡ ፫ ። መሠረተ ፡ ከሉ ፡ ሃይማኖት ፡ ወከሉ ፡ ጥበብ ፡ ወከሉ ፡ ጽድቅ ፡ ዝንቱ ፡ ውኦቱ ፡ ከመ ፡ ንእመን ፡ እስመበ ፡ እግዚአብሔር ፡ ፈጣሪ ፡ ከሉ ፡ ወመጋቤ ፡ ከሉ ፡ ሀላዌ ፡ ፍጹም ፡ ወኢውሱን ፡ ዘሀሎ ፡ ወዘይኔሉ ፡ ለከሉ ፡ ዓለም ። ወበዝንቱ ፡ አሚን ፡ የኃብሩ ፡ ከሎሙ ፡ መምህራነ ፡ ሰብእ ፡ ወመጻሕፍተ ፡ ከሎሙ ፡ በሐውርት ። ወለኒሂ ፡ ይደልወነ ፡ ንእመን ፡ ቦቱ ፡ ወለእመ ፡ ነሐትቶ ፡ ያጤይቀነ ፡ ልቡናነ ፡ ከመ ፡ ጽድቅ ፡ ውኦቱ ፡ ወኢይክል ፡ ይኩን ፡ ሐሰተ ። እስመ ፡ ንሕነሰ ፡ ዘሀሎነ ፡ ሉም ፡ ወትግልም ፡ ኢሀለውነ ፡ ወኔሠም ፡ ንጠፍኦ ፡ ፍጡራን ፡ ንሕነ ፡ ወከመዝ ፡ ከሉ ፡ ዘንሬኢ ፡ ውስተ ፡ ዝንቱ ፡ ዓለም ፡

20 ኃላሬ ፡ ውኦቱ ፡ ወፍጡር ፡ ወእንበ\*ለ ፡ ፈጣሪሰ ፡ ኦፍ ፡ ይትከሀል ፡ ከዊነ ፡ ፍጡር ። እስመ ፡ ከላ ፡ ፍጥረት ፡ ውስንት ፡ ይኦቲ ፡ ወድክምት ፡ ወክልባ ፡ ኃይል ፡ ለፈጠር ፡ እምኅብ ፡ አልቦ ፡ ወኢምንትነ ። ወበእንተዝ ፡ ይትፈቀድ ፡ ከዊነ ፡ ኦሐዱ ፡ ሀላዌ ፡ ዘሀሎ ፡ እምቅድመ ፡ ከሉ ፡ ፍጥረት ፡ እንበለ ፡ ጥንት ፡ ወኢተፍጻሜት ፡ ዘፈጠረ ፡ እምኅብ ፡

30 አልቦ ፡ ከሎ ፡ ዘከነ ፡ ገዢ ፡ ወረቂቅ ፡ ዘያስተርኢ ፡ ወዘኢያስተርኢ ። ወእምድኅረ ፡ ፈጠረ ፡ ከሎ ፡ ኢኅደጎ ፡ ለዘፈጠረ ፡ ኦላ ፡ የዓቅቦ ፡ ወይሜግቦ ፡ በከመ ፡ ይደሉ ፡ ለመፍቅዳተ ፡ ከላ ፡ ፍጥረት ፡ ወይመርሀ ፡ ከሎ ፡ በፍና ፡ እንተ ፡ ፈጠሮ ፡ ወአልቦ ፡ ስሕተት ፡ በኅቤሁ ፡ ዘፈጠረ ፡ ከሎ ፡ በዓቢይ ፡ ጥበብ ፡ ወአንበረ ፡ ከሎ ፡ በበጸታሁ ፡ በከመ ፡ ይደል

35 ምን ፡ ለሊሉያት ፡ ፍጥረታት ፡ ወመርሐን ፡ በበፍናሆን ፡ በዘይትሬጸማ ፡ ቦቶን ፡ በከሉ ፡ መዋዕለ ፡ ንብረቶን ፡ ወቅኔሆን ፡ ውስተ ፡ ውሳኔ ፡

\* 34 r°.

ሥሩዕ ፡ በሕገ ፡ ፍጥረቶን ። ወኢትሰማዕ ፡ ዘይብሉ ፡ ክብዳን ፡ ክሉ ፡  
 ዓሚረ ፡ ዝንቱ ፡ ወዝንቱ ፡ ኢክነ ፡ ሠናየ ፡ ወኣምኅየሰ ፡ ለእመ ፡ ኢተፈ  
 ጥረ ። እስመ ፡ ክሉ ፡ ዘገብረ ፡ እግዚአብሔር ፡ ሠናይ ፡ ውኣቱ ፡ ጥቀ ፡  
 34 v. በፍና ፡ እንተ ፡ ገብሮ ፡ ወለኩላ ፡ ፍጥረት ፡ ላቲ ፡ በቍዔት ፡ ዘይደ  
 ልወነ ፡ ንኅሥሥ ፡ ለበቍዔተ ፡ ዚኣነ ፡ እስመ ፡ እግዚአብሔር ፡ ፈጠረ ፡ 5  
 ክሉ ፡ ባቍዓ ፡ ወረበበ ፡ ቅድመ ፡ ኣዕይንተ ፡ ሰብእ ፡ ከመ ፡ ይኅሥሡ ፡  
 ወይለብዉ ፡ ጥበበ ፡ በዘተፈጥረ ፡ ወይርከቡ ፡ ረባሐ ፡ ዘተሠይመ ፡ ቦቱ ፡  
 በእንቲአሆሙ ። ወእስፍንቱ ፡ ነገር ፡ ዘመሰሉ ፡ ብጡላነ ፡ ለቀደምት ፡  
 ወኣምድኅሬሆሙ ፡ ተረክቡ ፡ በቋዕያነ ፡ ወእስፍንቱ ፡ ለነሂ ፡ ይመስሉነ ፡  
 ብጡላነ ፡ ወኣምድኅሬነ ፡ ይትረከብ ፡ በቍዔቶሙ ፡ ወከመዝ ፡ ክሉ ፡ ተፈ 10  
 ጥረ ፡ ለበቍዔተ ፡ ሰብእ ፡ ኣው ፡ ለኣስተሣንዮ ፡ ዝንቱ ፡ ዓለም ፡ ማኅ  
 ደሩ ፡ ለዘየባቢ ፡ እምክሉን ፡ ፍጥረታት ፡ ዘውኣቱ ፡ ሰብእ ። እስመ ፡  
 ሰብእ ፡ ተለዓለ ፡ እምክሉ ፡ ፍጥረተዝ ፡ ዓለም ፡ ወይቀርብ ፡ በልቡናሁ ፡  
 ኅበ ፡ ኣምሳለ ፡ ፈጣሪሁ ፡ ወክሉ ፡ ዘሀሉ ፡ ውስተ ፡ ዝንቱ ፡ ዓለም ፡  
 ተፈጥረ ፡ ለኣስተሣንዮ ፡ ማኅደሩ ፡ ለሰብእ ። 15

ከፍል ፡ ፬ ። ኣመ ፡ ኣብለክ ፡ ሰብእ ፡ ኣኣኑየ ፡ ለቡ ፡ ነፍሰ ፡ ሰ  
 ብእ ፡ ወሀላዌሁ ፡ መንፈሳዌ ፡ ወባሕርዮ ፡ ረቂቅ ፡ ዘይሔሊ ፡ ወይሌቡ ።  
 35 r. ወኣክ ፡ ባሕርዮ ፡ ሥጋዌ ፡ እስመ ፡ ባሕርዮ ፡ ሥጋዊ ፡ መሬት ፡ ውኣቱ ፡  
 ወኢይክል ፡ ገቢረ ፡ ወ\*ኢምንተኒ ፡ ለባሕቲቱ ፡ ኣላ ፡ ይወድቅ ፡ ከመ ፡  
 ጉንድ ፡ ይቡስ ፡ ሰበ ፡ ወጽኣት ፡ እምኔሁ ፡ ነፍስ ። ከመሰ ፡ ብነ ፡ ነፍ 20  
 ስ ፡ መንፈሳዊት ፡ ወነባቢት ፡ ጥዩቅ ፡ ውኣቱ ፡ እስመ ፡ ንሔሊ ፡ ወን  
 ሌቡ ፡ ወግዙፍ ፡ ፍጥረት ፡ ዘሥጋነ ፡ ኢይክል ፡ የሐሊ ፡ ወይለቡ ፡  
 በከመ ፡ ይሔሊ ፡ ወይሌቡ ፡ ነፍስነ ፡ ውስተ ፡ ሥጋነ ። ወበእንተ ፡ ፍጥ  
 ረት ፡ መንፈሳዊት ፡ ኣሐዝብ ፡ ከመበ ፡ ካልኣን ፡ መናፍስት ፡ ዘየኣ  
 ብዩ ፡ እምነፍሰ ፡ ሰብእ ። ወኣውንቱ ፡ መላኣክት ፡ ወኣጋንንት ። እስ 25  
 መ ፡ ክሉሙ ፡ ሰብእ ፡ እምኑ ፡ ሀላዌሆሙ ፡ ወይዔኒ ፡ ከዊናሙ ፡ ው  
 ስተ ፡ ፍጥረታተ ፡ እግዚአብሔር ። ወባሕቱ ፡ እስመ ፡ ኢያስተርእዩ ፡  
 ለነ ፡ ወልቡናነ ፡ ያረምም ፡ ላዕለ ፡ ዝንቱ ፡ ኣሚን ፡ ወኢያጤይቀነ ፡  
 ወኢምንተኒ ፡ በእንቲአሆሙ ፡ ኢንክል ፡ ናእምር ፡ ነገሮሙ ፡ ጥዩቅ ፡  
 ወባሕቱ ፡ ጥዩቅ ፡ ለነ ፡ ከመበ ፡ መናፍስት ፡ ዘይንዕቡ ፡ እምነፍሰ ፡ ሰ 30  
 ብእ ፡ ዘውኣቶሙ ፡ ነፍሳተ ፡ ኣንስሳ ፡ ወኣራዊት ። ወበእንቲአሆሙኒ ፡  
 እስመ ፡ ኣንስሳ ፡ ወኣራዊት ፡ ኢይትናገሩ ፡ በልሳነ ፡ ሰብእ ፡ ኢንክል ፡  
 ናእምር ፡ ስፍሐ ፡ ሕሊና\*ሆሙ ፡ ለዘከመዝ ፡ መናፍስት ። ወለእመ ፡  
 ቦሙ ፡ ኣእምሮ ፡ ፈጣሪሆሙ ፡ ኣው ፡ ኣልቦሙ ፤ ሊተሰ ፡ ይመስለኒ ፡ ዘኣ  
 ልቦሙ ፡ ልቡና ። ወበእንተዝ ፡ ነፍሰ ፡ ኣንስሳ ፡ ወኣራዊት ፡ ይትሌ 35  
 ላይ ፡ በክሉ ፡ እምነፍሰ ፡ ሰብእ ፡ ወበከመ ፡ ሕይወተ ፡ ኣንስሳ ፡ ወኣራ

ዊት ፣ ይትሌዓል ፣ ውስተ ፣ መዓርጋተ ፣ ፍጥረት ፣ እምሕይወተ ፣ አብ  
 ቀላት ፣ ወዕፀው ፣ ዘኢያንስሐስሐ ፣ አላ ፣ ይትወለዱ ፣ ወይልሀቁ ፣ ወ  
 ይመውቱሂ ፣ ትኩላነ ፣ ውስተ ፣ ፩መካን ፣ ከማሁ ፣ ነፍሰ ፣ ሰብእ<sup>1</sup> ፣ ትት  
 ሌዓል ፣ እምነፍሰ ፣ እንስሳ ፣ ወተሠይመት ፣ በቀዳሚ ፣ መዓርግ ፣ እመ  
 5 ዓርጋተ ፣ ፍጥረት ፣ ቅርብት ፣ ጥቀ ፣ ለፈጣሪ ፣ ወዓዲ ፣ ኢነአምር ፣ ለ  
 እመ ፣ ነፍሰ ፣ እንስሳ ፣ ወአራዊት ፣ ከነት ፣ መዋቲተ ፣ አው ፣ ኢመዋቲ  
 ተ ፣ ነፍሰ ፣ ሰብእሰ ፣ ኢመዋቲት ፣ ይአቲ ፣ እስመ ፣ ልቡናሃ ፣ ሀላ  
 ዌሃ ፣ ወልቡናሃሰ ፣ ለነፍሰነ ፣ ማዕዘረ ፣ ብርሃን ፣ ውአቱ ፣ ዘወጽአ ፣ እ  
 ምሀላዌ ፣ እግዚአብሔር ፣ ፈጣሪ ፣ ወኢይጠፍአ ፣ አላ ፣ ይገብዕ ፣ ኅቤ  
 10 ሁ ፣ ወኢይትከሐል ፣ ማስፍቱ ፣ ለግሙራ ፣ ወበእንተዝ ፣ ሕይወት ፣ ዘለ  
 ዓለም ፣ መፍቅደ ፣ ነፍስ ፣ ነባቢት ፣ ውአቱ ፣ \* ወእንበለዝ ፣ ኩሉ ፣ \* 36 ሾ.  
 ሀልዎተ ፣ ሰብእ ፣ ከንቶ ፣ ይከውን ፣ ወምትሐት ፣ ወእግዚአብሔር ፣ እ  
 ምክነ ፣ መስተሣልቀ ፣ ወአክ ፣ ጠቢብ ፣ በፍጥረተ ፣ ሰብእ ፣ ይደልወነ ፣  
 እንከ ፣ ንእመን ፣ እንበለ ፣ ኑፋቄ ፣ ከመ ፣ ነፍሰነ ፣ ኢመዋቲት ፣ ይአቲ ፣  
 15 ወበከመ ፣ ወጽአት ፣ ብርሀተ ፣ እምሕጽነ ፣ ፈጣሪሃ ፣ ከማሁ ፣ ትገብዕ ፣  
 ኅቤሁ ፣ እምድሳረ ፣ ዝንቱ ፣ ንብረት ፣ እስመ ፣ ልቡናነ ፣ ያጤይቀነ ፣  
 ይኩን ፣ ከማሁ ፣ ወዝንቱ ፣ ትምህርት ፣ ያስተፌሥሕ ፣ ሕሊናነ ፣ ወያጽ  
 ንዓነ ፣ በተስፋ ፣ ዘኢይማስን ፣ ወያሄኒ ፣ ኩሉ ፣ ንብረተነ ፣ ወይከውን ፣  
 መሠረተ ፣ ለኩሉ ፣ ምግባረ ፣ ሠናይ ፣ ወለኩሉ ፣ ጽድቅ ፣  
 20 ከፍል ፣ ጅ ፣ ወበእንተሰ ፣ ዘተርፉ ፣ ትምህርታተ ፣ ሰብእ ፣ ወመጻ  
 ሕፍት ፣ ኢይደልወነ ፣ ንእመኖሙ ፣ ፍጡነ ፣ እንበለ ፣ ሐተታ ፣ አላ ፣ ንት  
 ወከፎሙ ፣ በአእምሮ ፣ አምጣነ ፣ ንሬኢ ፣ ይሰነዓው ፣ ምስለ ፣ ልቡናነ ፣  
 እምድሳረ ፣ ብኩሳ ፣ ሐተታ ፣ ወዘውአቱኬ ፣ ልቡናነ ፣ ይከውነነ ፣ ከምዓ ፣  
 ከመ ፣ ይደልወነ ፣ ንእመን ፣ ቦቱ ፣ ወዘሰ ፣ ኢያጤይቀነ ፣ ልቡናነ ፣  
 25 ይኩን ፣ ጽድቀ ፣ ኢይደልወነ ፣ በእንተዝ ፣ [ኢ]ንበል ፣ በጉጉዓ ፣ ሐሰ  
 ት ፣ ውአቱ ፣ እስመ ፣ ኢያእመርነ ፣ \* ለእመ ፣ ከነ ፣ ጽድቀ ፣ ወሚመ ፣ \* 36 ሾ.  
 ሐሰተ ፣ አላ ፣ ንበል ፣ በእንተ ፣ ዝንቱ ፣ ኢነአምኖ ፣ እስመ ፣ ኢነአምሮ ፣  
 ወለእመቦ ፣ ዘይቤሉኒ ፣ በይነ ፣ ምንት<sup>1</sup> ፣ ኢተአምን ፣ ኩሉ ፣ ዘተጽሕፈ ፣  
 ውስተ ፣ መጻሕፍት ፣ በከመ ፣ አምኑ ፣ ቦቱ ፣ ሰብእ ፣ አለ ፣ ቀደሙነ ፣  
 30 አብሎሙ ፣ እስመ ፣ መጻሕፍት ፣ ተጽሕፋ ፣ በእደ ፣ ሰብእ ፣ ዘይክሉ ፣  
 ይጽሐፉ ፣ ሐሰተ ፣ ወዓዲ ፣ ለእመቦ ፣ ዘይብሉኒ ፣ በይነ ፣ ምንት ፣ ኢተአ  
 ምን ፣ አብሎሙ ፣ ንግሩኒ<sup>2</sup> ፣ አንትሙሰ ፣ በይነ ፣ ምንት ፣ ተአምኑ ፣ አን  
 ትሙ ፣ እስመ ፣ ኢይትፈቀድ ፣ ምክንያት ፣ ለኢአሚን ፣ ዳዕሙ ፣ ይትፈ  
 ቀድ ፣ ለአሚን ፣ ወአንትሙሰ ፣ ምንተ ፣ ምክንያተ ፣ ረከብከሙ ፣ ከመ ፣

<sup>1</sup> Vox prima manu add. supra lineam. — <sup>2</sup> Ms. ነገ”.

ትእመኑ፡ በኩሉ፡ ዘተጽሕፈ ። ወአልብከሙ፡ ምክንያት፡ እንበለ፡ ዝ  
ንቱ፡ ባሕቲቱ፡ እስመ፡ ሰማዕከሙ፡ እምአፈ፡ ሰብእ፡ ከመ፡ ዘተ  
ጽሕፈ፡ ጽድቅ፡ ውእቱ፡ ወኢትሌብዒኑ፡ አንትሙ ። እስመ፡ እሙ  
ንቱኒ፡ አለ፡ ይቤሉከሙ፡ ጽድቅ፡ ውእቱ፡ ዘተጽሕፈ፡ ኢያእመሩ፡  
ለእመ፡ ከነ፡ ጽድቅ፡ ወሚመ፡ ሐዕተ፡ አላ፡ በከመ፡ አንትሙ፡ ሰማዕ 5  
ከሙ፡ ዘንተ፡ እምኔሆሙ፡ ከማ\*ሁ፡ እሙንቱሂ፡ ሰምዕዎ፡ እምቀደም  
ቲሆሙ ። ወከመዝ፡ ኩሎሙ፡ የአምኑ፡ በቃለ፡ ሰብእ፡ ዘይክል፡ ይ  
ኩን፡ ሐዕተ፡ ወአከ፡ በቃለ፡ እግዚአብሔር፡ እስመ፡ እግዚአብሔር፡  
ኢነገረከሙ፡ እንበለ፡ በቃለ፡ ልቡናከሙ ። ወለእመቦ፡ ዘይብሉኒ፡  
አከ፡ ከመዝ፡ አላ፡ እግዚአብሔር፡ ተናገረ፡ ምስለ፡ ሰብእ፡ ወከሠ 10  
ቶሙ፡ ጽድቆ ። እብሎሙ፡ እፎ፡ ተአምሩ፡ አንትሙሰ፡ ከመ፡ እግዚአ  
ብሔር፡ ተናገረ፡ ምስለ፡ ሰብእ፡ ወከሠቶሙ፡ ጽድቆ፡ አከኑ፡ እስመ፡  
ከመዝ፡ ሰማዕከሙ፡ እምአፈ፡ ሰብእ፡ ዘከኑከሙ፡ ሰምዓ፡ በዘሰምዑ፡  
እሙንቱሂ፡ እምአፈ፡ ሰብእ፡ ወዘልፈ፡ ይደልወከሙ፡ ትእመኑ፡ በቃ  
ለ፡ ሰብእ፡ ዘይክል፡ ይኩን፡ ሐዕተ፡ ወአንትሙሰ፡ ተአምኑ፡ እንበለ፡ 15  
ታአምሩ፡ ለእመ፡ ከነ፡ ጽድቅ፡ ዘተአምኑ፡ ወሚመ፡ ሐዕተ ። ሕት  
ቱ፡ ወኢትበሉ፡ በልብከሙ፡ ንጸንዕ፡ በሃይማኖትነ፡ ዘኢይክል፡ ይ  
ኩን፡ ሐዕተ፡ ወአስተርክቡ፡ ከመ፡ ሰብእ፡ ይኔስዒ፡ በነገረ፡ ሃይማ  
ኖት፡ እስመ፡ ኢይሰነዓው፡ ወኢምንተኒ፡ ወኢያጤይቁኒ፡ በዘይደሉ፡  
ንእመን፡ ወወደዶ፡ ልበ፡ \*ሐታቴ፡ ውስተ፡ ኩሉ፡ ኑፋቄ ። እስመ፡ 20  
፩ይብለነ፡ እመኑ፡ በሃይማኖተ፡ እስክንድርያ ። ወካልእ፡ ይብለነ፡ እ  
መኑ፡ በሃይማኖተ፡ ሮም ። ወሣልስ፡ ይብለነ፡ እመኑ፡ በሃይማኖተ፡  
እስላም፡ መሐመድ ። ወለሰብእ፡ ሀንድ፡ ቦሙ፡ ሊሉይ፡ ሃይማኖት ።  
ወለሰብእ፡ ሑሞር፡ ወለሰብእ፡ ሳባ፡ ወለካልክን፡ ከማሁ፡ ወኩሎሙ፡  
ይብሉ፡ ሃይማኖትነ፡ እምእግዚአብሔር፡ ውእቱ ። ወእፎኑመ፡ እግ 25  
ዚአብሔር፡ ጻድቅ፡ በኩሉ፡ ምግባሩ፡ ይክል፡ ይክሥት፡ ፩ደ፡ ሃይማ  
ኖተ፡ ለ፩ዱ፡ ወካልክ፡ ለካልኩ፡ ወእፎኑመ፡ ዝንቱ፡ ኩሉ፡ ሃይማ  
ኖታት፡ ሊሉያን፡ ይከውኑ፡ እምእግዚአብሔር ። ወአይ፡ እምውስቴ  
ቶሙ፡ ይከውን፡ ጽድቅ፡ ዘይደልወነ፡ ንእመን፡ ቦቱ፡ ንግሩኒ 1፡  
ለእመ፡ አእመርከሙ፡ እስመ፡ አንሰ፡ ኢያእመርኩ፡ ወከመ፡ ኢይሰ 30  
ሐት፡ በሃይማኖትየ፡ ኢየአምን፡ ወኢምንተኒ፡ እንበለ፡ ዘአርአየኒ፡  
እግዚአብሔር፡ ውስተ፡ ብርሃነ፡ ልቡናየ ። ወለእመቦ፡ ዘይብሉኒ፡  
ለእመ፡ ኢኩንክ፡ አማኔ፡ ይረከበከ፡ ኩነኔ፡ እምኅበ፡ እግዚአብሔር፡  
\*38 ሞ. ንብሎሙ፡ እግዚአብሔርሰ፡ ኢይክል፡ የአዝዘኒ፡ አሚ\*ነ፡ በሐዕት፡

1 Ms. : 77.

ወኢይክል ፡ ይኩንነኒ ፡ በእንተ ፡ ዘገደፍኩ ፡ ሃይማኖተ ፡ ዘኢይመስለኒ ፡  
 ጽድቅ ፡ እስመ ፡ ውኣቱ ፡ ወሀበኒ ፡ ብርሃነ ፡ ልቡና ፡ ከመ ፡ አፍልጥ ፡  
 ሠናየ ፡ ወእኩየ ፡ ጽድቅ ፡ ወሐዕተ ፡ ወዝንቱ ፡ ብርሃነ ፡ ልቡና ፡ ኢያ  
 5 ገኛየኒ ፡ ወኢምንተኒ ፡ በእንተ ፡ አሉ ፡ ኩሎሙ ፡ ሃይማኖታተ ፡ ሰብእ ፡  
 ይኩኑ ፡ ጽድቃነ ፡ ዳዕሙ ፡ ያጤይቀኒ ፡ ይኩኑ ፡ እምስሕተተ ፡ ሰብእ ፡  
 ወአከ ፡ እምእግዚአብሔር ፡ ወበእንተዝ ፡ ገደፍክዎሙ ።

ከኛል ፡ ፯ ። ወባሕቱ ፡ ብውሀ ፡ ለኩሎሙ ፡ ለለጅጅአለ ፡ ኢየሳ  
 ብሩ ፡ ምስሌየ ፡ ይዕቀቡ ፡ ሃይማኖቶሙ ፡ ወይእመኑ ፡ በዘፈቀዱ ፡ ወይ  
 እመኑ ፡ በዘተጽሕፈ ፡ ውስተ ፡ መጻሕፍት ፡ እንዘ ፡ ይብሉ ፡ መጻሕፍት ፡  
 10 ተጽሕፍ ፡ በመንፈሰ ፡ እግዚአብሔር ፤ ወበእንተዝ ፡ ኢይክሉ ፡ የሐ  
 ሱ ፡ ዳዕሙ ፡ ያእዎሩ ፡ ዘከመዝ ፡ ምእመናን ፡ ከመ ፡ አነሂኔ ፡ እጽሐፍ ፡  
 ዘንተ ፡ መጽሐፈ ፡ ወይመስለኒ ፡ ዘብየ ፡ መንፈሰ ፡ እግዚአብሔር ፡ ዘይ  
 መርሐኒ ፡ ለጽሐፈ ፡ ጽድቅ ፡ ወዘያርጎቅ ፡ ኩሎ ፡ ሐዕተ ፡ እመጽሐፍየ ፡  
 እስመ ፡ እጽሕፍ ፡ እምድጎረ ፡ ሐተታ ፡ ጥንቁቅ ፡ ዘብኩጎ ፡ ዘመን ፡  
 15 ወእምድጎረ ፡ ጸሎት ፡ ወእንጽሐ ፡ ልብየ ፡ በቅ\*ድመ ፡ እግዚአብሔር ፡ \* 38 v.  
 ወኢይጽሕፍ ፡ ምንተኒ ፡ ዘኢይሰነወው ፡ ምስለ ፡ ልቡናነ ፡ እንበለ ፡  
 ዳዕሙ ፡ ዘሀሎ ፡ ውስተ ፡ ልብ ፡ ኩሎሙ ፡ ሰብእ ፡ ባሕቲቱ ፡ ወበ  
 እንተዝ ፡ ኢይክል ፡ ይኩን ፡ ሐዕተ ፡ ዘእጽሕፍ ፡ አነ ፡ ወዓዲ ፡ ኢይ  
 ጽሕፍ ፡ ዘንተ ፡ መጽሐፈ ፡ ከመ ፡ አንብር ፡ ዕቅፍተ ፡ ለምእመናን ፡  
 20 አላ ፡ ከመ ፡ እሚጠሙ ፡ ለጠቢባን ፡ ወለልቡባን ፡ ጎበ ፡ ጎተታ ፡ በዘ  
 ይጎሠ ፡ ወይርከቡ ፡ ጽድቅ ፡ እስመ ፡ ሐቲተ ፡ ኩሎ ፡ ሠናይ ፡ ጥበብ ፡  
 ውኣቱ ፡ ወይሴብሐ ፡ ለፈጣሪነ ፡ ዘጸገወነ ፡ ነፍሰ ፡ ነባቢተ ፡ ወልቡና ፡ ሐ  
 ታቱ ፡ ለዝንቱ ፡ ወአሚንሰ ፡ እንበለ ፡ ሐተታ ፡ ኢከነ ፡ ፈቃደ ፡ እግዚአብ  
 ሔር ፡ ወኢይሰነጎው ፡ ምስለ ፡ ጠባይዓ ፡ ለፍጥረት ፡ ለባዊት ፡ ወበእን  
 25 ተዝ ፡ ኢይደልወነ ፡ ንእመን ፡ በሃይማኖተ ፡ አበዊነ ፡ እንበለ ፡ ንሕትቶ ፡  
 ወናእምር ፡ ከመ ፡ ሃይማኖቶሙ ፡ ጽድቅ ፡ ውኣቱ ፡ እስመ ፡ እግዚአብ  
 ሔር ፡ ኢወሀበሙ ፡ ልቡና ፡ ለአበዊነ ፡ ባሕቲቶሙ ፤ አላ ፡ ለነሂ ፡ ወሀበነ ፡  
 ወዘየግቢሂኔ ፡ እምኔሆሙ ፡ ወእፎ ፡ ነእምር ፡ ዘከነ ፡ ጽድቅ ፡ ሃይማኖተ ፡  
 አበዊነ ፡ ለእመ ፡ ለሊኒ ፡ ኢሐተትናሁ ፡ ወኢለበውናሁ ፡ እምጥንቱ ፡  
 30 እስከ ፡ ተፍጻሜቱ ፡ ወበእ\*ንተዝ ፡ ይደልወነ ፡ ንሑር ፡ ዘልፈ ፡ በብር \* 39 r.  
 ሃነ ፡ ልቡና ፡ ዘውኣቱ ፡ ብርሃነ ፡ እግዚአብሔር ፡ ወዝንቱ ፡ ብርሃን ፡ ዘኢ  
 ይሔሉ ፡ ያቀድም ፡ ያጠይቀነ ፡ ከመበ ፡ እግዚአብሔር ፡ ፈጣሬ ፡ ኩሎ ፡  
 ወአኃዜ ፡ ኩሎ ፡ ወይደልወነ ፡ ንእመን ፡ ቦቱ ፡ ወንስግድ ፡ ሎቱ ፡ በፍ  
 ቅር ፡ ወበአንክሮ ፡ ወዓዲ ፡ ልቡናነ ፡ ይዌስክ ፡ አጠይቆ ፡ ከመ ፡ እግዚአ  
 35 ብሔር ፡ ዘኩሎ ፡ ፈጠረ ፡ ኢኃደጋ ፡ ለፍጥረቱ ፡ እምድጎረ ፡ አውጽኦ ፡  
 እምጎበ ፡ አልቦ ፡ አላ ፡ በከመ ፡ ገብረ ፡ ኩሎ ፡ በዓቢይ ፡ ጥበብ ፡ ከሚሁ ፡

የዓቅብ ፡ ነሎ ፡ በዓቢይ ፡ ጥንቃቄ ፡ ወይማግብ ፡ ነሎ ፡ ወይመርሕ ፡  
 ነሎ ፡ ወለነሎ ፡ ይሔሊ ፡ ወለነሎ ፡ ያሜኒ ፡ ወለነሰ ፡ ይደልወኒ ፡ ናኦ  
 ነሎ ፡ ዘልፈ ፡ በነሎ ፡ ኃይለ ፡ ልብነ ፡ ወንትኦመን ፡ በኒሩቱ ፡ ወንጾሊ ፡  
 ጎቤሁ ፡ መዓልተ ፡ ወሌሊተ ፡ ከመ ፡ ይዕቀብነ ፡ ወያሠኒ ፡ ለነ ፡ ወየሀበነ ፡  
 ነሎን ፡ መፍቅዳተ ፡ ሕይወትነ ፡ ወያብርሀ ፡ ልቡናነ ፡ ለአእምሮ ፡ ፈቃ 5  
 ዱ ፡ ቅዱስ ፡ ከመ ፡ ንግበሮ ፡ ወንፈጽጥ ፡ ጥንቁቅ ፡ በነሎ ፡ መዋዕለ ፡ ቅ  
 ኔነ ፡ ውስተ ፡ ዝንቱ ፡ ዓለም ፡ ወናስተብቅዖ ፡ በጎዘነ ፡ ልብነ ፡ ከመ ፡  
 \* 39 v. ይስረይ ፡ ለነ ፡ ጎጣውኢነ ፡ ወይኅድግ ፡ ለነ ፡ አበሳነ ፡ \* ዘገበርነ ፡ አመ ፡  
 ንዕስነ ፡ በኢያእምሮትነ ፡ ወንነስሕ ፡ ወንትመየጥ ፡ ወንቅረብ ፡ ጎቤሁ ፡  
 በሕሊናነ ፡ ንጹሕ ፡ አስመ ፡ ውኦቱ ፡ ያፈቅረነ ፡ ወበአንተ ፡ ዘኮንኩ ፡ 10  
 አነ ፡ ንዑሰ ፡ ወትሑተ ፡ ወሕሎመ ፡ በቅድሜሁ ፡ በአንተዝ ፡ ኢይሜን  
 ነነ ፡ ፈጣሪየ ፡ አስመ ፡ ዕበየ ፡ ዚአሁ ፡ ዘአልቦ ፡ ጽንፍ ፡ የአክል ፡ ለነሎ ፡  
 ለዓቢይ ፡ ወለንኡስ ፡ ወአልቦ ፡ ዕጂ ፡ አምንዑሳን ፡ ዕጂያተ ፡ ምድር ፡ ወአ  
 ልቦ ፡ ዕዕ ፡ አምዕዕወ ፡ ገዳም ፡ ወአልቦ ፡ ሣዕር ፡ አምሣዕራተ ፡ ገራህት ፡  
 ዘአግዚአብሔር ፡ ኢይሔሊ ፡ ሎቱ ፡ ወእፎ ፡ ሊተኒ ፡ ለለባዊት ፡ ፍጥ 15  
 ረተ ፡ ዚአሁ ፡ ኢይሔሊ ፡ ዘልፈ ፡ ወበከመ ፡ ይምሀር ፡ አብ ፡ ውሎደ ፡  
 ከማሁ ፡ ይምሀርነ ፡ አግዚአብሔር ፡ ለፍጡራኒሁ ፡ ወውኦቱሰ ፡ ኢይት  
 ዓዕብ ፡ ወኢምንተኒ ፡ አምብዝኃ ፡ ሕሊናት ፡ ወአምብዝኃ ፡ ምግብናሁ ፡  
 ለዝንቱ ፡ ዓለም ፡ አስመ ፡ ነሎ ፡ ይከውን ፡ በሥምረቱ ፡ ብዕዕት ፡ ወይ  
 ክል ፡ መግባተ ፡ ኅቡረ ፡ አአላፈ ፡ አአላፋት ፡ ወትኦልሬተ ፡ አአላፋት ፡ 20  
 ዓለማት ፡ አንበለ ፡ ይዓሙ ፡ ወአንበለ ፡ ይድከም ፡ ወመግባቶሙ ፡ ከነ ፡  
 ከመ ፡ ወኢምንት ፡ በቅድሜሁ ፡

\* 40 r. ክፍል ፡ ፯ ፡ ወዓዲ ፡ ልቡናየ ፡ ያጤይቀኒ ፡ ከመ ፡ ነፍስየ ፡ \* ተፈ  
 ጥረት ፡ ለባዊተ ፡ ከመ ፡ ታእምሮ ፡ ለፈጣሪሃ ፡ ወትሰብሐ ፡ ወታእነተቶ ፡  
 በነሎ ፡ ጊዜ ፡ ወትትቀነይ ፡ በቅኔ ፡ ዘሠርዓ ፡ ላቲ ፡ ፈጣሪሃ ፡ ወትኅ 25  
 ሥሥ ፡ ወትለቡ ፡ ፈቃዶ ፡ በነሎ ፡ ግብር ፡ ዘትገብር ፡ ወትግነይ ፡ ሎቱ ፡  
 አንበለ ፡ ሔስ ፡ አስከ ፡ አመ ፡ ትነብር ፡ ውስተ ፡ ዛቲ ፡ ንብረት ፡ ወው  
 ስተ ፡ ዝንቱ ፡ ሥጋ ፡ ወአምድኅረ ፡ ዛቲ ፡ ንብረትሰ ፡ ትትመየጥ ፡ ጎብ ፡  
 ፈጣሪሃ ፡ ወይሬስያ ፡ በከመ ፡ ሥምረቱ ፡ ልዕልት ፡ ወቡርካት ፡ ወአንሰ ፡  
 አስከ ፡ አመ ፡ ሀሎኩ ፡ ውስተ ፡ ዝንቱ ፡ ቅኔ ፡ ይደልወኒ ፡ አኅሥሥ ፡ ወ 30  
 አእምሮ ፡ ፈቃዶ ፡ አግዚአብሔር ፡ ላዕሌየ ፡ ወአፈጽም ፡ ወአሠኒ ፡ ምግ  
 ባርየ ፡ አስመ ፡ በአንተዝ ፡ ፈጠረኒ ፡ ለባዌ ፡ ወዓዲ ፡ አስመ ፡ አግዚአ  
 ብሔር ፡ ኢፈጠረኒ ፡ ባሕቲትየ ፡ አላ ፡ አንበረኒ ፡ ምስለ ፡ ካልአን ፡ ፍጡ  
 ሬን ፡ ከማየ ፡ ዘኮኑ ፡ ዕሩያነ ፡ ምስሌየ ፡ ይደልወኒ ፡ አኅብር ፡ ምስሌሆሙ ፡  
 በተፋቅሮ ፡ ወበተራድኦ ፡ በበይናቲነ ፡ ወኢይደልወኒ ፡ አጽልጦሙ ፡ ወአ 35  
 ግብር ፡ ምንተኒ ፡ አኩየ ፡ በላዕሌሆሙ ፡ አስመ ፡ አዘዘኒ ፡ አግዚአብሔር ፡



ከመ ፡ አትቀንይ ፡ ምስሌሆሙ ፡ ወአፍቅሮሙ ፡ ለአኃውየ ፡ ዘይትቀንይ ፡  
 \* ምስሌየ ፡ ወእርድአሙ ፡ በኩሉ ፡ ከሂሎትየ ፡ በከመ ፡ አነሂ ፡ አፈቅድ ፡ \* 40 v.  
 ያፍቅሩኒ ፡ ወይርድኡኒ ፡ ኩሉ ፡ ሰብእ ፡ ወጥዩቅ ፡ ውእቱ ፡ ዝንቱ ፡ ትም  
 ሀርተ ፡ ልቡናነ ፡ እስመ ፡ ሰብእ ፡ ኢይክል ፡ ይትወለድ ፡ ወይልሀቅ ፡ ወይ  
 5 ትቀንይ ፡ ባሕቲቱ ፡ እንበለ ፡ በተራድአ ፡ ዘካልአን ፡ ሰብእ ፡ ወክሡት ፡  
 ላዕለ ፡ ዝንቱ ፡ ፈቃደ ፡ ፈጣሪነ ፡ ዘአንበረ ፡ ሰብእ ፡ ውስተ ፡ ዝንቱ ፡  
 ቅኔ ፡ ከመ ፡ ይኅበሩ ፡ በበይናቲሆሙ ፡ ወይትፋቀሩ ፡ ወይትራድኡ ፡ ለረ  
 ኪበ ፡ ኩሎን ፡ መፍቅዳተ ፡ ሕይወቶሙ ፡ በከመ ፡ ይትፈቀድ ፡ ለኩሉ ፡  
 ለለጅጅ ። ወዝንቱ ፡ ሃይማኖት ፡ ዘይከሥት ፡ ለነ ፡ ልቡናነ ፡ የዓቢ ፡  
 10 እምኩሎን ፡ ምሥጢራት ፡ ኅቡዓት ፡ ዘኢይበቅላዓ ፡ ወኢምንተኒ ፡ ለአ  
 ሠንዮ ፡ ምግባራቲነ ፡ ወለፈጽሞ ፡ ባሕርየ ፡ ፍጥረትነ ፡ ንጽናዕ ፡ ቦቱ ፡  
 ወንረከብ ፡ ዕሜተ ፡ ብኩኃ ፡ በኅበ ፡ እግዚአብሔር ፡ ወበኅበ ፡ ሰብእ ።  
 ከፍል ፡ ፳ ። ዓቢይ ፡ ውእቱ ፡ ግብረ ፡ እግዚአብሔር ፡ ውስተ ፡  
 ኩሉ ፡ ፍጥረት ፡ ወፈድፋደ ፡ ዕሙቅ ፡ ሕሊናሁ ፡ ወዘኢይትንበብ ፡ ጥበ  
 15 በ ፡ ዚአሁ ፡ ወለነሰ ፡ ኢይትከሠት ፡ እንበለ ፡ ንኮቲት ፡ ጥቀ ፡ እምክረ ፡  
 ዚአሁ ፡ ወ\* ኢንክል ፡ ንለቡ ፡ በእንተ ፡ ኩሉ ፡ ፍናዊሁ ፡ በዘፈጠረ ፡ ወ  
 መርሐ ፡ ኩሎን ፡ ፍጥረታቲሁ ፡ ወኢይደልወነ ፡ ንበሎ ፡ ለእግዚአ  
 ብሔር ፡ ለምንት ፡ ከመዝ ፡ አው ፡ ከመዝ ፡ ገበርክ ፡ በከመ ፡ ልሀኩት ፡  
 ኢይብሎ ፡ ለለብሐዊ ፡ ለምንት ፡ ገበርከኒ ፡ ከመዝ ፡ ከማሁ ፡ ኢይደልዎ ፡  
 20 ለፍጥረት ፡ ትበሎ ፡ ለፈጣሪሃ ፡ ለምንት ፡ ከመዝ ፡ ፈጠርከኒ ። ወለነሰ ፡  
 ይደልወነ ፡ ንከግድ ፡ ሎቱ ፡ ወለኩሉ ፡ ፍናዊሁ ፡ ቅዱሳን ፡ ዘኢንክል ፡ አእ  
 ምሮቶሙ ፡ እስመ ፡ ልቡናነ ፡ ያጤይቀነ ፡ ከመ ፡ እግዚአብሔር ፡ ጠቢብ ፡  
 ውእቱ ፡ ወዘኢይትኅየጥ ፡ ምክሩ ፡ ወእስመ ፡ ገብረ ፡ ኩሎ ፡ በዓቢይ ፡ ጥ  
 በብ ፡ ይደልወነ ፡ ንእመን ፡ ወንትእመን ፡ ከመ ፡ ኩሉ ፡ ዘገብረ ፡ ሠናይ ፡  
 25 ውእቱ ፡ በከመ ፡ ይትፈቀድ ፡ ለአስተሳንዮ ፡ ዝንቱ ፡ ዓለም ፡ ወለፈ  
 ጽሞ ፡ መፍትወ ፡ ኩላ ፡ ፍጥረት ። ንሕነሰ ፡ ንሬኢ ፡ ብኩኃተ ፡ ፍጥ  
 ረታተ ፡ ዘይመስሉ ፡ ብጡላተ ፡ ወሙሱናተ ፡ ወዘተገብራ ፡ እንበለ ፡ ምክር ፡  
 ወጥበብ ፡ ወዘአልቦ ፡ በቅዱት ፡ በፈጠሮቶሙ ፡ ወዝንቱ ፡ ከነ ፡ እስመ ፡  
 ኢንአምር ፡ ጥበበ ፡ ፈጣሪ ፡ ዘገብረ ፡ ኩሎ ፡ ይኩን ፡ ሠናየ ፡ \* ወባቅላዓ ፡ \* 41 v.  
 30 በፍና ፡ እንተ ፡ ፈጠሮ ። ወዓዲ ፡ ኢንአምር ፡ መፍትወ ፡ ፍጥረት ። ወ  
 ለነሰ ፡ ይደልወነ ፡ ናንክሮ ፡ ወንሰብሐ ፡ ለፈጣሪ ፡ በኩሉ ፡ ግብሩ ፡ ወበ  
 ዘሂ ፡ ኢንአምር ፡ ወናኦኩቶ ፡ እስመ ፡ ፈጠረነ ፡ ወአንበረነ ፡ ማእከለ ፡  
 እሉ ፡ ፍጥረታት ፡ ሠናያት ፡ ወመንክራት ፡ ወረሰየነ ፡ ልዑላነ ፡ እምአላ ፡  
 ኩሎን ፡ ወጸገወነ ፡ ልቡና ፡ ወእእምሮ ፡ ዘኢጸገምን ፡ ከማነ ፡ ለካልአት ፡  
 35 ፍጥረታት ፡ እንበሌነ ፡ ወረሰየነ ፡ ንኩን ፡ ሥዮማነ ፡ ወንንግሥ ፡ ላዕለ ፡  
 ኩላ ፡ ፍጥረት ፡ እመሰ ፡ እግዚአብሔር ፡ ኢፈጠረ ፡ ካልአ ፡ ነገረ ፡ እም

ታሕቱን፣ አምኢያኦመርን፣ ልዕልናን ። ወይእኬሰ፣ አምጣን፣ ንትሌዓል፣  
 አምአንሰሳ፣ ወአምዕፀው፣ ገዳም፣ ይደልወን፣ ናኢተቶ፣ ለፈጣሪ፣ ዘክል  
 ዓለን፣ ወክብረ፣ ወሰብሐተ፣ ከለለን፣ ወሜመን፣ ውስተ፣ ኩሉ፣ ግብረ፣  
 አደዊሁ፣ ወኩሉ፣ አግረረ፣ ለን፣ ታሕተ፣ አገሪን፣ አስመ፣ ሰብአ፣ ንጉ  
 ሠ፣ ውኣቱ፣ ለዝንቱ፣ ዓለም፣ ወይኤዝዝ፣ ኩሉ፣ ወይመልክ፣ ኩሉ ፤ 5  
 ወካልኦት፣ ፍጥረታት፣ ይትኤዘዘ፣ ወይትቀንያ፣ ሎቱ፣ አው፣ ይርዕ  
 \* 42 ሞ. ዳ፣ ወይጎይያ፣ አምቅድመ፣ ገጹ ። ወለሰብአሰ፣ አልቦ፣ መላኪ፣ \*አን  
 ቦለ፣ አግዚአብሔር፣ ባሕቲቱ፣ ወበአንተዝ፣ ይደሉ፣ ከመ፣ ይስግድ፣  
 ሎቱ፣ ለዘሜም፣ ወአልዓሎ፣ ላዕለ፣ ኩሉ፣ ግብሩ፣ ወይትቀንያ፣ ሎቱ፣  
 በኩሉ፣ ልቡ፣ ወይፈጽም፣ ኩሉ፣ ፈቃዶ፣ ዘያርአዮ፣ በብርሃን፣ ልቡ 10  
 ናሁ፣ በዘያስተርኢ፣ ሎቱ፣ ሠናይ፣ ወአኩይ፣ አስመ፣ በከመ፣ በብርሃን፣  
 ልቡናን፣ ነአምሮ፣ ለፈጣሪ፣ ከማሁ፣ በውኣቱ፣ ልቡና፣ ነአምሮ፣ ፈቃ  
 ዶ፣ ላዕሌን ። ወንሔሊ፣ ከመ፣ ውኣቱ፣ አግዚአኣን፣ ወንሕነሰ፣ ግብረ፣  
 አደዊሁ፣ ወውኣቱሰ፣ ይክል፣ ይረከየን፣ በከመ፣ ሥምረቱ፣ ላዕሌን ።  
 ወበአንተዝ፣ ይደልወን፣ ናኢተቶ፣ ኩሉ፣ ዓሚረ፣ በአንተ፣ ሠናያት፣ 15  
 ዘገብረ፣ ለን፣ ወናትሕት፣ ርእሰን፣ ሰብ፣ ይቀሥፈን፣ ወይፈትነን፣ ወ  
 ንጸሊ፣ ብሌሁ፣ ከመ፣ ያቅልል፣ ቅኔ፣ በዘንትቀንያ፣ ወይሚጥ፣ ልቦን፣  
 ብሌሁ፣ በአኦምሮ፣ ወበፍቅረ፣ ዚአሁ ።

ክፍል ፡ ፱ ። ወአመ፣ ምንዳቤነሰ፣ ወሕማማቲን፣ በዘ[ሠ]ምረ፣  
 አግዚአብሔር፣ ይፍትነን፣ ውስተ፣ ዝንቱ፣ ቅኔ፣ ይደልወን፣ ንትዓ 20  
 ገሥ፣ ወንጸሊ፣ ብሌሁ፣ ከመ፣ ያጽንዓን፣ በተአምኖ፣ ቦቱ፣ ወናትሕት፣  
 \* 43 ሞ. ርእሰን፣ ታሕተ፣ \*አደሁ፣ ቅዱስ ። ወለአመቦ፣ ዘይብሉ፣ በይን፣  
 ምንት፣ አግዚአብሔር፣ መሐፊ፣ ወመስተሣህል፣ ይቀሥፈን፣ ወይትመ  
 ዓዕ፣ ላዕለ፣ ፍጡራኒሁ ፤ አብሎሙ፣ አከ፣ አግዚአብሔር፣ ዘይቀ  
 ሥፈን፣ በመዓቱ፣ አስመ፣ አግዚአብሔር፣ ህላዌ፣ ፍጹም፣ ውኣቱ፣ 25  
 ወኢይትመዓዕ፣ ለግሙራ፣ ወአልቦ፣ ዘይክል፣ አምዕዖቶ፣ ወኢይትሀ  
 ወክ፣ ተድላሁ፣ ለዓለም ። ወባሕቱ፣ ንሕን፣ ናመጽኦ፣ መቅሠፍተ፣ ላ  
 ዕሌን፣ ሰብ፣ ንነሥት፣ ሕገጋተ፣ ዘሠርዓ፣ ለን፣ ፈጣሪ፣ ወለኩሉ፣ ፍጥ  
 ረት፣ ግብረ ። ወበአንተ፣ ዝንቱ፣ ነሢቶተ፣ ሕገጋት፣ ይመጽኦ፣ ላዕሌን፣  
 ኩነኔ፣ ሥሩዕ፣ በጥበብ፣ ፈጣሪ፣ ለተዓቅቦ፣ ኩላ፣ ፍጥረት፣ ውስተ፣ 30  
 ውሳኔሃ ። ወበከመ፣ ዘያውኢ፣ አደሁ፣ በአሳት፣ ይረከቦ፣ ሕማም፣ አን  
 ቦለ፣ ይክሐል፣ ይሕምሮ፣ ለአግዚአብሔር፣ ዘገብረ፣ አሳተ፣ ከማሁ፣  
 ዘይነሥት፣ ሕገጋተ፣ ዘተሠርዑ፣ ለኩላ፣ ፍጥረት፣ ይረከቦ፣ ኩነኔ፣  
 ዕሩይ፣ ምስለ፣ ሕግ፣ ዘነሰተ ። ወዝንቱ፣ ዕፊና፣ ኩነኔ፣ ምስለ፣ ነሢቶተ፣  
 ሕግ፣ በሠናይ፣ ምክረ፣ ፈጣሪ፣ ዘተሠርዓ፣ ወይትፈቀድ፣ ለአስተሣንዮ፣ 35  
 \* 43 ሞ. ዝዓለም፣ ወለተዓቅቦ፣ ኩሉሎሙ፣ ፍጡራን፣ ውስተ፣ ውሳኔሃሙ፣ በዘ

ተፈጥሩ ። ወበእንተዝ ፣ እግዚአብሔር ፣ ኢይቀሥፈን ፣ በመፃቱ ፣ አላ ፣  
 ምግባራቲን ፣ እለ ፣ ኢይሰንፃጢ ፣ ምስለ ፣ ሕገጋተ ፣ ተፈጥሮትን ፣ ያመ  
 ጽኡ ፣ መቅሠፍተ ፣ ላዕሌን ፣ ወፃዲ ፣ ይደልወን ፣ ነሐሌ ፣ ከመ ፣ እግዚአ  
 ብሔር ፣ ጳድቅ ፣ ውእቱ ፣ ወየፃቅብ ፣ ጽድቅ ፣ በኩሉ ፣ ግብሩ ፣ ወምስለ ፣  
 5 ኩላ ፣ ፍጥረት ፣ ወይዔፊ ፣ ኩነኔ ፣ አምጣን ፣ አበሳሰው ፣ ለሰብእ ፣ ወሰብ  
 እሰ ፣ አመ ፣ ይጸንስ ፣ ኃጢአተ ፣ ውስተ ፣ ልቡ ፣ ወይፈጽሞ ፣ በኣኩይ ፣ ፈ  
 ቃዱ ፣ ውእተ ፣ ፃጂረ ፣ ኢየአምር ፣ ከመ ፣ አምይእይ ፣ ይደልዎ ፣ ኩነኔ ፣  
 ዕሩይ ፣ ምስለ ፣ አበሳ ፣ ዘገብረ ፣ ወዝንቱ ፣ ኩነኔሰ ፣ ኢይትኃደግ ፣ እን  
 በለ ፣ ይብጻሕ ፣ በጊዜ ፣ ሥሩዕ ፣ እመኒ ፣ በጉጉፃ ፣ እመኒ ፣ በጉንዱይ ፣  
 10 ሰብእሰ ፣ ይረስእ ፣ አበሳሁ ፣ ዘገብረ ፣ ወኢይይከር ፣ ዕዳ ፣ ዘተጽሕፈ ፣ በላ  
 ዕሌሁ ፣ ወጽድቅ ፣ እግዚአብሔርሰ ፣ ኢየኃድጎ ፣ እስከ ፣ ይዔፊ ፣ ኩነኔ ፣  
 ምስለ ፣ አበሳ ፣ ወበእንተዝ ፣ አመ ፣ ይበጽሐን ፣ መቅሠፍት ፣ ይደልወን ፣ ናት  
 ሕት ፣ ርእሰን ፣ በንሱሕ ፣ ልብ ፣ ወንትመየጥ ፣ ጎበ ፣ ፈጣሪን ፣ በፍጹ\* ም ፣ \* 43 v.  
 ፈቃድን ፣ ወንሰብሐ ፣ ዘልፈ ፣ እስመ ፣ እኩት ፣ ወስቡሕ ፣ ስሙ ፣ በኩሉ ፣  
 15 ዘአምጽእ ፣ ላዕሌን ፣ ወጽድቅ ፣ ኩሉ ፣ ኩነኔሁ ፣ ወይገብር ፣ ፍትሐ ፣ ወር  
 ትፃ ፣ በኩሉ ፣ ዘይገብር ፣ ለን ፣ ወአልቦ ፣ ፃመፃ ፣ በጎቤሁ ።

ከፍል ፣ I ፣ ወለእመቦ ፣ ዘይብሉ ፣ ጽድቅ ፣ እግዚአብሔርሰ ፣ ኢይ  
 ዔፊ ፣ በዝንቱ ፣ ፃለም ፣ ኩነኔ ፣ ምስለ ፣ አበሳሰው ፣ ለሰብእ ፣ እስመ ፣ ንሬ  
 ኢ ፣ ሰብእ ፣ እኩያን ፣ ወፃግዕያን ፣ እንዘ ፣ ይትፈግዑ ፣ ወየሞሃንሰ ፣ ወጻ  
 20 ድቃን ፣ ይትፃፀቡ ፣ በኩሉ ፣ ምንዳቤ ፣ ወኃያላንጂ ፣ ያፈርሆሙ ፣ ወይትዔ  
 ገሎሙ ፣ ለነዳያን ፣ ወየሃይዶሙ ፣ ወነዳያን ፣ ይበክዩ ፣ ወአልቦ ፣ ዘይረድ  
 አሙ ፣ ወየፃወይዔ ፣ ጎበ ፣ እግዚአብሔር ፣ ወኢይሰምሎ ፣ ወፃዲ ፣ ንሬ  
 ኢ ፣ ሕፃናተ ፣ ዘየሐሙ ፣ አምቅድመ ፣ ይኩን ፣ በሙ ፣ አአምር ፣ ለገቢረ ፣  
 እከይ ፣ ወዝንቱ ፣ ኩሉ ፣ ያርእየን ፣ ከመ ፣ ጽድቅ ፣ እግዚአብሔር ፣ ኢከን ፣  
 25 ፍጹመ ፣ በዲበ ፣ ምድር ፣ አብሎሙ ፣ በእንተ ፣ ዝንቱሰ ፣ ይደልወን ፣ ንስ  
 ግድ ፣ ለሥምረተ ፣ እግዚአብሔር ፣ በአርምሞ ፣ እስመ ፣ ኢንክል ፣ ናአም  
 ር ፣ ፍናዊሁ ፣ ርቱፃን ፣ ወኢንክል ፣ (ወ)ናአምር ፣ በይን ፣ መንት ፣ ይቀሥ  
 ፍ ፣ ሰብእ ፣ ዘይመስሉን ፣ ጳድቃን ፣ ወባሕቱ ፣ ነ\* አምር ፣ ጥዩቅ ፣ ከመ ፣ እግ  
 30 ዚአብሔር ፣ ጳድቅ ፣ በኩሉ ፣ ምግባሩ ፣ ወአልቦ ፣ ፃመፃ ፣ በጎቤሁ ፣ ወኢ

ይክል ፣ ይቅሥፎሙ ፣ ለሰብእ ፣ እንበለ ፣ በምክንያተ ፣ ጽድቅ ፣ ወበእ  
 ንተዝ ፣ አመ ፣ ይቀሥፈን ፣ ኢናንጐርጐር ፣ አላ ፣ ናትሕት ፣ ርእሰን ፣ ወንስ  
 ግድ ፣ ለእግዚእን ፣ ዘይቀሥፈን ፣ ለአድግኖትን ፣ ወአኩ ፣ ለአጥፍኦትን ፣ ወ  
 ይቀሥፈን ፣ ከመ ፣ ያንጽሐን ፣ አምኃጣውኢን ፣ ዘገበርን ፣ ወይጂጠን ፣  
 ጎቤሁ ፣ ወይረስየን ፣ ድልዋን ፣ ለዕሜት ፣ ዘአስተዳለወ ፣ ለን ፣ በጥበቡ ፣  
 35 አው ፣ ከመ ፣ ያስተሣኒ ፣ ስን ፣ ፍጥረት ፣ ወምግብና ፣ ዝንቱ ፣ ፃለም ፣  
 እስመ ፣ ኩላ ፣ ፍጥረት ፣ ተሰናሰለት ፣ በበይናቲሃ ፣ ወሰበ ፣ አሐቲ ፣

ትጠዊ ፣ ይፃፃፍ ፣ ወካልኦትሂ ፣ ዘተሰናሰላ ፣ ምስሌሃ ። በዘይቤሉ ፣ ነፍ  
 ሳተ ፣ ሰብእ ፣ መላእክት ፣ ኦሎንቱ ፣ ዘአበሱ ፣ በቅድመ ፣ አግዚአብሔር  
 ር ። ወበእንተዝ ፣ ይደልፎሙ ፣ ነኑኔ ፣ አምጣነ ፣ አበሳሃሙ ፣ ዘገብሩ ።  
 ወሥጋ ፣ ሰብእሰ ፣ ቤተ ፣ ሞቅሖሙ ፣ በዘይትሞቅሖሙ ፣ ቦቱ ፣ እስከ ፣  
 አመ ፣ ይፈጽሙ ፣ ህየ ፣ ንስሐሆሙ ። ወአግዚአብሔር ፣ ፈጠረ ፣ ምልእ 5  
 ፡ 44 ህ ፡ ፊተ ፣ አእላፍ ፣ መላእክት ፣ ይቤሉ ፣ ቀደ \*ሞት ፣ ጠቢባን ፣ ወአሙ  
 ንቱኔ ፣ መላእክት ፣ አበሱ ፣ በሕሊናሆሙ ፣ ወክኑ ፣ ድልዋነ ፣ ነኑኔ ፣  
 ወበእንተዝ ፣ ይትሞቅሖሙ ፣ ውስተ ፣ ሥጋ ፣ ሰብእ ፣ እስከ ፣ አመ ፣ ይት  
 ፈጽሞ ፣ ንስሐሆሙ ፣ ወድኅረ ፣ ይትመየሙ ፣ ኅበ ፣ ፈጣሪሆሙ ፣ ወኅበ ፣  
 ቅኔሆሙ ፣ መንፈሳዊት ፣ ወለእመ ፣ ይኤብሱ ፣ ካዕበ ፣ ይትሞቅሖሙ ፣ ዳግ 10  
 መ ፣ ወእስከ ፣ አመ ፣ ህለጢ ፣ ውስተ ፣ ሥጋ ፣ ሰብእ ፣ ኢይዜክሩ ፣ ምን  
 ተኔ ፣ በእንተ ፣ ንብረቶሙ ፣ ዘቀዳሚ ፣ ከመ ፣ ኢይስብሩ ፣ ሞቅሖሙ ፣  
 ወኢይቅትሉ ፣ ሥጋሆሙ ፣ በእንተ ፣ ፍቅረ ፣ ቀዳሚ ፣ ንብረቶሙ ። ወእ  
 ግዚአብሔርሰ ፣ ፈጠረ ፣ ሎቱ ፣ ለመልአክ ፣ አባሲ ፣ ዘንተ ፣ ሠናየ ፣ ቤ  
 ተ ፣ ሞቅሖሙ ፣ ዘውአቱ ፣ ሥጋ ፣ ሰብእ ፣ ወውአቱ ፣ መልአክ ፣ ሰባ ፣ ተ 15  
 ሞቅሖሙ ፣ ቦቱ ፣ ይመልዖ ፣ ሕይወተ ፣ እስከ ፣ አመ ፣ ይወጽኑ ፣ አምኔሁ ፣  
 ወውአተ ፣ ዓሚረ ፣ ይትነሠት ፣ ቤተ ፣ ሞቅሖሙ ፣ ከመ ፣ ኢይኩን ፣ ለካል  
 ኩ ፣ በእንተ ፣ ክብሩ ፣ ለዘተሞቅሖሙ ፣ ቦቱ ። ወዓዲ ፣ እስመ ፣ አበሳ  
 ሆሙ ፣ ለመላእክት ፣ ኢኮነ ፣ ዕሩየ ፣ በኩሉ ፣ አላ ፣ አበሳ ፣ አሐዱ ፣ የዓቢ ፣  
 ወአበሳ ፣ ካልኩ ፣ ይንዕስ ፣ በእንተዝ ፣ ይትሞቅሖሙ ፣ ውስተ ፣ ሥጋ ፣ ሰ 20  
 ፡ 45 ሞ ፡ ብእ ፣ አምጣነ ፣ \*አበሳሃሙ ፣ ወአሐዱ ፣ ይነብር ፣ ውስተ ፣ ዝንቱ ፣  
 ሥጋ ፣ ኅዳጠ ፣ መዋዕለ ፣ ወካልኩ ፣ ብኩኃ ፣ ዓመታተ ። ወአለ ፣ በኅ  
 ዳዖ ፣ አበሱ ፣ ይትፈትሑ ፣ አው ፣ ይመውቱ ፣ በንዕሶሙ ፣ ወአለ ፣  
 በብኩኅ ፣ አበሱ ፣ ይመውቱ ፣ በውርዝቶሙ<sup>1</sup> ፣ አው ፣ በርስዖሙ ። ወአለ ፣  
 አፈድፈዱ ፣ አብሰ ፣ አምአሉ ፣ ወይወስኩ ፣ ዓዲ ፣ የአብሱ ፣ ወበዝንቱሂ ፣ 25  
 ሕይወት ፣ አሙንቱኔ ፣ ይትሞቅሖሙ ፣ ብኩኃ ፣ ዓመታተ ፣ በአኩይ ፣ ንብ  
 ረት ፣ ወይከውን ፣ ዕድሜሆሙ ፣ ነዊኃ ፣ ወማሕመሜ ። ወከመዝ ፣  
 ይቤሉ ፣ አሙንቱ ፣ ጠቢባን ፣ ወወሰኩ ፣ ለአጽንዖ ፣ ትምህርቶሙ ፣ ወይ  
 ቤሉ ፣ ለእመ ፣ ነፍሱነ ፣ ኢአበሰት ፣ በቀዳሚ ፣ ንብረት ፣ አምኢተኩ  
 ነነት ፣ በዝንቱ ፣ ዓለም ፣ እስመ ፣ አግዚአብሔር ፣ ኢይክል ፣ ይኩንና ፣ 30  
 እንበለ ፣ በአምጣነ ፣ አበሳሃ ። ወአንሰ ፣ አምድኅረ ፣ ሐተትኩ ፣ ዘንተ ፣  
 ትምህርተ ፣ ረከብክዖ ፣ ውጹኦ ፣ አምውሳኔ ፣ ልቡናነ ፣ ወኢንክል ፣ ናእ  
 ሞር ፣ ለእመ ፣ ከነ ፣ ጽድቅ ፣ ወሚመ ፣ ሐሰተ ።

ክፍል ፣ ፲፩ ። ወአምዝንቱ ፣ ትምህርት ፣ ይሜኔ ፣ ዘይቤ ፣ መምሀ

<sup>1</sup> Sic ms.

ርየ ፡ ጠቢብ ፡ ዘርአ ፡ ያዕቆብ ፡ \*አስመ ፡ መናከው ፡ ወምንዳቤያት ፡ ዘይ \* 45 v°.  
 ረከብምው ፡ ለሰብአ ፡ ውስተ ፡ ዝንቱ ፡ ዓለም ፡ በእንተ ፡ ረቲናቶው ፡  
 ውኣቱ ፡ ወከመ ፡ ሰብአ ፡ ይኩኑ ፡ ድልዋነ ፡ ለዕሜት ፡ ዘአስተዳለው ፡  
 ሎው ፡ ረግፊሆው ፡ አስመ ፡ ኢይደልዎ ፡ ዕሜት ፡ ለዘኢተአምነ ፡ በጊዜ ፡  
 5 ረቲን ፡ ወበከመ ፡ ይትፈተን ፡ ብሩር ፡ በምንሐብ ፡ ይኩን ፡ ጽሩየ ፡ ወን  
 ጡፈ ፤ ከማሁ ፡ ይትፈተን ፡ ሰብአ ፡ በምንዳቤ ፡ ወበመንሱት ፡ ወዘሰ ፡  
 ይትጫገሥ ፡ ጊዜ ፡ ረቲን ፡ ወይባርከ ፡ ለእግዚአብሔር ፡ አመ ፡ ምንዳ  
 ቤሁ ፡ ወያቴሕት ፡ ርእሶ ፡ በአኩቴት ፡ ወተጋንዮ ፡ ወይትቀንይ ፡ ሎቱ ፡  
 በኩሉ ፡ ጊዜ ፡ ውኣቱ ፡ ይከውን ፡ ድልዎ ፡ ለዕሜት ፡ ዘኢይማከን ፡ ወዘሰ ፡  
 10 ኢያአመረ ፡ ምልክናሁ ፡ ለልዑል ፡ ወይከሀዶ ፡ ጊዜ ፡ ረቲን ፡ ወይጸርፎ ፡  
 ጊዜ ፡ መከራ ፡ ውኣቱ ፡ ይትቀሠፍ ፡ በከመ ፡ ይደልዎ ፡ ለወልድ ፡ ዓላዊ ፡  
 ወለገብር ፡ ከሐዴ ፡ እግዚኡ ።

ጸሎት ፤ አገኒ ፡ ለከ ፡ እግዚኡ ፡ ንጉሥየ ፡ ወአሴብሐከ ፡ አምላኪየ ፡ በ  
 ኩሉ ፡ ጊዜ ፡ ወእትአመን ፡ ብከ ፡ ወአሰግድ ፡ ለሥምረትከ ፡ ቅዱስ ፡ አን  
 15 ቱ ፡ አምላኪየ ፡ ወእግዚእየ ፡ ወከመ ፡ ዓይነ ፡ አግብርት ፡ ውስተ ፡ እደ ፡  
 \*አጋእዝቲሆው ፡ ከማሁ ፡ አዕይንትየ ፡ ኅቤከ ፡ ዘልፈ ፡ ረከየኒ ፡ ከመ ፡ ሠ \* 46 v°.  
 መርከ ፡ አስመ ፡ ፈቃድከ ፡ ጽድቅ ፡ ለዓለም ፡ ወባሕቱ ፡ አንዘ ፡ አሰግድ ፡  
 ለምልክናከ ፡ አስአለከ ፡ ወአስተበቀላከ ፡ በኩሉ ፡ ልብየ ፡ ከመ ፡ ኢታን  
 ኅ ፡ ወኢታክብድ ፡ መዋዕለ ፡ ረቲናትየ ፡ ከመ ፡ ኢይደቅ ፡ ውስተ ፡ ነፍ  
 20 ሰየ ፡ ዕበደ ፡ ብኩኃን ፡ ዘየአኩቱከ ፡ ሶበ ፡ አሠነይከ ፡ ሎው ፡ ወይጸር  
 ፉከ ፡ ሶበ ፡ ረተንከው ፡ ሀባ ፡ ኃይለ ፡ ለነፍሰየ ፡ ወአጽንዓ ፡ ከመ ፡ ኢታን  
 ቀልቅል ፡ ወኢይብለከ ፡ ኢትፍትነኒ ፡ አላ ፡ ረከየኒ ፡ አትጋደል ፡ ወእት  
 ዓገሥ ፡ በከመ ፡ ይደልዎ ፡ ለለባዊት ፡ ፍጥረተ ፡ ቢአከ ፡ ሶበ ፡ ሠመርከ ፡  
 ትፍትና ፡ ወሱቀኒ ፡ ከመ ፡ ኢይድኃዕ ፡ ወኢይከሀድከ ፡ ለግሙራ ፡ ወረከ  
 25 የኒ ፡ አሰብሐከ ፡ ዘልፈ ፡ ወአመ ፡ ታሜኒ ፡ ሊተ ፡ በበረከትከ ፡ ወአመሂ ፡  
 ትፈትነኒ ፡ በቅዱስ ፡ ሥምረትከ ፡ አስመ ፡ አንተ ፡ እግዚእየ ፡ ወአምላ  
 ኪየ ፡ አምቅድመ ፡ ዓለም ፡ ወአከከ ፡ ለዓለም ።

ከፍል ፡ ፲፪ ፡ ወበእንተ ፡ ጸሎትሰ ፡ ይደልወነ ፡ ንጹሌ ፡ ዘልፈ ፡  
 ኅበ ፡ እግዚአብሔር ፡ ረግፊነ ፡ ከመ ፡ ንርከብ ፡ መፍቅዳተ ፡ ሕይወትነ ፡  
 30 ወይጸግወነ ፡ አእምሮ ፡ ወጥበበ ፡ ለአሠንዮ ፡ \*ምግባራቲነ ፡ አስመ ፡ ጸሎ \* 46 v°.  
 ት ፡ ድልው ፡ ውኣቱ ፡ ወመፍትው ፡ ለባሕርየ ፡ ነፍሰነ ፡ ለባዊት ፡ ወለ  
 አመበ ፡ ዘይብሉ ፡ ጸሎትሰ ፡ ኢይትፈቀድ ፡ አስመ ፡ እግዚአብሔር ፡ የአ  
 ምር ፡ ኩሎን ፡ መፍቅዳቲነ ፤ ወእምድኅረ ፡ ውኣቱ ፡ ፈጠረነ ፡ ምሰለ ፡  
 አሉ ፡ መፍቅዳት ፡ ይደልዎ ፡ የሀበነ ፡ ዘይትፈቀድ ፡ ለነ ፡ አንበለ ፡ ንስአ  
 35 ሉ ፡ አብሎው ፡ አስመ ፡ ጸሎትሰ ፡ ኢተሠርዓ ፡ ከመ ፡ ናጠይቆ ፡ ለእግ  
 ዚአብሔር ፡ በእንተ ፡ መፍቅዳቲነ ፡ ዘውኣቱ ፡ የአምር ፡ ጥዩቅ ፡ ጥቀ ፡

እምኔን ፡ አላ ፡ ጸሎት ፡ ተሠርዓ ፡ ከመ ፡ ንኩን ፡ ድልዎን ፡ ለተወክፎ ፡ በረ  
 ከተ ፡ እግዚአብሔር ፡ ወናእምር ፡ እምኅበ ፡ መኑ ፡ ንትዌከፍ ፡ ዘይትፈ  
 ቀድ ፡ ለሕይወትን ። ወናእምር ፡ ከመ ፡ ከሉ ፡ እምእግዚአብሔር ፡ እም  
 ላክን ፡ ወናእከተቶ ፡ ወንሰብሐ ፡ ወንንበር ፡ ዘልፈ ፡ ቅሩባን ፡ ሎቱ ፡ በሐ  
 ልዮ ፡ ወበአኩቴት ። እስመ ፡ እግዚአብሔር ፡ ፈጠረን ፡ በእንተ ፡ ስብሐ 5  
 ቲሁ ፡ ወአከ ፡ ዘይትፈቀድ ፡ ሎቱ ፡ ምንትኒ ፡ እምኔን ፡ ወበእንተ ፡ ዝን  
 ቱ ፡ ግብር ፡ ይትሌለዩ ፡ ሰብእ ፡ እምእንስሳ ፡ እስመ ፡ እንስሳ ፡ ኢየአ  
 ምሩ ፡ እምኅበ ፡ መኑ ፡ ይትዌከፋ ፡ መፍቅዳቲሆሙ ፡ ወሰብእሰ ፡ የአምሩ ፡  
 \* 47 r. እግዚአብሔርሃ ፡ ፈጣሬ ፡ ዘይሰምዕ ፡ ስእለቶሙ ፡ ወይሁብ ፡ ጸሎቶ ፡  
 ለዘጸለየ ። ወዓዲ ፡ ጸሎት<sup>1</sup> ፡ ያኅብር ፡ ወያሰተዋሕድ ፡ መንፈስን ፡ ምስ 10  
 ለ ፡ ፈጣሪን ፡ ወይሴብሐ ፡ ወያጤይቀን ፡ ከመ ፡ ውኣቱ ፡ እግዚአብሔር ፡  
 ፈጣሬ ፡ ከሉ ፡ ወአኃዜ ፡ ከሉ ፡ ወነቅዓ ፡ ከሉ ፡ ብዕል ፡ ወከሉ ፡ ጸጋ ፡  
 ወንሕንሰ ፡ ፍጡራን ፡ ንሕን ፡ ወነዳያን ፡ ወምስኪናን ፡ ወዕሩቃን ፡ እም  
 ከሉ ፡ ሠናያት ፡ ወድኩማን ፡ ዘአልብን ፡ ረዳኢ ፡ እንበለ ፡ እግዚአ  
 ብሔር ፡ ባሕቲቱ ። ወበእንተዝ ፡ ነፍሰ ፡ ሰብእ ፡ እንበለ ፡ ጸሎት ፡ ትወ 15  
 ድቅ ፡ እምነ ፡ ጸታሃ ፡ ልዑል ፡ ወትትኃለቱ ፡ ውስተ ፡ ጸታ ፡ እንስሳ ፡  
 ዘአልቦሙ ፡ ልብ ፡ ወትትመሰሎሙ ፡ ወኢትከውን ፡ ድሉተ ፡ ለበረከተ ፡  
 ፈጣሪሃ ። እስመ ፡ ከሀደቶ ፡ ወኢያእመረቶ ፡ ወዓበየት ፡ ቀሪበ ፡ ኅቤሁ ፡  
 ወርኅቀት ፡ እምነቅዓ ፡ ከሉ ፡ በረከት ፡ ወአብደረታ ፡ ለመርገም ፡ ወጸ  
 ልአቶ ፡ ለወሀቤ ፡ ሕይወት ፡ ከመ ፡ ትደቅ ፡ ተገዲፋ ፡ ውስተ ፡ ጽል 20  
 መት ፡ ኅበ ፡ አልቦ ፡ ፀሐየ ፡ ጽድቅ ፡ ወኢፈቀደት ፡ ትንበር ፡ በፈጣሪሃ ፡  
 በከመ ፡ አጽቅ ፡ ውስተ ፡ ጉንድ ፡ ወበከመ ፡ ለአዕጺቅ ፡ ዘተመትሩ ፡ እም  
 \* 47 v. ጉንዶሙ ፡ \* አልቦሙ ፡ ሕይወት ፡ ከማሁ ፡ መንፈስን ፡ ኢይክል ፡ ሕይወ ፡  
 እንበለ ፡ ይቅርብ<sup>2</sup> ፡ ኅበ ፡ ፈጣሪሁ ፡ ወይንበር ፡ ቦቱ ፡ በጸሎት ፡ ወበአኩ  
 ቴት ፡ ወበተጋንዮ ፡ ዘዘልፍ ። 25

ክፍል ፡ ፲፫ ። ወሰበ ፡ ሰብእ ፡ ቀርቡ<sup>2</sup> ፡ ከመዝ ፡ ኅበ ፡ ፈጣሪሁ ፡  
 ወነበረ ፡ ስቁለ ፡ ኅቤሁ ፡ በጸሎት ፡ ወበአኩቴት ፡ ኢይደሉ ፡ ይርታቅ ፡  
 እምቢጹ ፡ እስመ ፡ ትእዛዘ ፡ እግዚአብሔር ፡ ውኣቱ ፡ ከመ ፡ ይንበር ፡  
 ምስለ ፡ ካልኣን ፡ ሰብእ ፡ ወይኅበር ፡ ምስሌሆሙ ። ወእግዚአብሔር ፡  
 ኢፈጠሮ ፡ ለሰብእ ፡ ይንበር ፡ ባሕቲቱ ፡ አላ ፡ ፈጠሮ ፡ በመፍቅደ ፡ ነቢር 30  
 ምስለ ፡ ሰብእ ፡ እስመ ፡ ሰብእ ፡ ለባሕቲቱ ፡ ኢይክል ፡ ሕይወ ፡ ወይትፈ  
 ቀድ ፡ ለአሐዱ ፡ ረድኤተ ፡ ካልኡ ። ወይደልሎሙ ፡ ለከሎሙ ፡ ሰብእ ፡  
 ከመ ፡ ይትራድኡ ፡ በበይኖቲሆሙ ። ወአለሰ ፡ ይትገኝሁ ፡ እማኅበረ ፡  
 ሰብእ ፡ ይነሥቱ ፡ ሥርዓተ ፡ ፈጣሪሆሙ ። ወአንተ ፡ ኢትወድሱሙ ፡

<sup>1</sup> Vox add. in margine. — <sup>2</sup> Sic ms.

ለአለ ፡ ይትገኛው ፡ እማክከለ ፡ ሰብክ ፡ ከመ ፡ ይንበሩ ፡ ባሕታውያነ ፡  
 ውስተ ፡ ግበበ ፡ ገዳም ፡ እስመ ፡ እሙንቱ ፡ ኢያክመሩ ፡ ፈቃደ ፡ ፈጣ  
 ሪ ፡ ዘአዘዘሙ ፡ ለኩሉ ፡ ሰብክ ፡ ለለጅጅይትራድኡ ፡ በበይናቲሆ\*ሙ ፡ \* 48 ሾ.  
 ወብኦሲሰ ፡ ባሕታዊ ፡ ብሙል ፡ ውኡቱ ፡ ለማኅበረ ፡ ሰብክ ፡ ከመ ፡ ም  
 5 ውተ ፡ ትካት ፡ ወእግዚአብሔር ፡ ኢይትዌከፍ ፡ ተቀንዮተ ፡ ብኦሲ ፡ ዘ  
 ዓለወ ፡ ሐዊረ ፡ በፍና ፡ እንተ ፡ ባቲ ፡ መርሐ ፡ ወዓበየ ፡ ይትቀንይ ፡  
 በቅኔ ፡ እሙር ፡ ዘተሠርዓ ፡ ሎቱ ፡ ወዓዲ ፡ እግዚአብሔር ፡ ፈጠሮሙ ፡  
 ለኩሎሙ ፡ ሰብክ ፡ ፅሩያነ ፡ በአምሳለ ፡ ኦኃው ፡ ውሉድ ፡ ዘአሐዱ ፡  
 ኦብ ፡ ወውኡቱነ ፡ ፈጣሪነ ፡ አበ ፡ ኩሎሙ ፡ ውኡቱ ፡ ወበእንተዝ ፡ ይደ  
 10 ልወነ ፡ ንትፋቀር ፡ በበይናቲነ ፡ ወንዕቀብ ፡ ዛተ ፡ ሕገ ፡ ዘለዓለም ፡  
 ዘእግዚአብሔር ፡ ጸሐፈ ፡ ውስተ ፡ ሰሌዳ ፡ ልብነ ፡ እንዘ ፡ ትብል ፡ አፍ  
 ቅሮሙ ፡ ለካልኦኒከ ፡ ከመ ፡ ንፍስከ ፡ ወግበር ፡ ሎሙ ፡ ዘትፈቅድ ፡ ይግ  
 በሩ ፡ ለከ ፡ ወኢትግበር ፡ ሎሙ ፡ ዘኢትፈቅድ ፡ ይግበሩ ፡ ለከ ፡ ወበዓ  
 ቂበተ ፡ ዛቲ ፡ ሕግ ፡ ቀዳሚት ፡ ይትረከብ ፡ ኩሉ ፡ ፍጻሜ ፡ ምግባራቲነ ፡  
 15 ወኩሉ ፡ ጽድቅ ፡ ወኢይምሰልከ ፡ ሠናየ ፡ ትምህርቶሙ ፡ ለሕዕፃነ ፡  
 አእምሮ ፡ አለ ፡ ይብሉ ፡ ዝንቱ ፡ ብሂሎት ፡ ቢጽ ፡ ኢይኤምር ፡ እንበለ ፡  
 ኅበ ፡ አዝማዲነ ፡ ባሕቲቶሙ ፡ አው ፡ ኅበ ፡ አግዋሪነ ፡ አው ፡ ኅበ ፡ ፍ  
 ቁራ\*ኒነ ፡ አው ፡ ኅበ ፡ ኅቡራኒነ ፡ በሃይማኖት ፡ ወአንተ ፡ ኢትበል ፡ 48 ሾ.  
 ከማሆሙ ፡ እስመ ፡ ኩሎሙ ፡ ሰብክ ፡ ኦብያጺነ ፡ እሙንቱ ፡ እመኒ ፡ ሠ  
 20 ናያን ፡ ወእመኒ ፡ አኩያን ፡ እመኒ ፡ ክርስቲያን ፡ ወእመኒ ፡ አስላም ፡  
 ወእመኒ ፡ አይሁድ ፡ ወእመኒ ፡ አረማውያን ፡ ወኩሎሙ ፡ ፅሩያን ፡ ምስ  
 ሌነ ፡ ወኩሎሙ ፡ አኃዊነ ፡ እስመ ፡ ኩልነ ፡ ውሉድ ፡ ዘአሐዱ ፡ ኦብ ፡  
 ወኩልነ ፡ ፍጥረት ፡ ዘአሐዱ ፡ ፈጣሪ ፡ ወበእንተዝ ፡ ይደልወነ ፡ ንትፋ  
 ቀር ፡ ኩልነ ፡ በበይናቲነ ፡ ወንግበር ፡ ሠናየ ፡ ለኩሉ ፡ በአምጣነ ፡ ከሂ  
 25 ሎትነ ፡ ወኢንግበር ፡ እኩየ ፡ ወኢለመኑሂ ፡ ወዓዲ ፡ ይደልወነ ፡ ንት  
 ዓገሥ ፡ ላዕለ ፡ ኢያክምሮቶሙ ፡ ወአበሳሆሙ ፡ ለሰብክ ፡ ወንኅድግ ፡  
 ሎሙ ፡ ስሕተቶሙ ፡ በዘአተከዙነ ፡ እስመ ፡ ንሕነኒ ፡ አባስያን ፡ ንሕነ ፡  
 ወንፈቅድ ፡ ይትኃደግ ፡ ለነ ፡ አበሳነ ፡ ወለእመበ ፡ ዘይብሉኒ ፡ ምንት ፡  
 ይደልወነ ፡ ንግበር ፡ ምስለ ፡ አለ ፡ የኃሁ ፡ ለነ ፡ እኩየ ፡ ኦብሎሙ ፡  
 30 ይደልወነ ፡ ናርኅቅ ፡ እኩሎሙ ፡ እምኔነ ፡ በኩሉ ፡ ከሂሎትነ ፡ እንበለ ፡  
 ንፍድሎሙ ፡ እኪተ ፡ ህየንተ ፡ እኩሎሙ ፡ እስመ ፡ ተበቅሎ ፡ በቀል ፡  
 ዘእግዚአብሔር ፡ ፈቃሐ ፡ \* ኩሉ ፡ ባሕቲቱ ፡ ወእመሰ ፡ ኢንክል ፡ \* 49 ሾ.  
 ናግሕሥ ፡ እምኔነ ፡ እኩሎሙ ፡ ዘሐለዩ ፡ በላዕሌነ ፡ እንበለ ፡ ናመንድ  
 በሙ ፡ ውኡተ ፡ ዓሚረ ፡ ባሕቲቱ ፡ ይደልወነ ፡ ናድኅን ፡ ሕይወተነ ፡  
 35 ወንብረተነ ፡ በኩሉ ፡ ፍና ፡ ዘይትከሐለነ ፡ ወይደልወነ ፡ ናርኅቅ ፡ እም  
 ኔነ ፡ ተኃይሎቶሙ ፡ በኃይልነ ፡ ወጽልሎቶሙ ፡ በጽልሎትነ ፡ ወምከ

ርሙ ፡ በምክርነ ፡ ወኩናቶሙ ፡ በኩናትነ ፡ እስመ ፡ እግዚአብሔር ፡  
 ወሀበነ ፡ ልቡና ፡ ወኃይለ ፡ ለዓቂበ ፡ ሕይወትነ ፡ ወንብረትነ ፡ ለድኂን ፡  
 እመሥገርቶሙ ፡ ወእምትዕግልቶሙ ፡ ለሰብእ ፡ እኩያን ። ወዝንቱኒ ፡  
 ለእመ ፡ ኢይትከሐለነ ፡ ይደልወነ ፡ ንትግገሥ ፡ ወንግድፍ ፡ ላዕለ ፡ እግ  
 ዚአብሔር ፡ ሕሊናነ ፡ ወንጎድግ ፡ ሎቱ ፡ ፍትሐነ ፡ ወበቀለነ ፡ ወንስ 5  
 አል ፡ ጎቤሁ ፡ ከመ ፡ ያድጎነነ ፡ ወይባልሐነ ፡ እምትዕግልተ ፡ እንላ ፡ እ  
 መሕያው ። ወእንበለ ፡ ዝንቱ ፡ ግብር ፡ ዕፁብ ፡ ኢይደልወነ ፡ ናሕስም ፡  
 ላዕለ ፡ መኑሂ ፡ ለግሙራ ፡ በምንትኒ ፡ ግብር ፡ ኢበተናግሮ ፡ ወኢበገ  
 ቢር ፡ ዳዕሙ ፡ ይደልወነ ፡ ንርኃቅ ፡ በተጠናቅቆ ፡ እምኩሉ ፡ ሐዕት ፡ ወ  
 ሐሜት ፡ ወጽርፈት ፡ ወሠሬቅ ፡ ወሐዊረ ፡ ብእሲተ ፡ ብእሲ ፡ ወዝብ 10  
 ጠት ፡ \* ወቀቲል ፡ ወእምኩሉ ፡ ግብር ፡ እኩይ ፡ ዘያቴክዝ ፡ ወያኃ  
 ጉል ፡ ቢጸነ ፡ ወንዋዮሙ ፡ እስመ ፡ ዝንቱ ፡ ኩሉ ፡ ይትቃረን ፡ ሥርዓተ ፡  
 ፈጣሪ ፡ ወይነሥት ፡ ኩሎን ፡ ሕገጋተ ፡ ፍጥረት ፡ ወያጠፍእ ፡ ፍቅረ ፡  
 ወተሰናዕዎ ፡ ዘይትፈቀድ ፡ ለንብረተ ፡ ኩሎሙ ፡ ሰብእ ፡ ጎቡረ ።

49 ሞ.

ክፍል ፡ ፲፬ ። በከመ ፡ ስነነ ፡ አንጼዋ ፡ ያማስና ፡ ቀጠንተ ፡ ዘብ 15  
 ዙጎ ፡ ሜጠን ፡ ወይእቲሰ ፡ ኢትሴሰይ ፡ እምኔሆን ፡ ወኢምንተኒ ፡ ከማ  
 ሁ ፡ ልሳን ፡ እንተ ፡ ትትናገር ፡ ሐሜተ ፡ ዘያጠፍእ ፡ ሠናየ ፡ ስመ ፡ ወ  
 ኢትትረባሕ ፡ እምሐሜታ ፤ ወሠናይ ፡ ስምሰ ፡ ይኔይስ ፡ እምቀጠንት ፡  
 ወእምኩሉ ፡ ጥሬት ። ወበከመ ፡ በረድ ፡ ዘያማስን ፡ ሰዊተ ፡ ውእቱኒ ፡  
 ይትቀጠቀጥ ፡ እንዘ ፡ ይወድቅ ፤ ከማሁ ፡ ዕርፈት ፡ ዘይወጽእ ፡ እም 20  
 ክፈ ፡ ብእሲ ፡ ቢጸሂ ፡ ያጎፍር ፡ ወጸራፊሂ ፡ ይትኃጉል ፡ ጎቡረ ። ወከመ ፡  
 እሳት ፡ ዘያውዒ ፡ ቤቶ ፡ ለዘአንደዶ ፤ ከማሁ ፡ መዓተ ፡ ብእሲ ፡ ዘያው  
 ኢ ፡ አማዑቶ ። እወልድየ ፡ ኢትኩን ፡ መዓትመ ፡ ለግሙራ ፡ ከመ ፡  
 ኢትነስሕ ፡ መሬረ ፡ ወፀሐይ ፡ ኢይዕርብ ፡ ላዕለ ፡ ቍጥግከ ። ወኩን ፡  
 መስተመይጠ ፡ ላዕለ ፡ ስሕተትከ ፡ ወሶበ ፡ አበስከ ፡ ለቢጽከ ፡ ኢታጎ 25

50 ሞ.

ንዲ ፡ ተመይጠተ\*ከ ፡ አላ ፡ ተንሥእ ፡ ሶቤሃ ፡ ወፍድዮ ፡ ሠናየ ፡ ሀየንተ ፡  
 እኪት ፡ ዘገበርከ ፡ ዲቤሁ ፡ ወተዓረቅ ፡ ምስሌሁ ፡ ከመ ፡ ይኩን ፡ ሰላ  
 ም ፡ ወይባርከ ፡ አምላክ ፡ ወኩን ፡ ብእሴ ፡ ሰላማዌ ፡ ምስለ ፡ ኩሉ ፡  
 ወኢይገዕ ፡ እኩይ ፡ ነገር ፡ እምአፉከ ። ኩን ፡ ርጎሩኃ ፡ ወናዛኬ ፡ ምስለ ፡  
 ምንዱባን ፡ ወትኩዛን ፡ ወእግዚአብሔር ፡ ይዔሥየከ ፡ ሠናየ ፡ ወተዘ 30  
 ከር ፡ ከመ ፡ ትግበር ፡ ምጽዋተ ፡ ወለእመ ፡ ብከ ፡ ጎብስት ፡ ተካፈሎ ፡  
 ምስለ ፡ አኃዊከ ፡ ርጎባን ፡ ወእግዚአብሔር ፡ ያጸግበከ ፡ እምሠናያቲሁ ።  
 ወለእመ ፡ ብከ ፡ ኃይል ፡ አንግፎሙ ፡ ለአኃዊከ ፡ ስዱዳን ፡ ወእግዚአ  
 ብሔር ፡ ያነግፈከ ፡ ወኢያኃድግ ፡ በትረ ፡ ኃጥአን ፡ ዲበ ፡ መክፈልትከ ።  
 ወለእመ ፡ ብከ ፡ ጥበብ ፡ መሐርሙ ፡ ለሕፁግነ ፡ አክምሮ ፡ ወእግዚአብ 35  
 ሔር ፡ ያሌብወከ ፡ ምሥጢራቲሁ ፡ ወያርእየከ ፡ ጎቡአ ፡ ጥበቦ ። ወሶበ ፡



ተከሀለከ ፡ ፍቅር ፡ ታሥምሮው ፡ ለኩሉ ፡ ሰብእ ፡ አሰመ ፡ አግዚአብሔር ፡ አምላክነ ፡ ፍቅር ፡ ውኔቱ ። ወዘኒ ፡ ይነብር ፡ በተፋቅሮ ፡ ወበአሥምሮ<sup>1</sup> ፡ ለቢጹ ፡ ውኔቱኒ ፡ ምስለ ፡ አግዚአብሔር ፡ ይነብር ፡ ወአግዚአብሔር\* ፡ ምስሌሁ ። ወተፋቅሮሰ ፡ ያሜኒ ፡ ኩሉ ፡ ንብረተ ፡ ሰብእ ፡ <sup>50 v°.</sup>

5 ወያቀልል ፡ ኩሉ ፡ ምንዳቤነ ፡ ወይቄሥም ፡ ወያስተጣዕም ፡ ኩሉ ፡ ሕይወተነ ፡ ወይሬስዮ ፡ ለዝንቱ ፡ ዓለም ፡ መንግሥተ ፡ ሰማያት ። ወይደልወነ ፡ ዳዕሙ ፡ ኢንትፋቀር ፡ በአፍ ፡ ወበልሳን ፡ ባሕቲቱ ፡ አላ ፡ በገቢር ፡ ወበጽድቅ ። ወኢንኩን ፡ በከመ ፡ አሉ ፡ ክርስቲያነ ፡ ብሔርነ ፡ ዘይሜሀሩ ፡ ፍቅረ ፡ ኢየሱስ ፡ ክርስቶስ ፡ በአፋሆሙ ፡ ወአልበ ፡ ፍቅር ፡

10 ውስተ ፡ ልቦሙ ፡ ወይትዋገዙ ፡ ወይፃረፋ ፡ ወይትቃተሉ ፡ በበይናቲሆሙ ፡ በአንተ ፡ ሃይማኖቶሙ ፡ አሰመ ፡ ዝንቱ ፡ ፍቅር ፡ ኢኮነ ፡ አምአግዚአብሔር ፡ ወኢይበቀዕ ፡ ወኢምንተኒ ። ወዓዲ ፡ ኢንትፋቀር ፡ በከመ ፡ አሉ ፡ መድልዋን ፡ ዘአፋሆሙ ፡ ይነግር ፡ ጽድቀ ፡ ወፍቅረ ፡ ወታሕተ ፡ ልሳኖሙ ፡ ሀሎ ፡ ጎምዘ ፡ ኦርጭ ፡ ምድር ። ወልቦሙ ፡ ይሐሊ ፡

15 ኩሉ ፡ ዓሚረ ፡ ጽልዓ ፡ ወባዕሰ ፡ ወከመዝ ፡ ኢንትፋቀር ፡ በከመ ፡ አለ<sup>2</sup> ፡ ያፈቅሩ ፡ አዝማዲሆሙ ፡ በሃይማኖት ፡ ወይጸልዑ ፡ ባዕዳነሆሙ ፡ ወአለ ፡ ኢየሳብሩ ፡ ምስሌሆሙ ፡ በሃይማኖት\* ፡ አሰመ ፡ ፍቅሮሙ ፡ ኢኮነ ፡ <sup>51 r°.</sup>

ፍጹመ ፡ ወይደሉ ፡ ናአምር ፡ ወንለቡ ፡ ከመ ፡ ኩሎሙ ፡ ሰብእ ፡ ዕሩያን ፡ አሙንቱ ፡ በተፈጥሮቶሙ ፡ ወኩሎሙ ፡ ውሉደ ፡ አግዚአብሔር ፡

20 ወንሕገሰ ፡ ንጌጊ ፡ ሶበ ፡ ንጸልኦሙ ፡ ለሰብእ ፡ በአንተ ፡ ሃይማኖቶሙ ፡ ዘኮነ ፡ ብውሐ ፡ ለኩሉ ፡ ለለጅጅይአመኑ ፡ በከመ ፡ ይመስሎሙ ፡ ጽድቀ ። ወሃይማኖትሰ ፡ ኢይጸንዕ ፡ ወኢይረትዕ ፡ ውስተ ፡ ልበ ፡ ሰብእ ፡ በኃይል ፡ ወኢበግዘት ፡ አላ ፡ በአአምሮ ፡ ወበትምሀርት ። ወበከመ ፡ ኢይደልወነ ፡ ንጸልዎሙ ፡ ለሰብእ ፡ በአንተ ፡ አአምሮቶሙ ፤ ከማሁ ፡ ኢይ

25 ደልወነ ፡ ንጸልዎሙ ፡ በአንተ ፡ ሃይማኖቶሙ ።

ክፍል ፡ ፲፮ ። በኩሉ ፡ ግብር ፡ ዘትገብር ፡ ምስለ ፡ ሰብእ ፡ አምክር ፡ ልበከ ፡ በቅድመ ፡ አግዚአብሔር ፡ ወግበር ፡ ለካልኦኒከ ፡ ዘትፈቅድ ፡ ይግበሩ ፡ ለከ ፡ ወኢትግበር ፡ ለካልኦኒከ ፡ ዘኢትፈቅድ ፡ ይግበሩ ፡ ለከ ፡ አሰመ ፡ ዝንቱ ፡ ፍቅር ፡ ወዝንቱ ፡ ተፋቅሮ ፡ ቀዳሚ ፡ ትእዛዝ ፡

30 ውኔቱ ፡ ዘአዘዘነ ፡ አግዚአብሔር ፡ ወጸሐፈ ፡ ውስተ ፡ ሰሌዳ ፡ ልቦሙ ፡ ለኩሎሙ ፡ ሰብእ ፡ ወአንተሰ ፡ ኦኦኩየ ፡ ለአመ ፡ ፈቀ\*ድከ ፡ ትርኢይ ፡ <sup>51 v°.</sup>

መዋዕለ ፡ ሠናያተ ፡ ተሰነዓው ፡ ምስለ ፡ ኩሉ ፡ ሰብእ ፡ በፍቅር ፡ ወበሰላም ፡ ወለረኪብ ፡ ዝንቱ ፡ ምግባር ፡ ይበቀዕ ፡ ዘተብሀለ ፡ በጥበበ ፡ ቀደምት ፡ አመ ፡ ሀሎከ ፡ በጎቤከ ፡ ኩን ፡ በከመ ፡ ግዕዝ ፡ ብሔርከ ፤ ወለአመ ፡

<sup>1</sup> Vox addita supra lineam. — <sup>2</sup> Ms. አሉ.

ሐርከ ፡ ብሔረ ፡ ባዕድ ፡ ኩን ፡ ከግሆሙ ፡ እስመ ፡ ገቢይ ፡ ጥበብ ፡ ው-  
 አቱ ፡ ለግብር ፡ ሰላም ፡ ምስላ ፡ ከሉ ፡ ወለአግሕዎ ፡ እማእከሌከ ፡  
 ወእማእከሌሆሙ ፡ ባዕሰ ፡ ወዕርፈተ ፡ ዘአልቦ ፡ ፍጻሜ ። ኢታርክሱ ፡  
 ወኢምንተኒ ፡ እንበለ ፡ ዘይትቃረን ፡ ሕገጋተ ፡ ዘሠርዓ ፡ እግዚአብሔር ፡  
 ለኩላ ፡ ፍጥረት ፡ ወከሉ ፡ ግብርሰ ፡ ዘኢይነሱት ፡ ሕገ ፡ ፍጥረት ፡ ን  
 5 ጹሕ ፡ ውአቱ ፡ ወአልቦ ፡ ርክሱ ፡ ውስተ ፡ ጠባይቶ ። ወባሕቱ ፡ እንዘ ፡  
 ከሉ ፡ ንጹሕ ፡ በሰነ ፡ ፍጥረት ፡ ኢከነ ፡ ከመዝ ፡ በኅብ ፡ ሰብእ ፡ ወቦ ፡  
 ግዕዝ ፡ ዘይሜኒ ፡ በልማዶሙ ፡ ለሰብእ ፡ ዘአሐቲ ፡ ሀገር ፡ ወበኅብ ፡ ካል  
 አንሰ ፡ ኢይሜኒ ። ወለእመ ፡ ኢዓቀብከ ፡ ግዕዝ ፡ ብሔር ፡ እንተ ፡  
 ቦቱ ፡ ትነብር ፡ ትነሱት ፡ ፍቅረ ፡ ወታመጽእ ፡ ባዕሰ ፡ ወጽርፈተ ፡ ወአ  
 10 ንተ ፡ ኢትግበር ፡ ምንተኒ ፡ ዘኢይሜኒ ፡ በውአቱ ፡ ግዕዝ ። ወኢትበ  
 \* 52 r°. ል ፡ አልቦ ፡ አበላ ፡ በዝ ፡ ግብር ፡ ጻዕሙ ፡ ወድሰ ፡ ግዕዝ ፡ ሀገር ፡ \* እ  
 ንተ ፡ ባቲ ፡ ትነብር ፡ ወኅብር ፡ ምስላ ፡ ሰብእ ፡ ይአቲ ፡ ሀገር ፡ ወጸሊ ፡  
 ኅብ ፡ እግዚአብሔር ፡ ከመ ፡ ይፍቅድ ፡ ያሠኒ ፡ ለኩሎሙ ፡ በከመ ፡ ጠ  
 ባይዶሙ ፡ ወግዕዘሙ ፡ ወልማዶሙ ። ወባሕቱ ፡ ኢትኅድግ ፡ በእንተዝ ፡ 15  
 ጥበብ ፡ ዘአለበወከ ፡ እግዚአብሔር ። አላ ፡ ዕቀብ ፡ ዘአርአየከ ፡ ብርሃነ ፡  
 ልቡናከ ፡ ወአስተሰነዓው ፡ ምስላ ፡ ግዕዝ ፡ ሰብእ ፡ እንዘ ፡ ትነብር ፡ ምስ  
 ሌሆሙ ፡ ወአንተሰ ፡ አንጽሕ ፡ ልበከ ፡ ወሕሊናከ ፡ ወፈጽም ፡ አምዕ  
 ለት ፡ ዕለተ ፡ ምግባረከ ፡ ከመ ፡ ትርከብ ፡ ምገሰ ፡ በኅብ ፡ ፈጣሪከ ፡ ዘይ  
 ፈቅድ ፡ ትኩን ፡ ፍጹመ ። 20

ከፍል ፡ ፲፯ ። አመ ፡ ንዕከከ ፡ ወውርኩትከ ፡ አክብር ፡ ወአፍ  
 ቅር ፡ ወላድያኒከ ፡ እስመ ፡ ይመጽእ ፡ ጊዜ ፡ አመ ፡ ትፈቅድ ፡ ከብረ ፡  
 ወፍቅረ ፡ እምነ ፡ ውሉድከ ፤ ፍሬሀ ፡ እግዚአብሔርሃ ፡ ዘይኤዝዘከ ፡ አክ  
 ብሮ ፡ አቡከ ፡ ወእምከ ። ዕቀብ ፡ ዘንተ ፡ ትእዛዘ ፡ በግቢይ ፡ ጥንቃቄ ፡  
 ወአፍቅሮሙ ፡ ለወላድያኒከ ፡ በፍጹም ፡ ልብከ ፡ ወኢታተከሙ ፡ ለግ  
 25 ሙፈ ፡ በምንትኒ ፡ ምክንያት ፡ ከመ ፡ ኢይርግሙከ ፡ ወኢይስምዶሙ ፡  
 \* 52 v°. እግዚአብሔር ፡ ወኢይግድፍከ ። ርድኦሙ ፡ ወአሥምሮሙ ፡ \* በኩሉ ፡  
 ግብር ፡ ሠናይ ፡ ወአመ ፡ ይበጽሕ ፡ ጊዜከ ፡ በዘትፈቅድ ፡ ረድኤተ ፡  
 ውሉድከ ፡ ወንዑሳኒከ ፡ እለ ፡ የግቅቡከ ፡ ወይሴሰዩከ ፡ አመ ፡ ርከዕከ ፡  
 ውአተ ፡ ግሚረ ፡ ይፈድየከ ፡ እግዚአብሔር ፡ ሠናየ ። አመሰ ፡ ከንከ ፡ 30  
 ጽኑዓ ፡ ወድሩከ ፡ ምስላ ፡ ወላድያኒከ ፡ ወምስላ ፡ አዕሩጊከ ፡ እግዚአብ  
 ሔር ፡ ይኤዝዝ ፡ እኩየ ፡ በላዕሌከ ፡ አመ ፡ ርከዕከ ፡ ወውሉድከ ፡ ወን  
 ዑሳኒከ ፡ ይትቤቀሉከ ፡ እኩየ ፡ አምጣነ ፡ አበከከ ፡ ለግቢይትከ ። ወአ  
 ሜሃ ፡ ትበኪ ፡ መፈረ ፡ ወትኔስሕ ፡ እንበለ ፡ ባቀሶ ። ወሀሎ ፡ ፩ብእሴ ፡

1 Vox sec. man. add. supra lineam.

አረጋዊ ፣ ወያራ ፣ አዕይንቲሁ ። ወበጀእመዋዕል ፣ ተበአሰ ፣ ምስለ ፣ ወ  
 ልዱ ፣ ወውእቱ ፣ ወልድ ፣ እኩይ ፣ ብእሲ ፣ ውእቱ ። ወእንዘ ፣ ይትበ  
 አሱ ፣ ዝኩ ፣ ወልድ ፣ አጎዘ ፣ በመግቱ ፣ እግረ ፣ አቡሁ ፣ ወወጠነ ፣ ይ  
 ስሐቦ ፣ በላዕለ ፣ አዕባን ፣ ወአሥዋክ ፣ እንዘ ፣ አቡሁ ፣ ይበኪ ፣ ወይኬ  
 5 ልሕ ፣ በድኩም ፣ ቃል ። ወዕቢ ፣ በጽሐ ፣ ጎበ ፣ ጀመካን ፣ እሙር ፣ ከል  
 ሐ ፣ ውእቱ ፣ ብእሲ ፣ አረጋዊ ፣ ወይቤሎ ፣ ለወልዱ ፣ ጎድገኒ ፣ ንስቲተ ፣  
 ወስዋግኒ ፣ ወጎደጎ ፣ ወይቤሎ ፣ ተናገር ። ወዝኩ ፣ አረጋዊ ፣ ይቤ ፣  
 እንዘ ፣ ያስቆቆ ፣ መፈሪ ። \*አንሰ ፣ ከንኩ ፣ እኩየ ፣ አመ ፣ ንዕስየ ፣ ወተ  
 በአስኩ ፣ ምስለ ፣ አቡየ ፣ በከመ ፣ አንተ ፣ ገበርከ<sup>1</sup> ፣ ምስሌየ ፣ በዛቲ ፣ 53 ም.  
 10 ዕለት ፣ ወበቀጥግየ ፣ ዘበጥክዎ ፣ ለአቡየ ፣ ወሰሐብክዎ ፣ እስከ ፣ ዝየ ፣  
 ወእግዚአብሔር ፣ ተበቀለኒ ፣ ዮም ፣ ወፈደየኒ ፣ እኪተ ፣ በከመ ፣ ደለ  
 ወኒ ። ወአንተሰ ፣ ጎድገኒ ፣ ይእኬ ፣ ወኢታፈድፍድ ፣ ኩነኔክ ፣ እምኩ  
 ነኔየ ፣ እስመ ፣ ኢይትኃደግ ፣ እንበለ ፣ ይብዳሕክ ። ወዝንቱ ፣ ታፊክ ፣ ይኤ  
 ምረኒ ፣ ከመ ፣ እግዚአብሔር ፣ ይፈዲ ፣ ለኩሉ ፣ በከመ ፣ ምግባሩ ፣ ወይ  
 15 ትቤቀል ፣ ለውሉድ ፣ እከየ ፣ ዘገብሩ ፣ ላዕለ ፣ ወላድያኒሆሙ ፣ ወላዕለ ፣  
 እለ ፣ የጎብዩ ፣ እምኔሆሙ ። ወአንተ ፣ ወልድየ ፣ ኩን ፣ ከሐሌ ፣ ወተግ  
 ገሥ ፣ ላዕለ ፣ ድካሞሙ ፣ ወጠባይሞሙ ፣ ስሐክ ፣ ወኢታተክዘሙ ፣ በም  
 ንትኒ ፣ ግብር ፣ ወአሥምሮሙ ፣ በኩሉ ፣ ከሂሎትክ ፣ ከመ ፣ ይባርኩክ ፣  
 በፍሙሕ ፣ ልበሙ ። ወእግዚአብሔር ፣ ይወስክ ፣ በረከቶ ፣ ላዕለ ፣ በረከ  
 20 ቶሙ ፣ ወያድጎንክ ፣ እምዕለት ፣ እኪት ፣ ወይዕቀብክ ፣ ወያብዕዕክ ፣ ዲ  
 በ ፣ ምድር ፣ ወይርዳእክ ፣ ውስተ ፣ ጎራተ ፣ ሕግምክ ፣ ወርሰዕክ ። \*ወ  
 ስግዕ ፣ ምክሮሙ ፣ ለጎበይትክ ፣ ወኢትመንን ፣ ጥበበሙ ፣ ወኢትትሐ  
 የዮሙ ፣ ውስተ ፣ ገጸሙ ፣ ከመ ፣ ኢይጎዝኩ ፣ ብክ ። ዳዕሙ ፣ አክብ  
 ሮሙ ፣ ዘልፈ ፣ በቃልክ ፣ ትሑት ፣ ወበምግባርክ ፣ ሥሙር ፣ ወባሕቱ ፣  
 25 አንብር ፣ ውስተ ፣ ልብክ ፣ ከመ ፣ ትሕትት ፣ ወታምክር ፣ ኩሎ ፣ ወትጽ  
 ናዕ ፣ በዘይሜኒ ።

ክፍል ፣ ፲፯ ። ኢትድክም ፣ በተምህሮ ፣ ትምህርት ፣ ወኢትጎ  
 ድጋ ፣ በኩሉ ፣ መዋዕለ ፣ ሕይወትክ ፣ ወኢትበል ፣ ለግሙራ ፣ ተምህርኩ ፣  
 ብኩኃ ፣ ወትምህርትየ ፣ የአክለኒ ፤ እስመ ፣ ወለእመሂ ፣ ተምህርክ ፣ ኩ  
 30 ሎን ፣ ትምህርታተ ፣ ሰብእ ፣ ጎዲ ፣ ይፈደፍድ ፣ ዘኢተአምር ፣ ዕቀብ ፣  
 ኩሎን ፣ ትምህርታተ ፣ ከመ ፣ ትርክብ ፣ ብኩኃ ፣ ምግባራተ ፣ ወኢትን  
 በር ፣ በአሐቲ ፣ ትምህርት ፣ እስመ ፣ ሀካይ ፣ ውእቱ ። ርኢኬ ፣ ጎበ ፣  
 ንሀብ ፣ ሰበ ፣ ይቀሥም ፣ ጽጌያተ ፣ ገዳም ፣ ወኢይነብር ፣ ውስተ ፣ ጀጽጌ ፣  
 ወኢውስተ ፣ ጀገራህት ፣ አላ ፣ ይፈልሱ ፣ ወያስተጋብዕ ፣ እምኩሉ ፣ ጽጌ

<sup>1</sup> Vox addita supra lineam.

ያት ፡ ወያወጽኦ ፡ ጀጠባይዓተ ፡ ዘውኡቶሙ ፡ መዓር ፡ ወሰምዕ ፡ ወጅይ  
 \* 54 r. ከውን ፡ ትፍሥሖት ፡ መዓልት ፡ \* በስቴሁ ፡ ወካልኡ ፡ ይከውን ፡ ማኅ  
 ቶተ ፡ ሌሊት ፡ በብርሃኑ ፡ ወአንተኒ ፡ ከማሁ ፡ ለእመ ፡ አስተጋባእከ ፡  
 ጥበበ ፡ እምተሎን ፡ ትምህርታት ፡ ታወጽኦ ፡ ጀጠባይዓተ ፡ ዘውኡቶሙ ፡  
 መዓር ፡ ሠናይ ፡ ምግባርከ ፡ ዘይጥዕም ፡ ወያስተፌሥሕ ፡ ልበከ ፡ ወሰ 5  
 ምዓ ፡ ትምህርትከ ፡ ዘያበርሀ ፡ ልቡናከ ፡ ከመ ፡ ትኩን ፡ ማኅቶተ ፡ ለጽ  
 ሉማነ ፡ ምድር ፡ ወለሕፁዓነ ፡ አእምር ፡ ወታሰሰል ፡ ጽልመተ ፡ እም  
 ልበሙ ፡ ለእለ ፡ ይነውሙ ፡ በሌሊት ፡ ዘኢያእምሮቶሙ ፡ ወይስሕቱ ፡  
 ወ-ስተ ፡ ጽልመተ ፡ ዕበዶሙ ።

ከፍል ፡ ፲፰ ፡ አፍቅር ፡ ገቢረ ፡ ግብረ ፡ እድ ፡ አምጣነ ፡ ይሰኝ 10  
 ዓው ፡ ምስለ ፡ ንብረትከ ፡ ወተጠበብ ፡ በቱ ፡ ከመ ፡ ትትረብሐ ፡ ወኢት  
 ኅፈር ፡ ገቢረ ፡ ግብረ ፡ እድ ፡ እስመ ፡ ትእዛዘ ፡ እግዚአብሔር ፡ ውኡ  
 ቱ ፡ ወአንበለ ፡ ግብረ ፡ እድ ፡ ይትኃጎል ፡ ከቱ ፡ ፍጥረተ ፡ ሰብእ ፡ ወ  
 ይትነሠት ፡ ከቱ ፡ ንብረቱ ፡ ወኢትበል ፡ ገቢረ ፡ ግብረ ፡ እድሰ ፡ ይደ  
 ልምሙ ፡ ለነዳያን ፡ ወለመስተገብራን ፡ ወለነሀብያን ፡ ወለሐናጽያን ፡ ወለ 15  
 ውሉደ ፡ ገባር ፡ ወአክ ፡ ለውሉደ ፡ አበይት ፡ ወከበርት ፡ እስመዝ ፡

\* 54 v. ሕሊና ፡ እምትዕቢተ ፡ ልብ ፡ ውኡቱ ። አኩኑ ፡ \* መፍቅዳተ ፡ ሕይወ  
 ትነ ፡ ይትኃሠሡ ፡ ዕሩዩ ፡ ለከቱ ፡ ለለጅጅ ወበከመ ፡ ኢይትረከቡ ፡ መፍ  
 ቅዳተ ፡ ሕይወትነ ፡ እንበለ ፡ በገቢረ ፡ ግብረ ፡ እድ ፡ ከማሁ ፡ ለከቱ ፡  
 ለለጅጅ ተሠርዓ ፡ ይፃሙ ፡ ለረኪበ ፡ መፍቅዳቲሆሙ ፡ ወኢትበል ፡ ብዩ ፡ 20  
 ጥፊት ፡ በዘአበልዕ ፡ ወአሰቲ ፡ እንበለ ፡ እፃሙ ፡ እስመ ፡ እምአኩይ ፡  
 ሐኬት ፡ ውኡቱ ፡ ወይነሥት ፡ ሥርዓተ ፡ ፈጣሪ ፡ ዘይቤ ፡ ፍሬ ፡ ፃማከ ፡  
 ተሴሰይ ። ወዘሰ ፡ ይሴሰይ ፡ ፃማ ፡ ባዕድ ፡ እንዘ ፡ በቱ ፡ ተከሀሎ ፡ ለገ  
 ቢር ፡ ሠራቂ ፡ ውኡቱ ፡ ወሐያዲ ፤ ወአንተሰ ፡ ልምድ ፡ እምንዕከከ ፡  
 በገቢረ ፡ ግብረ ፡ እድ ፡ ወለሐኬትሰ ፡ አግሀሣ ፡ እምኔከ ፡ በዓቢይ ፡ ጥን 25  
 ቃቂ ፡ እስመ ፡ ሀካይ ፡ ብእሴ ፡ ኢኩነ ፡ ድልወ ፡ ለበረከተ ፡ እግዚአ  
 ብሔር ። ወግበር ፡ ግብረከ ፡ ከመ ፡ ትርከብ ፡ በጊዜ ፡ ባቶፅ ፡ መፍቅዳ  
 ቲከ ፡ ወመፍቅዳቲሆሙ ፡ ለእሊዓከ ፡ ወለምስኪናኒከ ። ወኢይደቅ ፡  
 ልብከ ፡ ሰበ ፡ ማሰነ ፡ ወተኃጎላ ፡ ፍሬ ፡ ፃማከ ፡ ዳዕሙ ፡ ጽናዕ ፡ በግ  
 ብርከ ፡ ወጸሊ ፡ ኀበ ፡ እግዚአብሔር ፡ ከመ ፡ ይባርክ ፡ ወያብዝኅ ፡ 30  
 ፍሬሁ ። ወኢትፃሙ ፡ ከመ ፡ እንሰሳ ፡ ዘአልቦ ፡ ልብ ፤ አላ ፡ አስተ

\* 55 r. ሣነ ፡ ግብረከ ፡ በጥበብከ ፡ ከመ ፡ ታፈድፍድ ፡ በቊዔ\* ተ ፡ ወረባሐ ፡  
 ወታሕጽጽ ፡ ድካመከ ። ወሰበ ፡ እግዚአብሔር ፡ ባረከ ፡ ፃማከ ፡ ወአስ  
 ተጋባዕከ ፡ ፍሬሁ ፡ አክከቶ ፡ በከቱ ፡ ልብከ ፡ ወተፈሣሕ ፡ ምስለ ፡  
 ከቱ ፡ ሰብእ ፡ ዘቤትከ ፡ ብላዕ ፡ ወስተይ ፡ ወግበር ፡ በዓለ ፡ በትፍሥ 35  
 ሕት ፡ ወበሐሤት ፡ ወጽናዕ ፡ በተግባርከ ፡ ከመ ፡ ትወስከ ፡ ፍሬ ፡ ላዕለ ፡

ፍሬ ፡ ማግኑ ፡ ዘረከብከ ፡ ወረባሕ ፡ ላዕለ ፡ ረባሕ ፡ ዘአውጸኦከ ፡ ወኢ-  
 ትበል ፡ ለግሙራ ፡ የአክለኒ ፡ ወኢትበል ፡ ንከቲት ፡ የአክል ፡ ለንብረ-  
 ትየ ፡ ወለምንት ፡ እፃሙ ፡ ሐኬት ፡ ውኦቱ ፡ ዳዕሙ ፡ አጥሪ ፡ ብዙኃ ፡  
 አምጣኒ ፡ ይትከሐለከ ፡ እንበለ ፡ ፃመፃ ፡ ወተፈሳሕ ፡ በኩሉ ፡ ጥሪትከ ፡  
 5 ዘአጥረይከ ፡ በሐፈ ፡ ገጽከ ፤ ወትከውን ፡ አምሳሌሁ ፡ ለፈጣሪኒ ። ወበ-  
 ከመ ፡ ፈጣሪ ፡ በኃይሉ ፡ ወበጥበቡ ፡ አውጽኦ ፡ እምጎበ ፡ አልቦ ፡ ኩሉ ፡  
 ዘንሬኢ ፡ ሠናያተ ፡ ለሕይወተዝ ፡ ፃለም ፡ ከማሁ ፡ አንተሂ ፡ በፃማከ ፡  
 ወበጥበብከ ፡ ታወጽኦ ፡ እምግብሩ ፡ ፍሬ ፡ ሠናየ ፡ ለሕይወትከ ፡ ወለ-  
 ሕይወተ ፡ ቢጽከ ።

10 ክፍል ፡ ፲፱ ። ኢትኩን ፡ ቂቁየ ፡ በኩሉ ፡ ንብረትከ ፡ አሰመ ፡ ቂ-  
 ቂይ ፡ ብእሲ ፡ ይከውን ፡ ነፃየ ፡ \*ምክዕቢተ ፡ ወውኦቱ ፡ ይነዲ ፡ በእን-  
 ቲ ፡ ዘአልቦቱ ፡ ወፃዲ ፡ ይነዲ ፡ በእንተ ፡ ዘቦቱ ። አሰመ ፡ ከነ ፡ ሎቱ ፡  
 ከመ ፡ ዘአልቦቱ ፡ ወኢይበልዕ ፡ ወኢይሰቲ ፡ ወኢይትፊሳሕ ፡ በዘቦቱ ፡  
 አላ ፡ የፃፁ ፡ መዝገቦ ፡ ወይነብር ፡ በንዴት ፡ እንዘ ፡ ቦቱ ፡ ጥሪት ። ወዝ-  
 15 ንቱሰ ፡ ፃቢይ ፡ ዕበድ ፡ ውኦቱ ፡ ወኦኩይ ፡ መቐሠፍት ፡ ዘአዘዘ ፡ እግ-  
 ዚአብሔር ፡ ላዕለ ፡ ሰብኦ ፡ ጽኑፃነ ፡ ልብ ፤ አሰመ ፡ አሙንቲኒ ፡ ኢይት-  
 ፊሥሑ ፡ በብዕሎሙ ፡ ወኢያስተፊሥሑ ፡ ቢጸሙ ፡ ወይሬስይዎ ፡ ለብ-  
 ዕሎሙ ፡ ብጡለ ፡ በኑኃ ፡ ዕድሜሆሙ ። ወበእንተዝ ፡ እግዚአብሔር ፡  
 አሰመመ ፡ ጥበቦሙ ፡ ወረሰዮሙ ፡ አግብርተ ፡ ከመ ፡ ይፃምዉ ፡ ወያጥርዩ ፡  
 20 እንበለ ፡ ያኦምሩ ፡ ለመኑ ፡ ይፃምዉ ፡ ወያጠርዩ ፡ ወይኩኑ ፡ መኃብያነ ፡  
 ለባዕዳኒሆሙ ፡ ወለጸላኦቶሙ ፡ እንበለ ፡ ለሊሆሙ ፡ ይጥፃሙ ፡ ወኢምን-  
 ቲኒ ፡ እምፍሬ ፡ ማግሆሙ ። ወአንተሰ ፡ ተገኃሥ ፡ እምዕቦዶሙ ፡ ወኩን ፡  
 ጠቢባ ፡ ለርእስከ ፡ ወተፈሳሕ ፡ በጥሪትከ ፡ አሰከ ፡ አመ ፡ ሀሎከ ፡ ወኢት-  
 ዝግብ ፡ ጥሪትከ ፡ ለባዕዳኒከ ፡ ወለትውልድ ፡ አንተ ፡ ትመጽኦ ፡ ድጎሬከ ፡  
 25 \*አሰመ ፡ መክፈልትከ ፡ ዘወሀበከ ፡ እግዚአብሔር ፡ በዲባ ፡ ምድር ፡ ዝን-  
 ቱ ፡ ውኦቱ ፡ ከመ ፡ ትብላዕ ፡ ወትኩተይ ፡ ወትትፈሳሕ ፡ አሰከ ፡ አመ ፡  
 ሀሎከ ፡ ውሰተ ፡ ዝንቱ ፡ ሕይወት ። ወአመ ፡ ትመውትሰ ፡ ኢትነሥኦ ፡  
 ምስሌከ ፡ ወኢምንተኒ ፤ ወኩሉ ፡ ዘዘገብከ ፡ አሜሃ ፡ ይከውን ፡ ለከ ፡  
 ብጡለ ። ወበእንተዝ ፡ ለአመ ፡ ከንከ ፡ ጠቢባ ፡ ኢትትኃረም ፡ እምበረ-  
 30 ከት ፡ ዘወሀበከ ፡ እግዚአብሔር ፡ ፈጣሪከ ፡ ብላዕ ፡ ወሰተይ ፡ ወትፈሳሕ ።  
 ዳዕሙ ፡ ኢትፃዕ ፡ ወኢአሐተ ፡ ጊዜ ፡ አመጠኒ ፡ መፍቅዳቲከ ፡ አሰመ ፡  
 ጎሊፈ ፡ ውሳኔ ፡ ዝንቱ ፡ መጠን ፡ ያማሰን ፡ ጥፂና ፡ ወያበጥል ፡ ፍሥ-  
 ሐከ ። ወኢትኩተይ ፡ ለግሙራ ፡ አሰከ ፡ አመ ፡ ትሰክር ፡ አሰመ ፡ ሰካርሰ ፡  
 ያጠፍዕ ፡ ልቡና ፡ ወአእምሮ ፡ በዘንትሌላይ ፡ እምአንስሳ ፡ ዘአልቦሙ ፡  
 35 ልብ ፡ ወያማሰን ፡ ፍጥረተኒ ፡ ወያወርዳ ፡ እምታሕተ ፡ አንስሳ ፡ ወአራ-  
 ዊት ፡ ወሰካርያን ፡ ኢይከውኑ ፡ ድልዋነ ፡ ይትጎለቁ ፡ ምስለ ፡ ሰብኦ ።

55 r.

56 r.

ክፍል ፡ ፳ ፡ ጎረይ ፡ መባልዕተክ ፡ ዘይበቑዑክ ፡ ለሕይወትክ ፡ ወአ  
 ከተጻልዎሙ ፡ በጥበብ ፡ ወበአስተናጽሖ ፡ ጥንቁቅ ፡ ከመ ፡ ይጥግሙክ ፡  
 \* 56 ሞ. ወያሕይውክ ፡ \* እስመ ፡ እግዚአብሔር ፡ ወሀበክ ፡ ልቡና ፡ ለዝንቱ ፡ ወ  
 ፈጠረ ፡ ጣዕመ ፡ ውስተ ፡ መባልዕት ፡ ከመ ፡ ንጎሥሥ ፡ ወንጥግሞ ፡ ወና  
 አኩቶ ፡ ለፈጣሪነ ፡ ዘጸገወነ ፡ ሠናያተ ፡ ዘአልበ ፡ ጉልቑ ፡ ወኢንኩን ፡ 5  
 ከመ ፡ እሉ ፡ አብዳን ፡ ዘይመስሎሙ ፡ ከመ ፡ እግዚአብሔር ፡ ከልኣነ ፡ ንብ  
 ላዕ ፡ መባልዕተ ፡ ዘውኣቱ ፡ ፈጠረ ፡ ለሕይወተ ፡ ሰብእ ፡ ጎደጎሙ ፡ ይ  
 ጹሙ ፡ ወይትኃረሙ ፡ እምበረከተ ፡ ፈጣሪሆሙ ፡ እስመ ፡ ናሁ ፡ እሙ  
 ንቱ ፡ ይትጭከፉ ፡ ከመዝ ፡ ኩነኔ ፡ ዕበዶሙ ፡ በአንተ ፡ ዘኢፈቀዱ ፡ ይለብ  
 ዉ ፡ ውስተ ፡ ጥበበ ፡ እግዚአብሔር ፡ ወድቁ ፡ ውስተ ፡ ውዴተ ፡ ሰብእ ፡ 10  
 ኢታክብድ ፡ ነገሮሙ ፡ ሶበ ፡ ይብሉክ ፡ ይደልወነ ፡ ንጹም ፡ ዳዕሙ ፡  
 አሆ ፡ በሎሙ ፡ እስመ ፡ ይኔይሰክ ፡ ተመሲለክ ፡ ከማሆሙ ፡ ወባሕቱ ፡  
 ሠናየ ፡ ትገብር ፡ ለእመ ፡ ትበልዕ ፡ ሶበ ፡ ርኅብክ ፡ ወትሰቲ ፡ ሶበ ፡ ጸማ  
 ዕክ ፡ እስመ ፡ ከመዝ ፡ ፈቃዱ ፡ ለእግዚአብሔር ፡ ፈጣሪክ ፡ ዘፈጠረክ ፡  
 ምስለ ፡ መፍቅደ ፡ በሊዕ ፡ ወሰትይ ፡ ወአልበ ፡ ጎሩም ፡ ውስተ ፡ ኩሉ ፡ 15  
 ፍጥረተ ፡ ዚአሁ ፡ ወአልበ ፡ ጎሩም ፡ ውስተ ፡ ኩሉ ፡ መብልዕ ፡ አንበለ ፡  
 \* 57 ሞ. ዘያማከን ፡ ሕይወተነ ፡ ባሕቲቱ ፡ \* ወአልበ ፡ ሕሩም ፡ ውስተ ፡ ኩሉ ፡  
 ዕለታተ ፡ ዕድሜነ ፡ ወመፍቅድነ ፡ በሊዕ ፡ ዕሩይ ፡ ውኣቱ ፡ በኩሉ ፡ መ  
 ሞዕሊነ ፡ ወሰብእሰ ፡ ዘሠርዑ ፡ ሕገ ፡ ጸም ፡ ኢሐተቱ ፡ ወኢለበዉ ፡  
 ጥበበ ፡ ፈጣሪ ፡ 20

ክፍል ፡ ፳፩ ፡ ኢትፍቅድ ፡ ትልበክ ፡ ልብሰ ፡ ክቡረ ፡ እስመ ፡ ከ  
 ንቱ ፡ ውኣቱ ፤ ልበክ ፡ ልብሰ ፡ ንጹሐ ፡ ወፀፃዳ ፡ ወኢትልበክ ፡ ልብሰ ፡  
 ርሱሐ ፡ ዘያማከን ፡ ጥዲና ፡ ወያወጽእ ፡ አበቀ ፡ ወለምጸ ፡ ውስተ ፡ ማ  
 ዕሰ ፡ አባልክ ፡ ወአንተሰ ፡ ሕፅብ ፡ ልብሰክ ፡ በበሕቁ ፡ እስመ ፡ እግዚአብ  
 ሔር ፡ ፈጠረ ፡ ለክ ፡ ብዙኃ ፡ ማያተ ፡ ወኢትከክብ ፡ ወኢትኑም ፡ ላዕ 25  
 ለ ፡ ምድር ፡ ወኢላዕለ ፡ ቁጽል ፡ አው ፡ ሣዕር ፡ ርጡብ ፡ እስመ ፡ ያማ  
 ከን ፡ ጥዲና ፡ ወያወጽእ ፡ ዝልጋሴ ፡ ውስተ ፡ አባለ ፡ ሥጋክ ፤ ከክብ ፡  
 ወኑም ፡ ላዕለ ፡ ፃራት ፡ ዘይትሌፃል ፡ እምድር ፡ መጠነ ፡ ጀበአመት ፡  
 ውስተ ፡ ምድረ ፡ ደደክ ፡ ወመጠነ ፡ ሮአው ፡ ጀበአመት ፡ አው ፡ ዘይፈደ  
 ፍድ ፡ ውስተ ፡ ምድረ ፡ ቆላ ፡ ወሕሥሥ ፡ በኩሉ ፡ ንጽሕና ፡ ሥጋክ ፡ 30  
 ወንጽሕና ፡ ነፍሰክ ፡ ወኢትኩን ፡ ከመ ፡ አንከሳ ፡ ዘአልበሙ ፡ ልቡና ፡  
 \* 57 ሞ. ወኢትትመሰሎሙ ፡ እስመ ፡ እግዚአብሔር ፡ ወሀበክ ፡ \* ልቡና ፡ ለዝ  
 ኩሉ ፡ ወበከመ ፡ ተፃቢ ፡ እምኔሆሙ ፡ በልቡናክ ፡ ከማሁ ፡ አሠኒ ፡ ንብ  
 ረተክ ፡ እምንብረቶሙ ፡ ወሕንጽ ፡ ቤተክ ፡ ስፉሐ ፡ ወብሩሃ ፡ ወአስተሣ  
 ንዮ ፡ በብዙኅ ፡ ጥበብክ ፡ ወኢትንበር ፡ ውስተ ፡ ግብ ፡ ከመ ፡ ዝዕብ ፤ 35  
 ተፈሣሕ ፡ በሠናያት ፡ ዘወሀበክ ፡ እግዚአብሔር ፡ ወኢትኩን ፡ ቂቁየ ፡

ወኢሀካዩ ፣ ወአሠኒ ፣ መብልዓክ ፣ ወልብሰክ ፣ ወቤተክ ፣ ወኩሎ ፣ ንብረ ተክ ።

ክፍል ፣ ፳፪ ። ኢትኩን ፣ ጽኑዓ ፣ ምስለ ፣ ቢጽክ ፣ ወለኦመ ፣ ብክ ፣ ብኩኅ ፣ ጥፊት ፣ ሀብ ፣ ብኩኃ ፣ ወለኦመ ፣ ኅዳጥ ፣ ወለዝንቱኒ ፣ ተካፈ

5 ሎ ፣ ምስለ ፣ ምስኪናኒክ ፣ ወምስለ ፣ ኦለ ፣ ይነድዩ ፣ ኦምኒክ ፣ ወበረከተ ፣ ኦግዚኦብሔር ፣ የኃድር ፣ ላዕሌክ ፣ ኦስመ ፣ ውኦቱ ፣ ፈጠረ ፣ ባዕለ ፣ ወ ምስኪኒ ፣ ኃያለ ፣ ወድኩመ ፣ ኅቡረ ፣ ከመ ፣ ንትፊዳኦ ፣ በበይናቲኒ ፣ ወና ጽንዕ ፣ ተፋቅርተኒ ። ወፍልጥ ፣ ማእከለ ፣ ነዳያን ፣ ድኩማኒ ፣ ወማእከለ ፣ ነዳያን ፣ ሀካይያኒ ፣ ወሀበሙ ፣ ለድኩማን ፣ ዘይትረከብ ፣ ውስተ ፣ ኦዴክ ፣

10 ወለሀካይያንሰ ፣ በሎሙ ፣ ሑሩ ፣ ወተገበሩ ፣ ወተሴሰዩ ፣ ፍሬ ፣ የማከሙ ፣ ወኢትስማዕ ፣ ብካዮሙ ፣ ለሀካይያን ፣ \*አመ ፣ ይብሉክ ፣ ንመውት ፣ በረ ኃብ ፣ ኦስመ ፣ ዝንቱ ፣ ውኦቱ ፣ ሥርዓተ ፣ ፈጣሪ ፣ ዘኢይፈቅድ ፣ ይትቀ ነይ ፣ ይርኃብ ፣ ወይትኃጎል ፣ በንዴት ። ወለከሰ ፣ ይኔይሰክ ፣ ወፊው ፣ ንዋየክ ፣ ውስተ ፣ ባሕር ፣ ኦምውሂቦቱ ፣ ለሀካይ ፣ ከመ ፣ ኢይጽናዕ ፣

15 በሀኔቱ ፣ ወአንተ ፣ ኦግሕሦ ፣ ኦምኒክ ፣ ኦንበለ ፣ ምሕረት ፣ ኦስመ ፣ ዓላዌ ፣ ሕገ ፣ ፈጣሪ ፣ ውኦቱ ።

58 r.

ክፍል ፣ ፳፫ ። ከመ ፣ ብድብድ ፣ ዘያማስን ፣ ትውልደ ፣ ሰብኦ ፣ ወከመ ፣ ከይሲ ፣ ዘብኩኅ ፣ ኅምኩ ፣ ከማሁ ፣ ሐሜት ፣ ዘይወጽኦ ፣ ኦም አፈ ፣ ብኦሲ ። ተዓቀብኔ ፣ ኦምሐሜት ፣ ኦስመ ፣ ብኩኅ ፣ ኦከያት ፣ ወ

20 ምንዳቤያት ፣ ዘአልቦ ፣ ጉልቋ ፣ ይሠርፁ ፣ ኦምሐሜት ። ኢትስማዕ ፣ ዘየሐምዮ ፣ ለኦጉሁ ፣ ወለኦመኒ ፣ ይኤድሞን ፣ ቃሉ ፣ ለኦኦዛኒክ ፣ ኦስ መ ፣ ለሊክ ፣ ኢትፈቅድ ፣ ይሕምዩክ ፣ ሰብኦ ። ወበኦንተዝ ፣ ይደልወክ ፣ ትትገኃሥ ፣ ኦምሐሜት ፣ ወሐሜትሰ ፣ በኦማን ፣ ሠፊቅ ፣ ውኦቱ ፣ ኦን ተ ፣ ልሳንኒ ፣ ትፌይት ፣ በላዕለ ፣ ስመ ፣ ቢጽኒ ፣ ወበከመ ፣ ለሠራቂ ፣ ይ

25 ደልዎ ፣ ኩነኔ ፣ በኦንተ ፣ ዘሠረቀ ፣ ንዋየ ፣ ካልኡ ፣ ከማሁ ፣ ለሐማዩ ፣ ይደልዎ ፣ ዓቢይ ፣ ኩነኔ ፣ በኦንተ ፣ ዘሠረቀ ፣ \*ወኦጥፍኦ ፣ ሠናየ ፣ ስሞ ፣ ለቢጹ ፣ ወአንተ ፣ ዕቀብ ፣ ኦፋክ ፣ ወልሳንክ ፣ ወለኦመኒ ፣ ትትናገር ፣ ምስለ ፣ ፍቁራኒክ ፣ ኦስመ ፣ ልሳንክ ፣ የኦኪ ፣ ኦምኩሉ ፣ ፀርክ ፣ ወኦንዘ ፣ ይወጽኦ ፣ ቃልክ ፣ ኦምኦፋክ ፣ ይመስለክ ፣ ጥዑመ ፣ ወድኅረሰ ፣ ይነድድ ፣

30 ከመ ፣ ነበልባለ ፣ ኦሳት ፣ በውስተ ፣ ብርዕ ፣ ይቡስ ፣ ወኢትክል ፣ ኦጥፍ ኦቶ ፣ በምንትኒ ፣ ግብር ። ወመፍትው ፣ ትድሉ ፣ በመዳልወ ፣ ጥበብክ ፣ ኩሎ ፣ ነገረክ ፣ ኦምቅድመ ፣ ይፃዕ ፣ ኦምልብክ ፣ ወኦመ ፣ ኦከሰ ፣ ትኔ ስሕ ፣ በከንቱ ፣ ኦምድኅረ ፣ ኦውጻኦክ ፣ በኢያኦምሮትክ ፣ ወተዘከር ፣ ከመ ፣ አልቦ ፣ ነቢብ ፣ ዘይኔይስ ፣ ኦምኦርምም ፣ ኦስመ ፣ ኦርምም ፣

35 ይኔይስ ፣ ኦምኩሉ ፣ ነቢብ ፣ ወብኦሲ ፣ ነባቢ ፣ ኢያረትዕ ፣ በዲቦ ፣ ምድር ። ወሀሎ ፣ ጀብኦሲ ፣ ወሐረ ፣ ኅብ ፣ ጀኦምቀደምት ፣ ጠቢባን ፣

58 v.

ወይቤሎ ፣ ንግረኒ ፣ ኦጠቢብ ፣ ምንት ፣ ይደልወኒ ፣ አግበር ፣ ከመ ፣  
 አርከብ ፣ ሰላመ ፣ ምስለ ፣ ኩሉ ፣ ሰብእ ። ወገኩ ፣ ጠቢብ ፣ ኢያው  
 ሥእ ፣ ወኢምንተኒ ፣ አላ ፣ አንበረ ፣ አወተ ፣ እዴሁ ፣ ዲበ ፣ አፋሁ ፣  
 ወአንበረ ፣ ካልእተ ፣ እዴሁ ፣ ዲበ ፣ እስኪቱ ። ወበዝንቱ ፣ አመረ ፣  
 \* 59 r°. \* ጎበ ፣ ለምክንያታት ፣ ዘያስተባዕስዎሙ ፣ ለሰብእ ፣ ጀምስለ ፣ ካልኩ ፤ 5  
 ወጃእምኔሆሙ ፣ ልሳን ፣ ውኣቱ ፣ ዘይትናገር ፣ ሕሱመ ፣ ወዕበደ ፣  
 ወሐማቱ ፣ ወዕርፈተ ፣ ወያወጽእ ፣ ባዕሰ ፣ ዘአልበ ፣ ጉልቶ ። ወካ  
 ልእ ፣ ምክንያትሰ ፣ ዘያስተባዕሰሙ ፣ ለኩሉ ፣ ሰብእ ፣ እስኪት ፣ ው  
 ኣቱ ፣ ዘያደደፍድ ፣ ዝሙተ ፣ ወያመጽእ ፣ ቀትለ ፣ ወፀብዓ ፣ እንበለ ፣  
 9 ቅም ፣ ወሳልስ ፣ ምክንያት ፣ አእዳው ፣ አመ ፣ ይዕፈሐ ፣ ጎበ ፣ ንዋየ ፣ 10  
 ካልእ ። ወአንተሰ ፣ ለእመ ፣ ከንከ ፣ ጠቢብ ፣ 'ዕቀብ ፣ አፋከ' ፣ ወልሳኒ  
 ከ ፣ በዓቢይ ፣ ጥንቃቄ ፣ ወኢትንግር ፣ ዘኢይበቶዓከ ፣ ወኢታፈድፍድ ፣  
 ነቢብ ፣ ወኢትጎጎጎ፣ ለተናግሮ ። ወዓዲ ፣ ዕቀብ ፣ አእዳዊከ ፣ ወካል  
 ኦን ፣ ከመ ፣ ኢይዕፈሐ ፣ ጎበ ፣ ምንትኒ ፣ እምንዋየ ፣ ካልእ ፣ ለግሙራ ።  
 እስመ ፣ ሠፊቅ ፣ ዓቢይ ፣ አበሳ ፣ ውኣቱ ፣ ወፈድፍደ ፣ ያኃፍር ፣ ገጸ ። 15  
 ወበከመ ፣ ኢትፈቅድ ፣ ይጥፋዕ ፣ ምንትኒ ፣ እምንዋየከ ፣ ከማሁ ፣ ዑቅ ፣  
 ኢታጥፍእ ፣ ንዋየ<sup>2</sup> ፣ ካልእከ ፣ ወኢታማከን ፣ ፍሬ ፣ ማሆሁ ፣ ከመ ፣ ኢይ  
 ጎዝን ፣ በአንተ ፣ ግብርከ ፣ ወኢይርግምከ ፣ ወኢይክላህ ፣ ጎበ ፣ አግዚአ  
 \* 59 v°. ብሔር ፣ ወኢይቅሥ\*ፍከ ፣ ወለእመኒ ፣ አጎጎልከ ፣ ወአጥፋዕከ ፣ ምን  
 ቲኒ ፣ እምንዋየ ፣ ካልእከ ፣ በፈቃድከ ፣ ወአንበለ ፣ ፈቃድከ ፣ ወለእመኒ ፣ 20  
 ተረክበ ፣ ውሰተ ፣ እዴከ ፣ ዕዳ ፣ ምስለ ፣ ቢጽከ ፣ በምንትኒ ፣ ምክንያት ፣  
 እምክንያታት ፣ ኢታጎንዲ ፣ አላ ፣ ፍድጦ ፣ ፍጡነ ፣ አምባነ ፣ ዕዳከ ፣ ምስ  
 ሌሁ ፣ ከመ ፣ ኢትትቀሠፍ ፣ ምስለ ፣ ፈያት ፣ ወለእመ ፣ ኢትፈርህ ፣ ኩነኔ ፣  
 በጎበ ፣ ሰብእ ፣ ኢትክል ፣ ታምሥጥ ፣ እምኩነኔ ፣ አግዚአብሔር ፣ በምን  
 ቲኒ ፣ ግብር ። ወተጋደል ፣ በዓቢይ ፣ ትጋህ ፣ ለዓቂብ ፣ እስኪትከ ፣ ወእ 25  
 መ ፣ አከ ፣ ይረክበከ ፣ እኩይ ፣ እንበለ ፣ ዓቅም ፣ እስመ ፣ አልበ ፣ ሰላም ፣  
 ለዘማዊ ፣ ወአልበ ፣ ምሕረት ፣ እምጎበ ፣ አግዚአብሔር ፣ ወእምጎበ ፣ ሰ  
 ብእ ። ኢታልዕል ፣ አዕይንቲከ ፣ ጎበ ፣ ብእሲተ ፣ ብእሲ ፣ ከመ ፣ ትፍት  
 ዋ ፣ እስመ ፣ ቅጥቃጤ ፣ መሥገርት ፣ ባቲ ። ወለብእሲሰ ፣ ተአክሎ ፣ ብእ  
 ሲቱ ፣ ወለብእሲትኒ ፣ የአክላ ፣ ምታ ። ቅድመሰ ፣ ይመስለከ ፣ ጥዑመ ፣ 30  
 ወደኃፊቱኒ ፣ ይመርር ፣ እምጎምዘ ፣ አክይስት ፣ ኢትሰማዕ ፣ ፍትወተ ፣  
 \* 60 r°. ሥጋከ ፣ ዘይስሕበከ ፣ ጎበ ፣ ብእሲተ ፣ ብእሲ ፣ አው ፣ ጎበ ፣ ምተ ፣ ብ\*እ  
 ሲት ፣ እስመ ፣ ዓቢይ ፣ ሠፊቅ ፣ ውኣቱ ፣ ወድልው ፣ ለኩነኔ ።

ከፍል ፣ ፳፬ ። ለእመ ፣ አልብከ ፣ ብእሲት ፣ አውስባ ፣ ወለእመ ፣ አል

<sup>1</sup> Voces additae supra lineam. — <sup>2</sup> Vox addita supra lineam.



ብከ ፡ ምት ፡ ተዋሰቢ ፡ እስመ ፡ ትእዛዘ ፡ ፈጣሪ ፡ ውኣቱ ፡ ዘፈጠረ ፡ ብእ  
 ሴ ፡ ወብእሲተ ፡ ምስለ ፡ መፍቅደ ፡ አውስበ ፡ ወኢትኩን ፡ ከመ ፡ እሉ ፡  
 አብዳን ፡ ዘያነውሩ ፡ አውስበ ፡ ወኢትወድሰሙ ፡ ለመነከሳት ፡ ዘይመነ  
 5 ኩሱ ፡ በውርዙቶሙ ፡ እስመ ፡ ዘከመዝ ፡ ምንኩስና ፡ ይነሥት ፡ ሥር  
 9ተ ፡ ፈጣሪ ፡ ወይትቃረን ፡ ጠባይዓ ፡ ፍጥረትነ ፡ ወአውስበሰ ፡ ዓቢይ ፡  
 ወቅዱስ ፡ ግብር ፡ ውኣቱ ፡ ወያስተርኢ ፡ ቦቱ ፡ ጥበበ ፡ ፈጣሪ ፡ እም  
 ኩሉ ፡ ካልአት ፡ ግብራተ ፡ እደዊሁ ፡ ወበእንተዝ ፡ ፈቀድኩ ፡ እጽሐፍ ፡  
 ዝዩ ፡ በእንቲአሁ ፡ እስመ ፡ እምኩሎን ፡ ምሥጢራተ ፡ ፍጥረት ፡ ይሄ  
 ኒ ፡ ወዩዓቢ ፡ አውስበ ፡ ወእምኩሎን ፡ ይበቅሶ ፡ ለትውልደ ፡ ሰብእ ፡  
 10 ወለኩሉ ፡ ንብረቱ ፡ ወይኤሞር ፡ ኅበ ፡ ጥበበ ፡ ፈጣሪሆሙ ፡ ወይሴ  
 ብሐ ፡ ለዘሰቡሐ ፡ ተሰብሐ ፡ በምሥጢረ ፡ አውስበ ፡ ወባሕቱ ፡ ሰብእስ ፡  
 ኢያእመሩ ፡ ስነ ፡ ዚአሁ ፡ ወመነንዖ ፡ ወአስተሐቀርዖ ፡ ከመ ፡ ኳሄላ ፡  
 እስመ ፡ ከንቱ ፡ ኩሉ ፡ ደቂቀ ፡ እንጓለ ፡ እመሕያው ፡ ወሐሳውያን ፡ ዘይ  
 15 ዔምፁ ፡ መዳልወ ፡ \* ወያከብሩ ፡ ምናኔ ፡ ወይዔንጉ ፡ ክብረ ፡ ዘበእ  
 ማን ፡ እስመ ፡ በከመ ፡ ዕፅ ፡ ልምሉም ፡ ዘይፈሪ ፡ ይኔይስ ፡ እምዕፅ ፡  
 ይቡስ ፡ ወምጽልው ፡ ከማሁ ፡ አውስበ ፡ ይኔይስ ፡ እምንኩስና ፡ ወመ  
 ዳልወ ፡ ሰብእስ ፡ ይዔምፅ ፡ ወያከብር ፡ ምንኩስና ፡ እምአውስበ ፡  
 ኢትስምዖሙ ፡ ዳዕሙ ፡ ሐሊ ፡ ከመ ፡ ሰብእ ፡ በአውስበ ፡ ይከውን ፡  
 ፈጣሪ ፡ እምሳለ ፡ ፈጣሪሁ ፡ ወይፈጽም ፡ ምክሮ ፡ ለልዑል ፡ ወጥበበ ፡  
 20 ሰቡሐ ፡ ወለእመ ፡ አውስበ ፡ ኢከነ ፡ ቅዱስ ፡ እምንኩስና ፡ እምኢኦዘ  
 ዘሙ ፡ እግዚአብሔር ፡ ለሰብእ ፡ ያውስቡ ፡ ተስእናኑ ፡ ለፈጣሪ ፡ መሬሐ ፡  
 ሰብእ ፡ በካልእ ፡ ፍና ፡ ለወሊደ ፡ ውሉድ ፡ እንበለ ፡ አውስበ ፡ ወባሕቱ ፡  
 ኢፈቀደ ፡ ምንኩስና ፡ አላ ፡ ፈጠረ ፡ ብእሴ ፡ ወብእሲተ ፡ ከመ ፡ ይኅብሩ ፡  
 በሥርዓተ ፡ አውስበ ፡ ወኢይደልወነ ፡ ናንውር ፡ ወናትሕት ፡ ሥርዓተ ፡  
 25 ፈጣሪ ፡ እምታሕተ ፡ ሥርዓተ ፡ ሰብእ ፡ እስመ ፡ ምንኩስና ፡ እምሥር  
 ዓተ ፡ ሰብእ ፡ ወአውሰሰ ፡ እምሕገ ፡ ፍጥረት ፡ ወእምፈቃደ ፡ ፈጣሪ ፡  
 ዘሠርዓ ፡ አውስበ ፡ ወአጽንዖ ፡ ወአስተሳንዮ ፡ ወዓሠዮ ፡ በጣዕም ፡ ዘ  
 ዩዓቢ ፡ እምኩሎሙ ፡ ጣዕማተዝ ፡ ዓለም ፡ ወሰሐበ ፡ ለሰብእ ፡ ኅበ ፡  
 ዛቲ ፡ ንብረተ ፡ አውስበ ፡ በኅቡዕ ፡ ኃይል ፡ ዘኢይትከሐል ፡ ዓብዮቱ ፡ \* 60 v°.  
 30 ከመ ፡ ኢይትነሠት ፡ ንብረተ ፡ ሰብእ ፡ ወኢይትኃጎል ፡ ትውልዶሙ ፡  
 ኩሉ ፡ ፍናዊሁ ፡ ለእግዚአብሔር ፡ ጽድቅ ፡ ወርትዕ ፡ ወመንክር ፡ ኩሉ ፡  
 ጥበቡ ፡ ወሰብእስ ፡ በኢያእምሮቶሙ ፡ ሠርዑ ፡ ምንኩስና ፡ ዘይነሥታ ፡  
 ለቀዳሚት ፡ ሕግ ፡ ዘፍጥረትነ ፡ ወሐለዩ ፡ ምክረ ፡ እንተ ፡ ኢይክሉ ፡ ዓ  
 ቅዎ ፡ እስመ ፡ ብእሴ ፡ መነከስ ፡ ውጹእ ፡ ውኣቱ ፡ እምፍና ፡ እንተ ፡  
 35 ፈጠሮ ፡ እግዚአብሔር ፡ ወኢይክል ፡ ለግሙራ ፡ አቂመ ፡ ምክረ ፡ ዘኢ  
 ፈቀደ ፡ ፈጣሪሁ ፡ ወበእንተዝ ፡ ንሬኢ ፡ ኩሉ ፡ ዓሚረ ፡ መነከሳተ ፡

እንዘ ፣ ይውዕዩ ፣ ወይትመሰጪ ፣ በፍትወተ ፣ ሥጋሆሙ ፣ ወይኤብሱ ፣  
በዘኢኮነ ፣ ፍጥረቶሙ ። ወአንተሰ ፣ ዕቀብ ፣ ሥርዓተ ፣ ዘዓቀመ ፣ ለክ ፣  
ፈጣሪክ ፣ ወኢትጎሥሣ ፣ ወኢታፍቅሬ ፣ ለምንተስና ፣ አመ ፣ ውርዙ  
ትክ ፣ ወኢትወድሳ ፣ ወኢበእለ ፣ ከሀሉ ፣ ዓቂቢ ፣ ድንግልናሆሙ ፣  
እስመ ፣ ዓላውያን ፣ እሙንቱ ፣ ወነሣትያነ ፣ ሥርዓተ ፣ ፈጣሪ ። ዳዕሙ ፣ 5  
አውስብ ፣ ብእሲተ ፣ በጊዜ ፣ በቁዕ ፣ ወሶቢ ፣ በጽሐ ፣ መጠነ ፣ አካልክ ፣  
\* 61 v. ወሥጋክ ፣ ያርእየክ ፣ መፍቅደ ፣ \* አውስቦ ፣ ኢትጎንዲ ፣ አላ ፣ አው  
ስብ ፣ ፍጡነ ፣ ከመ ፣ ኢተአብስ ፣ በዘኢኮነ ፣ ፍጥረትክ ፣ ወኢይትጌጎል ፣  
ዕሜትክ ፣ ዘአስተዳለወ ፣ ለክ ፣ ፈጣሪክ ፣ በአውስቦ ፣ ወኢታርጎቅ ፣ በረ  
ከቶ ፣ እምኔክ ። ተገጌሥ ፣ እምዝሙት ፣ ወኢትፍልስ ፣ እምአሐቲ፣ 10  
ኅቢ ፣ ካልእታ ፣ ወብእሲትኒ ፣ ኢትፍቱ ፣ ብእሴ ፣ ላዕለ ፣ ብእሲ ፣ እስ  
መ ፣ ዝሙት ፣ ውኣቱ ፣ ዘኢይበቁዕ ፣ ወውጹእ ፣ እምሥርዓት ፣ ዘሠ  
ርዓ ፣ ፈጣሪ ፣ ለደቂቅ ፣ እንላ ፣ እመሕያው ። ወኢትፍቅድ ፣ ታውስብ ፣  
ብእሲተ ፣ ከብርተ ፣ ወላህይተ ፣ ከመ ፣ ኢየጌዛ ፣ ትዕቢት ፣ እስመ ፣  
ተፋቅሮ ፣ በአውስቦ ፣ ኢይሰነዓው ፣ ምስለ ፣ ትዕቢተ ፣ ብእሲት ፣ ወብ  
እሲትኒ ፣ ኢትፍቅድ ፣ ታውስብ ፣ ብእሴ<sup>1</sup> ፣ ጌያለ ፣ ወዕቡየ ፣ ከመ ፣  
ኢይመንና ፣ ወኢይሑር ፣ ኅቢ ፣ ካልእት ። ወተፋቅሮሰ ፣ ይኔይስ ፣ እም  
ብዙኅ ፣ ብዕል ፣ ወእምኩሉ ፣ ከብረዝ ፣ ዓለም ። ወእስመ ፣ መጠነ ፣ ኦ  
ካላ ፣ ለብእሲት ፣ ይበጽሕ ፣ ፍጡነ ፣ እመጠነ ፣ አካሉ ፣ ለብእሲ ፣ ወፍ  
ጡነ ፣ ይረሥእ ፣ በእንተዝ ፣ ይኔይስክ ፣ ታውስብ ፣ ብእሲተ ፣ ዘትን 20  
ዕስ ፣ እምኔክ ፣ መጠነ ፣ ጅአው ፣ ፲ዓመት ። ወእምድኅረ ፣ ተሞሰብከሙ ፣  
\* 62 r. ብ\* እሲ ፣ ወብእሲት ፣ ተፋቅሩ ፣ በበይናቲከሙ ፣ በፍጹም ፣ ልብከሙ ፣  
እስመ ፣ ኢኮንከሙ ፣ እንከ ፣ ከልኤተ ፣ አላ ፣ አሐዱ ፣ ሥጋ ። ወኢትፍ  
ትዉ ፣ እምይእዜ ፣ ካልኦ ፣ ብእሴ ፣ ወካልእተ ፣ ብእሲተ ፤ ዳዕሙ ፣  
አሥምሩ ፣ አሐዱ ፣ ለካልኤ ፣ በኩሉ ፣ ከሂሎትከሙ ፣ በተራድኦ 25  
ወበፍቅር ፣ ፍጹም ፣ ወአሠንዩ ፣ ኩሉ ፣ ንብረተከሙ ፣ ወአስተጣ  
ዕሙ ፣ ሥርዓተ ፣ አውስቦ ፣ ዚአከሙ ፣ ወተፈሥሑ ፣ ቦቱ ። እስመ ፣  
ዝንቱ ፣ ጣዕም ፣ ብውሕ<sup>2</sup> ፣ ለከሙ ፣ ወንጹሕ ፣ ወሥሙር ፣ በቅድመ ፣  
እግዚአብሔር ፣ ዘአዘዘ ፣ አውስቦ ፣ ወሩካቤሁ ። ወንብረ ፣ ለነ ፣ በዓቢይ ፣  
ጥበቡ ፣ ዘንተ ፣ መንገነ ፣ ውስተ ፣ ሥጋነ ፣ ዘያሠርዕ ፣ ጣዕመ ፣ ሩካቤ ፣ 30  
መንክር ፣ ውኣቱ ፣ ዘኢይትከሐል ፣ አእምሮቱ ። ወኢይደልወነ ፣ ናር  
ኩሶ ፣ በዘኢኮነ ፣ ፍጥረትነ ፣ አላ ፣ ናንክሮ ፣ ወንቅድሶ ፣ በፍና ፣ እንተ ፣  
መርሐነ ፣ ፈጣሪነ ፣ ዘውኣቱ ፣ አውስቦ ፣ አሐዱ ፣ ምስለ ፣ አሐቲ ፣ ወና  
እኩቶ ፣ ለእግዚአብሔር ፣ ዘአስተዳለወ ፣ ለነ ፣ ዘንተ ፣ ሐውዘ ፣ ውስተ ፣

<sup>1</sup> Ms. : "ሲ. — <sup>2</sup> Ms. "ወሕ.

ሥጋ ፡ መዋቲ = አይ ፡ ልሳን ፡ ዘይክል ፡ ነቢቦ ፡ ወአይ ፡ እድ ፡ ዘይክል ፡  
 ጽሑፈ ፡ መንክረ ፡ ፈጣሪን ፡ \* ወበከመ ፡ አውጽኦ ፡ አምድር ፡ እክለ ፡ \* 62 v°.  
 ምስለ ፡ ጣዕመ ፡ መብልዕ ፡ ወኃይለ ፡ ሕይወት ፡ ወእንዘ ፡ ነኃሥሥ ፡  
 ጣዕም ፡ ለመብልዕ ፡ ይጸንዕ ፡ ሕይወትን ፤ ከማሁ ፡ ገብረ ፡ ውስተ ፡ መ  
 5 ፊተ ፡ ሥጋን ፡ መንክረ ፡ መንገን ፡ ለአሥርጸ ፡ ጣዕመ ፡ ዘየጻቢ ፡ አም  
 ኩሉ ፡ ጣዕም ፡ ወለአብዝኖ ፡ ዘርኦ ፡ ሰብኦ ፡ ዘየጻቢ ፡ አምኩሉ ፡ ግብ  
 ረ ፡ ፍጥረት = ወንሕን ፡ እንዘ ፡ ነኃሥሥ ፡ ዘንተ ፡ ጣዕመ ፡ በፍና ፡  
 እንተ ፡ ተሠርዓ ፡ ለነ ፡ ናበዝኖ ፡ ለዘርኦን ፡ በአምሳሊን ፤ ኩሉ ፡ ግብረ ፡  
 አግዚአብሔር ፡ መንክር ፡ ወዕባየ ፡ ጥበብ ፡ ዘኢይትከልል ፡ ለተናግሮ =  
 10 ሰብኦ ፡ እንዘ ፡ ንኡር ፡ ውኣቱ ፡ ኢያኦመረ ፡ ወከነ ፡ ከመ ፡ እንስሳ ፡  
 ወተመሰሎሙ ፡ ወአከየ ፡ ወብዕሳ ፡ አምኔሆሙ ፡ ሰብ ፡ ኃሠሠ ፡ ዘንተ ፡  
 ጣዕመ ፡ በዘኢከነ ፡ ፍጥረቶ ፡ አው ፡ ሰብ ፡ መነን ፡ ዘንተ ፡ ጥበብ ፡ ፈጣ  
 ሪሁ ፡ ወጻለው ፡ ሐዊረ ፡ በሕጉ = ወአንተሰ ፡ ኦኦጉየ ፡ ኢትጻዕ ፡ አም  
 ፍና ፡ እንተ ፡ ባቲ ፡ መርሐክ ፡ ፈጣሪክ ፡ ወንበር ፡ በሥርዓተ ፡ አውስቦ ፡  
 15 ምስለ ፡ አሐቲ ፡ ብእሲትክ = ተገሐሥ ፡ አምዝሙት ፡ ወአምክዒው ፡  
 ዘርኦክ ፡ በዘኢከነ ፡ ፍጥረትክ ፡ ወአምንኩ \* ስና ፡ ምውት = እስመ ፡ ዝ \* 63 r°.  
 ንቱ ፡ ኩሉ ፡ ውጹኦ ፡ ውኣቱ ፡ አምፍና ፡ ፍጥረት ፡ ወአምፈቃደ ፡ ፈ  
 ጣሪ = ወባሕቱ ፡ ቅረብ ፡ ጎብ ፡ ብእሲትክ ፡ በአንክሮ ፡ ወበአኩቴተ ፡  
 ፈጣሪክ ፡ ወሶበ ፡ ቦኦክ ፡ ጎቤሃ<sup>1</sup> ፡ ኢትጎሥሥ ፡ ጣዕመ ፡ ሩካቤ ፡ ለባ  
 20 ሕቲትክ ፡ አላ ፡ አሰተጣዕም ፡ ወለብእሲትክን ፡ ወኢታጎጥኦ ፡ መክፈ  
 ልታ ፡ ዘወሀባ ፡ አግዚአብሔር ፡ ወበእንቲኦሃ ፡ ኢትግበር ፡ በጉጉጎ ፡  
 ወጽናሕ ፡ ንስቲተ ፡ እስክ ፡ አመ ፡ ይኣቲኒ ፡ ትሠምር ፡ ቦቱ ፡ ከመ ፡  
 ኢትትርፍ ፡ ድጎሬክ ፡ ወኢይንትግ ፡ ጣዕማ = ወለኦመ ፡ ኢገበርክ ፡  
 ላቲ ፡ ዘንተ ፡ ፍቅረ ፡ ተጎዝን ፡ ወትጫንንክ ፡ ወአውስቦ ፡ ዚኦክ ፡  
 25 ኢይከውን ፡ ድልው ፡ ለበረከተ ፡ አግዚአብሔር = ወኢትሰማዕ ፡ እለ ፡  
 ይብሉክ ፡ ሩካቤሰ ፡ ርኩስ ፡ ውኣቱ ፡ ወቦቱ ፡ አማሳኒ ፡ ጼና ፡ ወጽላ  
 ሎት ፡ ዘኢይበቍዕ ፡ እስመ ፡ ዘከመዝ ፡ ይብሉ ፡ ከሐድያን ፡ ፈጣሪ ፡  
 አሙንቱ ፡ ወባሕቱ ፡ ኢታፈድፍድ ፡ ሩካቤ ፡ እንበለ ፡ መጠን ፡ ከመ ፡  
 ኢትድክም = እስመ ፡ ፍጥረትን ፡ ውስንት ፡ ይኣቲ ፡ ወኢይደልወን ፡  
 30 ንጻዕ ፡ አምውሳኔሃ =

ከፍል ፡ ፳፭ = ወዘኩሎ ፡ ያሜኒ ፡ ፍቅር ፡ ውኣቱ ፡ ጽናዕ ፡ ቦቱ ፡  
 ወኢትኩን ፡ ከመ ፡ ብዙኃን ፡ አምታት ፡ እለ ፡ ያፈቅሩ ፡ ብ\* እሲቶሙ ፡ \* 63 v°.  
 ወከመ ፡ ብዙኃት ፡ አንስት ፡ እለ ፡ ያፈቀሩ ፡ አምታቲሆን ፡ ሕጻጠ ፡  
 ዘመን ፡ ወአምዝ ፡ ይጸልኩ ፡ አውስቦቶሙ = ወይከውኑ ፡ ከቡዳን ፡ ፩ለ

<sup>1</sup> Ms. "ቤክ.

ካልኩ ፡ ወይፈትዉ ፡ ካልክ ፡ አውስቦ ፡ ዘይመስሎው ፡ ይኔይሰው ፡  
 አው ፡ ጸሊዎው ፡ አውስቦ ፡ ይፈቅዱ ፡ ተፈልጠቶ ፡ ኢትኩን ፡ ከማ  
 ሆው ፡ እስመ ፡ ስሕቱ ፡ ግቢየ ፡ ስሕተተ ፡ ወአንተሰ ፡ አጽንዖ ፡ ለልብክ ፡  
 ወቁም ፡ በቀዳሚ ፡ አውስቦ ፡ ዘአስተግመረ ፡ ለክ ፡ እግዚአብሔር ፡ ወዘ  
 ይኔይሰክ ፡ እምደኃሪ ፡ ወቅለተ ፡ ጠባይዕነሰ ፡ ያርእዮ ፡ ለብእሲ ፡ ተኅ 5  
 ይሰ ፡ ካልኦት ፡ ብእሲት ፡ ወያርእያ ፡ ለብእሲት ፡ የኅይሳ ፡ ካልኦ ፡  
 ብእሲ ፡ ወዝንቱሰ ፡ ስሕተት ፡ ውእቱ ፡ ኢትሑሩ ፡ በሕሊና ፡ ፍትወት  
 ክሙ ፡ ዛቲ ፡ ዘኢኮነ ፡ ሠናየ ፡ ወኢይበቀዳክሙ ፡ ወኢምንተኒ ፡ እን  
 በለ ፡ ያምርር ፡ ወያክብድ ፡ ንብረተክሙ ፡ ወይስሐብክሙ ፡ ኅበ ፡ ዝሙ  
 ት ፡ ፡ ዳዕሙ ፡ ጽንዑ ፡ በዝንቱ ፡ አውስቦ ፡ ወአሠንይዎ ፡ በኩሉ ፡ ክ 10  
 ሂሎትክሙ ፡ እስመ ፡ አልብክሙ ፡ በቀዳሚት ፡ በወልጠ ፡ ብእሲት ፡ ህየ  
 ንተ ፡ ብእሲት ፡ ወበወልጠ ፡ ብእሲ ፡ ህየንተ ፡ ብእሲ ፡ ወበቀዳሚትሰ ፡  
 ብክሙ ፡ በአሠንዮ ፡ አውስቦ ፡ \*ቀዳማዊ ፡ ዘተግመረ ፡ በፈቃደ ፡ እግዚ  
 አብሔር ፡ ወዘእግዚአብሔር ፡ አስተግመረ ፡ ኢይፍልጥ ፡ ፍትወትክሙ ፡ 15  
 ከመ ፡ ኢይርከብክሙ ፡ ኩነኔ ፡ ዘሠርዓ ፡ እግዚአብሔር ፡ በላዕለ ፡ እለ ፡  
 የዓብዩ ፡ ሐዊረ ፡ በፍና ፡ እንተ ፡ መርሐሙ ፡ በከመ ፡ በጽሐ ፡ በዝ  
 ንቱ ፡ መዋዕል ፡ ለ፩እምአዝማድየ ፡ አብዳን ፡ ወዝንቱ ፡ ብእሲ ፡ አው  
 ሰበ ፡ ብእሲተ ፡ አመ ፡ ንዕሱ ፡ ወነበረ ፡ ምስሌሃ ፡ በሰላም ፡ ፲ዓመተ ፡  
 ወድኅረ ፡ ርእየ ፡ ካልኦተ ፡ ወይቤ ፡ በልቡ ፡ ዛቲሰ ፡ ትኔይሰኒ ፡ እም  
 ብእሲትየ ፡ ወሐረ ፡ ወደኃራ ፡ ለቀዳሚት ፡ ወአውሰባ ፡ ለካልኦት ፡ 20  
 ወምግባራሰ ፡ ለዛቲ ፡ እኩይ ፡ ጥቀ ፡ ወእምድኅረ ፡ ኅዳጥ ፡ መዋዕል ፡  
 ተበእሱ ፡ በበይናቲሆሙ ፡ ወእንዘ ፡ ይፈቅድ ፡ ወለዛቲኒ ፡ ይድኃራ ፡  
 ይእቲ ፡ ሐረት ፡ ወአስተዋደየቶ ፡ ኅበ ፡ ሥዩመ ፡ ሀገርነ ፡ በነገረ ፡ ሐ  
 ሰት ፡ ወእምድኅረ ፡ ብኩኅ ፡ ተዋቅዎ ፡ ተጥቅሐ ፡ ዝኩ ፡ ብእሲ ፡  
 ወፈደየ ፡ ኩሎ ፡ ንዋየ ፡ ዘተረክበ ፡ ውስተ ፡ እዴሁ ፡ ወእምድኅረ ፡ 25  
 ፪ዓመት ፡ አውሰበ ፡ ዓዲ ፡ ብእሲተ ፡ ወኮነት ፡ መዓትምተ ፡ ወታበ  
 ፡ 64 ሞ. ዝኅ ፡ ነገረ ፡ ወበ፩እመዋዕል ፡ ፈቀደ ፡ ይዝብጣ ፡ \* ወይእቲሰ ፡ ቀደ  
 መቶ ፡ ወወረወት ፡ በላዕሌሁ ፡ ስጡቀ ፡ ዕፅ ፡ ወሰረረ ፡ ዕፅ ፡ ወተ  
 ተክለ ፡ ውስተ ፡ ዓይኑ ፡ ዘየማን ፡ ወአጥፍኦ ፡ ወሀሎ ፡ ዝንቱ ፡ ነቋር ፡  
 እስክ ፡ ዮም ፡ ምስለ ፡ ዛቲ ፡ ብእሲት ፡ ዘትኅቅዮ ፡ መዓልተ ፡ ወሌሊ 30  
 ተ ፡ እንዘ ፡ ኩልነ ፡ ንዛለቅ ፡ ላዕሌሁ ፡ ውእቱሰ ፡ ይትዓገሥ ፡ ወይ  
 ብል ፡ እስመ ፡ ለልየ ፡ አምጻእኩ ፡ በላዕሌየ ፡ ዘንተ ፡ ሥቃየ ፡ ወቀ  
 ዳሚት ፡ ብእሲትየ ፡ ኮነት ፡ ሠናይተ ፡ ወኢፈቀድኩ ፡ ነበረ ፡ ምስሌሃ ፡  
 በሰላም ፡ ወአውሰብኩ ፡ ዳግሚተ ፡ ወአጥፍኦት ፡ ንዋይየ ፡ ወዛልሲ  
 ትሰ ፡ አጥፍዓት ፡ ዓይንየ ፡ ወለእመሰ ፡ አውሰብኩ ፡ ራብሂተ ፡ ትቀት 35  
 ለኒ ፡ ወአንተሰ ፡ ኢትኩን ፡ ከማሁ ፡ ወኢይምሰልክ ፡ ለእመ ፡ ደኃ

ርከ ፡ ብአሲተ ፡ አኪተ ፡ ዘትረከብ ፡ ወኖይተ ፡ ወይኔይሰከ ፡ ለእመ ፡ ለመድክ ፡ ምስለ ፡ ዛቲ ፡ ዘወሀበከ ፡ እግዚአብሔር ፡ ወረሰይካ ፡ ወኖይተ ፡ በምክር ፡ ወበአርአያክ ፡ ወበርኅራኔክ ፡ እስመ ፡ ርኅራኔ ፡ ያሜኒ ፡ ዙሎ ፡ ንብረተ ፡ ወጠባይዕሰ ፡ መፈር ፡ ያማስን ፡ ዙሎ ።

5 ክፍል ፡ ፳፯ ። ኩኑ ፡ ከሐልያነ ፡ በበይናቲክሙ ፡ ላዕለ ፡ ጠባይዕ ክሙ ፡ ስሑክ ፡ ወላዕለ ፡ ነውርክሙ ፡ ኅቡዕ ፡ \*እስመ ፡ ኢይትረከብ ፡ ው<sup>65 v.</sup>

ስተ ፡ ዙሎ ፡ ዓለም ፡ ብአሲ ፡ ዘአልቦ ፡ ነውር ፡ ወኢብአሲት ፡ ዘአል ባቲ ፡ ነውር ። ወወኖየ ፡ ይቤ ፡ ጀአምጠቢባን ፡ ሶበሰ ፡ ለሰብአ ፡ አልቦ ፡ ነውር ፡ እምኢሞተ ፤ እስመ ፡ እምኢኮነ ፡ ሰብአ ። ወአንተሰ ፡ ኦብአሲ ፡

10 ሐሲ ፡ ከመ ፡ ብአሲት ፡ ድክምት ፡ ፍጥረት ፡ ይኣቲ ፡ ወሐፅዕተ ፡ አእ ምሮ ። ወበአንተዝ ፡ ኩን ፡ ከሐሌ ፡ ላዕለ ፡ ሳሕከ ፡ ጠባይዓ ፡ ወላዕለ ፡ ፍድ ፋድ ፡ ነገረ ፡ ልሳኖ ፡ ወአኅልፍ ፡ ቊጥዓሃ ፡ በአስተቃልሎ ፡ ወኢትት ሞቀሥ ፡ ምስሌሃ ፡ ለግሙራ ። ወለእመ ፡ ለመድክ ፡ በዝግብር ፡ ይከውኑክ ፡ ቀሊለ ። ወአንቲሰ ፡ ኦብአሲቶ ፡ አሥምሬዮ ፡ ለምትኪ ፡ በዙሎ ፡ ክሂሎ

15 ትኪ ፡ ወአስተፍሥሒዮ ፡ በመብልዕ ፡ ወመስቴ ፡ ወበአሠንዮ ፡ ቤቱ ፡ ወንብረቱ ፡ እስመ ፡ ኢይክል ፡ ያፍቅርኪ ፡ ምትኪ ፡ ለእመ ፡ ኢያፍቀ ርኪዮ ፡ አንቲ ፡ እመሰ ፡ አፍቀርኪዮ ፡ ኢይክል ፡ ይጽኅኪ ። ወሀሎ ፡ ጀብአሲ ፡ ወብአሲቱ ፡ ሀካይት ፡ ወድርከት ፡ ወብአሲሃ ፡ ጸልዓ ፡ ወአ ጎዘ ፡ ይሑር ፡ ጎበ ፡ ክልኣት ፡ ወአቅንዓ ፡ ለብአሲቱ ፡ ወይኣቲ ፡ ተንሥ

20 አት ፡ ወሐረት ፡ ጎበ ፡ ዓቃቤ ፡ ሥ\*ራይ ፡ ወትቤሎ ፡ ምትየ ፡ ጸልዓኒ ፡ ወይኣዜኒ ፡ ግበር ፡ ሊተ ፡ ሥራየ ፡ ከመ ፡ ያፍቅረኒ ፡ ወውኣቱ ፡ ይቤላ ፡ ኦሆ ፡ ወባሕቱ ፡ ሑፊ ፡ ወንጽዬ ፡ ቪጸጉረ ፡ እምፍጽመ ፡ አንበሳ ፡ ወአ ምጽኢዮን ፡ ሊተ ፡ እስመ ፡ ይትፈቀዓ ፡ ለዝንቱ ፡ ሥራይ ። ወሐረት ፡ ወሐለየት ፡ ወትቤ ፡ እፎ ፡ ይከውነኒ ፡ አቅርብ<sup>1</sup> ፡ ጎበ ፡ አንበሳ ፡ ወኢይ

25 ብልዓኒኑ ። ወአጎዘት ፡ ጀበግዓ ፡ ወሐረት ፡ ገዳመ ፡ ወወጽኣ ፡ አንበሳ ፡ ወሮጸ ፡ ላዕሌሃ ፡ ይብልዓ ፡ ወይኣቲ ፡ ወሀበቶ ፡ በግዓ ፡ ወጎዮት ፡ ወአን በሳ ፡ ረኪቦ ፡ ዘይበልዕ ፡ ጎደገ ፡ ተሊዎታ ፡ ወበሣኒታ ፡ ገብረት ፡ ከማ ሁ ፡ ወጸንዓት ፡ በዝ ፡ ግብር ፡ ብዙታ ፡ መዋዕለ ፡ እስመ ፡ አጎዘ ፡ ቅን ዓተ ፡ ምታ ። ወአንበሳሰ ፡ ሶበ ፡ ርአየ ፡ ከመ ፡ ዛቲ ፡ ብአሲት ፡ ታመጽኣ ፡

30 ሎቱ ፡ መብልዓ ፡ ኢጸልዓ ፡ እንከ ፡ ዳዕሙ ፡ አፍቀራ ፡ ወእንዘ ፡ ይኣቲ ፡ ትመጽኣ ፡ ምስለ ፡ በግዕ ፡ ይትዌከፋ ፡ በፍሥሐ ፡ በአንስሐሐሐ ፡ ዘነቡ ፡ ወይኤምታ ፡ ከመ ፡ ከልብ ፡ ወይትዋነይ ፡ ምስሌሃ ። ውኣተ ፡ ዓሚረ ፡ ነጻየት ፡ እምፍጽሙ ፡ ቪጸጉረ ፡ ወአምጽኣቶን ፡ ጎበ ፡ ዓቃቤ ፡ ሥራይ ። ወትቤሎ ፡ ናሁ ፡ አምጻኣኩ ፡ ለከ ፡ ዘይትፈቀድ ፡ ለሥራይ ። ወይቤላ ፡

<sup>1</sup> Sic ms.

\* 66 r°. እፎ ፡ ተክሐለኪ ፡ ነጽ\*ዮቶን ፡ ወነገረቶ ፡ ከሎ ፡ ዘከነ ፡ ወይቤላ ፡ ሑፊ ፡  
 ወግበፊ ፡ ለምትኪ ፡ በከመ ፡ ገበርኪ ፡ ለአንበሳ ፡ ወምትኪ ፡ ያፈቅረኪ ፡  
 ተኅዝቢኑ ፡ ከመ ፡ ምትኪ ፡ የአኪ ፡ አምአንበሳ ፡ ወበከመ ፡ በውሂበ ፡  
 መብልዕ ፡ ረከብኪ ፡ ፍቅረ ፡ አንበሳ ፡ ከማሁ ፡ ትረክቢ ፡ ፍቅረ ፡ ምት  
 ኪ ። ወይእቲ ፡ ሐረት ፡ ወአኅዘት ፡ ትግበር ፡ በከመ ፡ ምክሩ ፡ ለዓ 5  
 ቃቤ ፡ ሥራይ ፡ ወታሥሞሮ ፡ ለምታ ፡ በከሉ ፡ ወትትግገሥ ፤ ወአም  
 ድኅረ ፡ ኅዳጥ ፡ መዋዕል ፡ ዝኩ ፡ ብእሲ ፡ ሐለየ ፡ ውስተ ፡ ልቡ ፡  
 ወይቤ ፡ እፎ ፡ አፈቅሮን ፡ አነ ፡ ለካልአት ፡ አንስት ፡ አምብእሲትየ ፡  
 አንዘ ፡ ይእቲ ፡ ትሜኒ ፡ ወትኔይሰኒ ፡ አምኔሆን ፡ ወተመይጠ ፡ ኅቤሃ ፡  
 ወአፍቀራ ፡ ፈድፋዶ ።

10

ክፍል ፡ ፳፯ ። ወአንትሙሰ ፡ አውሉድየ ፡ ውሱባን ፡ ተፋቀሩ ፡ በ  
 በይናቲክሙ ፡ ወኢይኩን ፡ ባዕሰ ፡ በኅቤክሙ ፡ ወሐድሱ ፡ ከሎ ፡ ዓሚ  
 ረ ፡ ፍቅረክሙ ፡ ወፍሥሐክሙ ፡ በተናዝዞ ፡ ወበተውኔት ፡ ወኢትክ  
 ሐዱ ፡ ሃይማኖተክሙ ፡ ወመሐላክሙ ፡ ወኢጃደ ፡ ጊዜ ፡ ከመ ፡ ኢትትቀ  
 ሠፉ ፡ ምስለ ፡ ዘማውያን ፡ ወንበሩ ፡ በተፋቅሮ ፡ ወተሰፈዉ ፡ በእግዚአ 15

\* 66 v°. ብሔር ፡ ወሰአ\*ሉ ፡ ኅቤሁ ፡ ከመ ፡ የሀብክሙ ፡ ዘርዓ ፡ ሠናየ ፡ አሰመ ፡  
 ጸጋሁ ፡ ለእግዚአብሔር ፡ ዕሜተ ፡ ፍሬሃ ፡ ለከርሥ ፡ ወዝንጽጽ ፡ ቀዳማዊ ፡  
 መፍቅደ ፡ አውስበ ፡ ወቀዳሚት ፡ ፍና ፡ አንተ ፡ ባቲ ፡ አዘዘ ፡ እግዚአብ  
 ሔር ፡ ይትዋሰቡ ፡ ብእሲ ፡ ወብእሲት ፡ በአንተ ፡ ወሊደ ፡ ውሉድ ። ወ  
 በአንተዝ ፡ ዓቢየ ፡ አበሳ ፡ ይኤብሱ ፡ ወይትኃነኑ ፡ ምስለ ፡ ቀታልያን ፡ 20  
 አለ ፡ ይፈቅዱ ፡ በምንትኒ ፡ ግብር ፡ ያድኅፁ ፡ ዓዕዓዓ ፡ አምውስተ ፡ ከር  
 ሥ ፡ እንበለ ፡ ይብጻሕ ፡ ጊዜሁ ። ዑቅ ፡ ወኢትኅብር ፡ በምንትኒ ፡ ምክን  
 ያት ፡ ምስለ ፡ ምክሮሙ ፡ ለአለ ፡ ይገብሩ ፡ ዘንተ ፡ ኃሳረ ። አሰመ ፡ ው  
 ፁዓን ፡ አምከሉ ፡ ጽድቅ ፡ ወአምከሉ ፡ ምሕረት ።

15

20

ክፍል ፡ ፳፰ ። ወአንትሙ ፡ አእነትም ፡ ለእግዚአብሔር ፡ ሶበ ፡ 25  
 ወሀበክሙ ፡ ውሉደ ፡ ወተፈሥሐ ፡ በሙ ፡ ወአፍቅርዎሙ ፡ ከመ ፡ ክፍ  
 ለ ፡ ዚአክሙ ፡ ወአልሀቅዎሙ ፡ በጥንቃቄ ፡ ወበጥበብ ፡ ወሐልዶ ፡ ሎ  
 ሙ ፡ ወለከሉ ፡ መፍቅዳተ ፡ ሕይወቶሙ ፡ ምርሕዎሙ ፡ አምንዕሶሙ ፡  
 በፍና ፡ አንተ ፡ ፈቀደ ፡ እግዚአብሔር ፡ ይሑሩ ፡ ወመሐርዎሙ ፡ ዘይደል

25

\* 67 r°. ዎሙ ፡ ያአምሩ ፡ ወይግበሩ ፡ ወኢትኩንዎሙ ፡ አርአ\*ያ ፡ አኩየ ፡ ከመ ፡ 30  
 ኢይትመሀሩ ፡ ገቢረ ፡ አከይ ፡ በአርአያክሙ ፡ ኩንዎሙ ፡ አርአያ ፡ ጥበ  
 ብ ፡ ወሠናይ ፡ ምግባር ፡ ከመ ፡ ይጥብቡ ፡ ወያሠንዩ ፡ ምግባርሙ ። ወ  
 አንዘ ፡ ዓዲ ፡ ሕፃናት ፡ ውሉድክሙ ፡ ኢያምርርክሙ ፡ ጠባይዎሙ ፡ መፃ  
 ትም ፡ ወነዳዲ ፡ አሰመ ፡ ኢያአመሩ ፡ ዓዲ ፡ ፈሊጠ ፡ ሠናይ ፡ አምአ  
 ኩይ ። ተግገሡ ፡ ወአጽንዑ ፡ ልበክሙ ፡ አሰመ ፡ ከማሆሙ ፡ ልሀቅሙ ፡ አ 35  
 ንትሙ ፡ ወይደልወክሙ ፡ ታልሀቅዎሙ ፡ ለውሉድክሙ ፡ በከሉ ፡ ትዕግ

30

35

ሥት ፣ እንበለ ፣ ትድክሙ ። ሳድግዋ ፣ ለመግት ፣ ወግድፍዋ ፣ ለቀጥግ ፣  
 ወኢትኩኑ ፣ ከመ ፣ እሉ ፣ አብዳን ፣ ዘይተምዕራ ፣ ላዕለ ፣ ውሉዶሙ ፣  
 ወይዘብጥምሙ ፣ ሶበ ፣ ሰበሩ ፣ በተዳድቆ ፣ ጀደ ፣ ልሀኩተ ፣ አው ፣ ከግ  
 5 ዉ ፣ ጀደ ፣ ጽዋግ ፣ ማይ ፣ በዘአልበሙ ፣ አበሳ ፣ ወላዕለ ፣ እከዮሙሰ ፣  
 ያረምሙ ። ወአንትሙሰ ፣ ተግገሥምሙ ፣ ለውሉድክሙ ፣ ሶበ ፣ ያማ  
 ስኑ ፣ ንዋየክሙ ፣ በተዳድቆ ፣ እንበለ ፣ ፈቃዶሙ ። ወገሥጽምሙ ፣ ወዝ  
 ብጥምሙ ፣ ሶበ ፣ ርኢክሙ ፣ ውስተ ፣ ልበሙ ፣ እከየ ፣ ወትዕቢተ ፣ ወኢ  
 ተአዝዘ ፣ ወቀጥግ ፣ ወሐኬተ ፣ ወሶበ ፣ ነ\*በቡ ፣ ጽርፈተ ፣ ወሐሜተ ፣  
 ወርግመተ ፣ ወሶበ ፣ ሠረቁ ፣ ወፈየቱ ፣ ወሄዱ ፣ ንዋየ ፣ ካልእ ፣ ወዘመዉ ፣  
 10 ወገብሩ ፣ እኩየ ፣ ዘይመስሎ ፣ ለዝንቱ ፤ ውኣተ ፣ ግሚረ ፣ ገሥጽምሙ ፣  
 ወዝልፍምሙ ፣ ወዝብጥምሙ ፣ በጊዜ ፣ ባቀጥፅ ፣ ከመ ፣ ኢይልምዱ ፣ በገ  
 ቢረ ፣ እከይ ፣ በእንተ ፣ አርምሞትክሙ ። ወለእመ ፣ ኢገሠጽክ[ም]ምሙ ፣  
 አመ ፣ ንዕሰሙ ፣ ይልሀቁ ፣ በእከዮሙ ፣ ወኢይሰምራ ፣ ተግሣጻክሙ ፣  
 አምድጎረ ፣ ልሀቁ ። ወሀሎ ፣ ጀብእሲ ፣ ፈያታዊ ፣ ዘይነብር ፣ ውስተ ፣  
 15 ገዳም ፣ ወይፌይት ፣ ወይቀትል ፣ ሰብኦ ፣ እለ ፣ የኃልፋ ፣ ውስተ ፣ ው  
 ኣቱ ፣ ፍኖት ። ወሰምግ ፣ ንጉሥ ፣ ወፈነወ ፣ ሠራዊቶ ፣ ወአጎዝም ፣ ወ  
 ወሰድም ፣ ተሞቂሐ ፣ ጎበ ፣ ንጉሥ ፣ ወፈተሐ<sup>1</sup> ፣ ላዕሌሁ ፣ ኩነኔ ፣ ሞት ።  
 ወእንዘ ፣ ይወስድም ፣ ጎበ ፣ ይመትሩ ፣ ርኢሰ ፣ በሰይፍ ፣ ወአረጋዊ ፣  
 አቡሁ ፣ ለዝኩ ፣ ፈያታዊ ፣ አጎዘ ፣ ይትልም ፣ እንዘ ፣ ይበኪ ፣ ወሶበ ፣  
 20 ውኣቱ ፣ ፈያታዊ ፣ ርኢዮ ፣ ለአቡሁ ፣ ሰአለ ፣ ይትናገር ፣ ምስሌሁ ፣ እን  
 በለ ፣ ይሙት ። ወሶበ ፣ ቀርበ ፣ ጎበ ፣ አቡሁ ፣ ፈቀደ ፣ ይዝብጠ ፣ ወኢ  
 ክህለ ፣ እስመ ፣ እሱራን ፣ አደዊሁ<sup>2</sup> ። ወአጎዘ ፣ ይንስክ ፣ በአስናኒሁ ፣  
 ንስክተ ፣ ማሕመዌ ። ወከ\*ልሑ ፣ ኩሉ ፣ ሕዝብ ፣ ዘህለዉ ፣ ህየ ፣ ወይቤሉ ፣  
 በአማን ፣ ይደልም ፣ ሞት ፣ ለዝንቱ ፣ ፈያታዊ ፣ እስመ ፣ ለአቡሁኒ ፣ ፈቀደ ፣  
 25 ይቅትሎ ። ወውኣቱ ፣ አውሥኦ ፣ ወይቤ ፣ አክ ፣ ሊተ ፣ ዘይደልወኒ ፣ ሞ  
 ት ፣ አላ ፣ ለአቡየ ፣ ዘይደልም ፣ እስመ ፣ ሶበ ፣ ወጠንኩ ፣ በንዕስየ ፣ ሠፊቀ ፣  
 ሰዊት ፣ ወእክል ፣ ውኣቱ ፣ ወደሰኒ ፣ ህየንተ ፣ ይገሥጸኒ ፣ ወአልመደኒ ፣  
 በግብረ ፣ ሠራቅያን ። ወእምዝ ፣ ከንኩ ፣ ፈያታዌ ፣ ወበጻሕኩ ፣ እስከ ፣  
 ዛቲ ፣ ሰግተ ፣ ሞት ፣ ወለእመ ፣ አቡየ ፣ ገሠጸኒ ፣ በጊዜ ፣ ባቀጥፅ ፣ እም  
 30 ኢበጻሕኩ ፣ ጎበ ፣ ዝንቱ ፣ ኩነኔ ። ወዘንተ ፣ ብሂሎ ፣ ተመትረ ፣ ርኢሱ ፣  
 ወፈርሁ ፣ ኩሎሙ ፣ ሕዝብ ፣ ዘበሙ ፣ ውሉድ ። ወአንተ ፣ ፍራህ ፣ በእ  
 ንተ ፣ ውሉድክ ፣ ወአልሀቆሙ ፣ በፈሪሃ ፣ እግዚአብሔር ፣ ወበአእምሮ ፣  
 ዘከኒ ፣ መፍትወ ፣ ይግበሩ ። ወአመ ፣ ትጌሥጸሙ ፣ ለውሉድክ ፣ ኢትገ  
 ሥጸሙ ፣ በመግትክ ፣ ወኢበቃለ ፣ ጽርፈት ፣ ወርግመት ፣ አላ ፣ በቃለ ፣

\* 67 v°.

\* 68 r°.

<sup>1</sup> Sic ms. — <sup>2</sup> Ms., ut videtur, ዌሁ.



ጥበብ ፡ ወምክር ፡ በዘየአምሩ ፡ ከመ ፡ በእንቲአሆሙ ፡ ወበእንተ ፡ በቀ  
 ዔቶሙ ፡ ዘገሠጽከሙ ። ወመሀሮሙ ፡ ወአለብሎሙ ፡ ዘልፈ ፡ በነገረ ፡  
 \* 68 v. ትምህርት ፡ \* ወበነገረ ፡ ምሳሌ ፡ ወበታሪካት ፡ ወአርአያት ፡ ዘካልኦን ፡  
 ሰብእ ፡ ከመ ፡ ይትገኝሉ ፡ እምእኩይ ፡ ወይትመሀሩ ፡ ገቢረ ፡ ሠናይ ።  
 ወዓዲ ፡ መሀሮሙ ፡ በነገረ ፡ ጽሕፈታት ፡ ወትምህርታት ፡ ወመጻሕፍት ፡ 5  
 ወመሀሮሙ ፡ በገቢረ ፡ ግብረ ፡ እድ ፡ ወበኩሉ ፡ ዘይበቀሎሙ ፡ ወኢት  
 ድካም ፡ ወኢይደቅ ፡ ልብክ ። እስመ ፡ ኩሉ ፡ ግማክ ፡ ዘግመውከ ፡ ወ  
 ኩሉ ፡ ድካም ፡ ዘደከምከ ፡ ወኩሉ ፡ ትዕግሥት ፡ ዘተግገሥከ ፡ በአል  
 ህቆ ፡ ውሉድከ ፡ ይትጌለቀ ፡ ለከ ፡ በኅብ ፡ እግዚአብሔር ፡ ወዓቢየ ፡  
 ዕሜተ ፡ የዓሥየከ ፡ ወውሉድከ ፡ ያስተፌሥሕዋ ፡ ለርስዓንከ ፡ ወያወርዱ ፡ 10  
 ሲበተከ ፡ ውስተ ፡ መቃብር ፡ በሰላም ፡ ወበተስፋ ፡ ዘኢይማስን ። እመ  
 ሰ ፡ መነንከ ፡ አልህቆቶሙ ፡ ለውሉድከ ፡ እሙንቱኒ ፡ ይከውኑ ፡ እኩያነ ፡  
 ወለከኒ ፡ ይረከበከ ፡ ኩነኔ ፡ እምኅብ ፡ እግዚአብሔር ፡ ወእመ ፡ ርስዕከ ፡  
 ትበኪ ፡ መፈረ ፡ ላዕለ ፡ እከዮሙ ፡ መኢይሰምዑከ ፡ ውሉድከ ፡ አላ ፡ ይሜ  
 ንኑከ ፡ በከመ ፡ አንተኒ ፡ መነንከ ፡ አልህቆቶሙ ፡ ወምሂሮቶሙ ፡ ወአስተ 15  
 ሣንዮቶሙ ፡ እመ ፡ ንዕሰሙ ። አርኅቅ ፡ እምኔከ ፡ ዘንተ ፡ መቅሠፍተ ፡  
 \* 69 r. በጊዜ ፡ ርቱዕ ፡ ወሰክል ፡ ኅብ ፡ እግዚ \* አብሔር ፡ ከመ ፡ ያጥብበሙ ፡ ለ  
 ውሉድከ ፡ ወያሠኒ ፡ ጠባይሎሙ ፡ ወያለብሎሙ ፡ በኩሉ ፡ ግብር ፡ ሠናይ ፡  
 ወአንተ ፡ ትትፌሣክ ፡ በርስዓን ፡ ጥሉል ፡ ወትከውን ፡ ዕሩፈ ።

ክፍል ፡ ፳፱ ። ፈቲን ፡ ወመከራ ፡ ሕይወቱ ፡ ለሰብእ ፡ በዲብ ፡ 20  
 ምድር ፡ ወኢይክል ፡ አሠንዮቶ ፡ አንበለ ፡ በትዕግሥት ፡ ወበጥበብ ። ይ  
 ጌይሰ ፡ ተግጋሢ ፡ እምኃያል ፡ ወይሜኒ ፡ ጠቢብ ፡ እመዓትም ፡ በኩሉ ፡  
 ምንዳቤከ ፡ ተግገሥ ፡ ትዕግሥተ ፡ እስመ ፡ ትዕግሥትሰ ፡ በጊዜ ፡ ይከው  
 ን ፡ መፈረ ፡ ወድኅሬሁሰ ፡ ይጥዕም ፡ እመዓር ፡ ወምክር ። ወኢትርሣኦ ፡  
 ለግሙራ ፡ ከመበ ፡ ጊዜ ፡ ለኩሉ ፡ ወዘተገብረ ፡ አንበለ ፡ ጊዜሁ ፡ ይከ 25  
 ውን ፡ ኃሣረ ፡ ወቅጥቃጤ ፡ ወአእምሮ ፡ ጊዜሁ ፡ ለኩሉ ፡ ግብር ፡ ዓቢ  
 ይ ፡ ጥበብ ፡ ውኦቱ ፡ ዘይጌይሰ ፡ እምኩሎን ፡ ትምህርታት ። ወአንተ ፡  
 ልምድ ፡ ባዘንቱ ፡ ጥበብ ፡ ወንበር ፡ ምሰለ ፡ ሰብእ ፡ በከመ ፡ ዘመንከ ፡  
 ወግዕዘ ፡ ብሔርከ ፡ ወኢትበል ፡ በከመ ፡ ኩሎሙ ፡ አዕሩግ ፡ አብዳን ፡  
 አለ ፡ ይብሉ ፡ ኩሎ ፡ ዓሚረ ፡ ዘመን ፡ ዘትካት ፡ ከኒ ፡ ሠናየ ፡ ወዝ 30  
 ንቱ ፡ ዘመንሰ ፡ እኩይ ፡ ውኦቱ ፡ እስመ ፡ ለኩሉ ፡ ዘመን ፡ በ ፡ እኩይ ፡  
 \* 69 v. ወሠናይ ፡ ኅቡረ ፡ ወለእመ ፡ ንሌቡ ፡ ታሪካተ ፡ ዓለም ፡ ንረክ \* ብ ፡ በኩ  
 ሉ ፡ ዘመን ፡ ወዘየአኪሂኔ ፡ እምዘመንኒ ። ወተስክልም ፡ ለጅእምጠቢባን ፡  
 ወይቤልም ፡ እፎ ፡ ከኒ ፡ ዝንቱ ፡ ዘመን ፡ ወይቤሎሙ ፡ ዘመንሰ ፡ ለሊ  
 ክሙ ፡ ውኦቱ ፡ ወለእመ ፡ ሠነይክሙ ፡ አንትሙ ፡ ይሜኒ ፡ ዘመን ፡ ወለ 35  
 እመ ፡ አንትሙ ፡ ሐሰምክሙ ፡ ወዘመንሂ ፡ የሐሰም ። ወአንተ ፡ ኩን ፡



ሠናየ ፡ ወይዘረ ፡ ለከ ፡ ዘመንከ ፡ ወኢታንውር ፡ ለግዕዝ ፡ ዘመንከ ። አላ ፡  
 ጎድጎ ፡ ይጎልፍ ፡ በጥበቡ ፡ ኢሰመ ፡ ትውልድ ፡ ትመጽኦ ፡ ወትውልድ ፡  
 ተኃልፍ ። ወኩላ ፡ ትውልድ ፡ ተሐውር ፡ በጥበባ ፡ ኦንተ ፡ ኦርኦያ ፡  
 ላቲ ፡ ፈጣሪሃ ፡ ወኢኩነ ፡ ለመኑሂ ፡ ከመ ፡ ይሚጣ ፡ ኦሞፍና ፡ ኦንተ ፡  
 5 ባቲ ፡ መርሐ ፡ ኦግዚኩ ፡ ለኩሉ ፡ ዘመን ። ወኦንተሰ ፡ አሠኒ ፡ ምግባርከ ፡  
 በከመ ፡ ግዕዝ ፡ ዘመንከ ፡ ወኦንተሰጎሞ ፡ ምስሌሁ ፡ ወሰኦል ፡ ጎባ ፡  
 ኦግዚኩብሌር ፡ ከመ ፡ ይሞርሐመ ፡ ለኦለ ፡ ይመጽኩ ፡ ድጎሬከ ፡ ጎባ ፡  
 ዘይወኒ ፡ ፍና ። ወኢትተካዝ ፡ በኦንተ ፡ ኦከየ ፡ ዘመንከ ፡ ወኢትኩን ፡  
 መሬረ ፡ ላዕለ ፡ ኦከየው ፡ ለሰብኦ ፡ ብሌርከ ። አላ ፡ ዑቅ ፡ ርኦሰከ ፡ ወ  
 10 ኦጎልፍ ፡ ኩሉ ፡ በኦንተቃልሉ ። ወሰሐቅ ፡ ላዕለ ፡ ጥውየተ ፡ ምግባራ  
 ቲሆው ፡ ለጠሞያን ። ኢሰመ ፡ ለኦመ ፡ ተዛለፍከ ፡ ለጠሞይ ፡ በከቡድ ፡  
 ቃልከ ፡ ይጻል \* አከ ፡ ወይረከበከ ፡ ኃሣር ፡ ኦመሰ ፡ ተሣለቀ ፡ ላዕሌሁ ፡ \* 70 r.  
 በጠባብ ፡ ስላቅ ፡ የኃፍር ፡ ወይትመየጥ ፡ ኦሞጥውየቱ ።  
 ከፍል ፡ ሆ ። ኢትኦመን ፡ በኩሉ ፡ ሰብኦ ፡ ዘመጽኦ ፡ ጎቤከ ፡ ኢሰ  
 15 መ ፡ ዘየኦሞን ፡ በኩሉ ፡ ሰብኦ ፡ ዘረከበ ፡ ጎብድ ፡ ውኦቱ ። ኩሉ ፡ ኦ  
 ምክር ፡ ወዘሠናይ ፡ ኦጽንዕ ። ተጎቀብ ፡ ኦሞጻላኦትከ ፡ ሿጊዜ ፤ ወተጎ  
 ቀብ ፡ ኦሞፍቁርከ ፡ ፲የጊዜያተ ፡ ኢሰመ ፡ ፍቁርከ ፡ ያወጽኦ ፡ ምሥጢርከ ።  
 ወምሥጢርከሰ ፡ ኢሰከ ፡ ሀሎ ፡ ውኩተ ፡ ልብከ ፡ ኩነ ፡ ሕውረ ፡ በፈቃ  
 20 ድከ ፡ ወለኦመ ፡ ኦውጻኦከ ፡ ኦሞኦፍከ ፡ ኦንተ ፡ ትከውን ፡ ሕውረ ፡ በማ  
 ኦሠሩ ። ኢትኦመን ፡ በሀብተ ፡ ሰብኦ ፡ ተኦመን ፡ በጥበብከ ፡ ወበተግባ  
 ርከ ፡ ወበፍሬ ፡ ግማከ ። ወኦሞቅድመ ፡ ኩሉ ፡ ተኦመን ፡ በሀብት ፡ ወበ  
 በረከተ ፡ ኦግዚኩብሌር ፡ ወኢትኦመን ፡ በፍቁራኒከ ። ኢሰመ ፡ ጌሠም ፡  
 ይከውኑከ ፡ ኦጽራሬከ ፡ ተኦመን ፡ በግብረ ፡ ኦደዊከ ፡ ዘኢይወጽኦ ፡ ኦ  
 ሞፈቃድከ ፡ ወኦፍቅሮው ፡ ለኦለ ፡ ይሣተፉ ፡ ምስሌከ ፡ ወለኦለ ፡ ይቀር  
 25 ሱከ ፡ ወኦንተግብሌ ፡ ዘትኦመን ፡ በሙ ፡ ወባሕቱ ፡ ኢትኦመን ፡ ፍጹ  
 መ ፡ ወኢበመኑሂ ፡ ወበኩሉ ፡ ተሳትፎትከ ፡ ምስለ ፡ ሰብኦ ፡ ሐሊ ፡ ቅ  
 ድመ ፡ ወጎሥሥ <sup>1</sup> ፡ ኦሐደ ፡ መጻኦ ፡ ከመ ፡ ታምሥጥ ፡ ኦመሥገርቶው ፡  
 ለሰብኦ <sup>2</sup> ፡ \* ለኦመ ፡ ይፈቅዱ ፡ ኦኩየ ፡ ላዕሌከ ። ኩን ፡ ትጉሃ ፡ ኢሰመ ፡ \* 70 v.  
 ኩሉ ፡ ሰብኦ ፡ ኦለ ፡ ይመስሉከ ፡ ሠናያነ ፡ ኢኩኑ ፡ ሠናያነ ፡ ወኦለ ፡  
 30 ገብሩ ፡ ለከ ፡ ሠናየ ፡ ሿደ ፡ ጊዜ ፡ ኢይገብሩ ፡ ዘልፈ ፡ ሠናየ ፡ ዑቅ ፡  
 ኦንከ ፡ ከመ ፡ ኢትደቅ ፡ ውኩተ ፡ መሥገርተ ፡ ሰብኦ ፡ ወኦግዚኩብሌርሃ ፡  
 ፍሬሀ ፡ ከመ ፡ ኢትግበር ፡ ሞንተኒ ፡ ኦኩየ ፡ ላዕሌሆው ። ወኢትፍድ  
 የው ፡ ኦኩየ ፡ ሀየንተ ፡ ኦኩይ ፡ ዘገብሩ ፡ ለከ ፡ አላ ፡ ግድፍ ፡ ላዕለ ፡

<sup>1</sup> Vox add. supra lineam. — <sup>2</sup> Voces additae in margine secunda ut videtur manu.

አግዚአብሔር ፡ ሕሊናክ ፡ ወኅድግ ፡ አከዮሙ ፡ ለሰብአ ፡ ይግባዕ ፡ ላዕለ ፡  
ርእሶሙ ፡ ለአለ ፡ ይገብርዋ ። ወኢትበል ፡ ለግሙራ ፡ ውስተ ፡ ልብክ ፡  
አስመ ፡ ጸላእትየ ፡ ገብሩ ፡ እኩየ ፡ ላዕሌየ ፡ በእንተዝ ፡ እትቤቀሎሙ ፡  
እኩየ ። አስመ ፡ ዝግብር ፡ ከንቱ ፡ ውእቱ ፡ ወኢይበቅዳክ ፡ ለነቢሮ  
ትክ ፡ ምስለ ፡ ሰብአ ፡ ወያመጽእ ፡ ባዕሰ ፡ ወጽልዓ ፡ ዘአልቦ ፡ ጉልቅ ፡ 5  
ወይኔይሰክ ፡ ለእመ ፡ ኅባዕክ ፡ ውስተ ፡ ልብክ ፡ ክሎ ፡ ኅዘነክ ፡ ዘአኅ  
ዘኑክ ፡ ሰብአ ።

ክፍል ፡ ፴፩ ። ቅንዮ ፡ ለቅጥዓክ ፡ ዘይሠርዕ ፡ ውስተ ፡ ልብክ ፡ እሰ  
መ ፡ ቅጥዓ ፡ ያጠፍእ ፡ ጥበቦ ፡ ወኢይሰነዓሙ ፡ ምስለ ፡ ፈቃደ ፡ ፈጣሪ ፡  
\* 71 ም. ዘአዘዘ ፡ ይንበሩ ፡ ሰብአ ፡ ኅቡረ ፡ ውስተ ፡ \*ዝንቱ ፡ ዓለም ፡ ወይትፋ 10  
ቀሩ ፡ ወይትራድዑ ፡ በበይናቲሆሙ ፡ ወቅጡዓንሰ ፡ ኢይክሉ ፡ ነቢረ ፡  
ኅቡረ ፡ በሰላም ፡ ዳዕሙ ፡ ይትበአሉ ፡ ክሎ ፡ ዓሚረ ፡ በበይናቲሆሙ ፡  
ወይፃረፋ ፡ ወይዛበጡ ፡ ወይትቃተሉ ። ኢትኩን ፡ ከግሆሙ ፡ አላ ፡  
አሠንዮ ፡ ለንብረትክ ፡ በጥበብ ፡ ወበተኅብአ ፡ ወአክ ፡ በተዓግሎ ፡ ወበ  
ተኃይሎ ፡ እስመ ፡ ጣዕመ ፡ ሕይወት ፡ ይትረክብ ፡ በንብረት ፡ ኅቡዕ ፡ 15  
ወትሑት ፡ ወበእንተዝ ፡ ተገኃሥ ፡ እምክሉ ፡ ትዕቢት ፡ ወኢይትዓበ  
የክ ፡ ልብክ ፡ ወኢትሑር ፡ ምስለ ፡ ዓበይት ፡ ወኢትኅበር ፡ ምስለ ፡  
ክቡራን ። ወኢትፍቅድ ፡ ትክበር ፡ ላዕለ ፡ ክልዓን ፡ ዳዕሙ ፡ ንበር ፡  
ዕሩየ ፡ ወኅቡዓ ፡ ማእከለ ፡ ሕዝብ ፡ ወትረክብ ፡ ብኩኃ ፡ ሰላመ ፡ በኅቤክ ።  
እስመ ፡ በከመ ፡ [ዘ]ያንዕሱ ፡ ውስተ ፡ መርሀብ ፡ ታሕተ ፡ ኢይፈርሀ ፡ ድ 20  
ቀተ ፤ ዘሰ ፡ ወጽእ ፡ መልዕልተ ፡ ናሕስ ፡ ይፈርሀ ፡ ድቀተ ፡ ወአምጣኑ ፡  
ተለዓለ ፡ ይከውን ፡ ድቀቱ ፡ ትሑተ ፡ ወቅጥቁጠ ። ከግሁ ፡ ዘይነብር ፡  
ኅቡአ ፡ ማእከለ ፡ ሕዝብ ፡ ኢይረክቦ ፡ ኃሣር ፤ ዘሰ ፡ ከብረ ፡ ወተለዓለ ፡  
ላዕለ ፡ ሕዝብ ፡ የሐከር ፡ ወይረክሱ ፡ ተኃፈሮ ፡ ወይጸንዕ ፡ በላዕሌሁ ፡  
\* 71 ሞ. ቅንዓት ፡ ወጽልዕ ፡ እምኅብ ፡ \*ክሎሙ ፡ ሰብአ ። 25

ክፍል ፡ ፴፪ ። ኢትፍቅድ ፡ ትሠየም ፡ ላዕለ ፡ ሰብአ ፡ እስመ ፡  
ሥራሕ ፡ እኩይ ፡ ሢመት ፡ ወክኑኔ ፡ ጽኑዕ ፡ ይረክበሙ ፡ ለአለ ፡ ተሠ  
ይሙ ። ወለእመ ፡ ተሠየምክ ፡ ላዕለ ፡ ሰብአ ፡ ኢታክብድ ፡ እዴክ ፡ በላ  
ዕሌሆሙ ፡ ወኢትትዓገሎሙ ፡ በኃይልክ ፡ አላ ፡ ኩን ፡ ራትዓ ፡ ምስለ ፡  
ክሉ ፡ ምስለ ፡ ዓቢይ ፡ ወምስለ ፡ ንዑስ ፡ ምስለ ፡ ባዕል ፡ ወምስለ ፡ ምስ 30  
ኪን ፡ ወኢትፍራህ ፡ ገጸ ፡ ሰብአ ፡ ወፍታሕ ፡ ለክሉ ፡ በጽድቅ ፡ እን  
በለ ፡ አድልዎ ። ወኢትቅንዮሙ ፡ በቅኔ ፡ መፈር ፡ ወግብርና ፡ ዳዕሙ ፡  
መግበሙ ፡ ከመ ፡ ውሉድክ ፡ ወእሙንቱሂ ፡ ያፈቅሩክ ፡ ህየንተ ፡ ይፍር  
ሁክ ፡ ወትረክብ ፡ ሰላመ ፡ ማእከሌሆሙ ፡ ወበረከተ ፡ እምኅብ ፡ አግዚ  
አብሔር ። ወእመሰ ፡ ተዓገልከሙ ፡ ለአለ ፡ ሀለዉ ፡ ታሕተ ፡ እዴክ ፡ ፍ 35  
ራህ ፡ እስመ ፡ ይረግሙክ ፡ በልቦሙ ፡ ወይክልሑ ፡ ኅብ ፡ አግዚአብሔር ።

ወእግዚአብሔር ፡ ይሰምዕ ፡ ፍጡኅ ፡ አውያቶሙ ፡ ለነዳያን ። ወናሁ ፡  
 አስተዳለው ፡ ለከ ፡ ኩነኔ ፡ ጽኑዓ ፡ ዘይረከበከ ፡ በጊዜ ፡ ሥሩዕ ፡ ወኢት  
 ክል ፡ ታግሕሦ ፡ አምኔከ ፡ በብዙኅ ፡ ንስሐከ ፡ ወአሜሃ ፡ ተኃሥሥ ፡  
 ወተኃጥእ ፡ ዘይረድአከ ፡ ወተዓወደ ፡ ኅብ ፡ እግዚአብሔር ፡ \* ወኢይሰ ፡ 73 r°.  
 5 ምዓከ ። ኢትበል ፡ ለግሙራ ፡ እትፈሣሕ ፡ ዮም ፡ ፈጸምየ ፡ ኩሎ ፡ ፈቃ  
 ድየ ፡ ወድኅረሰ ፡ ይምጽኦኒ ፡ ዘሀሎ ፡ ይመጽኦ ፡ አስመ ፡ ይበጽሐከ ፡ ዕ  
 ለተ ፡ ኩነኔ ፡ ዘይመርር ፡ አሞት ፡ ወትኔስሐ ፡ በከንቱ ፡ ወትብል ፡ እን  
 በለ ፡ በቀዳሚት ፡ በከመ ፡ አንጥያከሰ ፡ ንጉሥ ፡ ዓማጊ ፡ ዘገብረ ፡ እኩየ ፡  
 በትዕቢተ ፡ ልቡ ፡ ወእግዚአብሔር ፡ ቀሠፎ ፡ ዓቢየ ፡ መቅሠፍተ ፡ ወ  
 10 ሐመ ፡ ዓጊዮ ፡ ሥኃሁ ፡ ከመ ፡ በድን ፡ ርኩስ ፡ ወአልጸቀ ፡ ለሞት ፡  
 ወይቤ ፡ ይእኔ ፡ ተዘከርኩ ፡ እኩያተ ፡ ኩሎ ፡ ዘገበርኩ ፡ ላዕለ ፡ ውሉ  
 ደ ፡ እስራኤል ፡ ወሞተ ፡ በምረረ ፡ ሕማሙ ፡ ወኅዘኑ ። አስመ ፡ ኩነኔ ፡  
 እግዚአብሔር ፡ ይዴግኖ ፡ እንበለ ፡ ዕረፍት ፡ ወአንተ ፡ ፍራህ ፡ ለእመ ፡  
 ገበርከ ፡ እኩየ ፡ ዲበ ፡ ካልአኒከ ፡ አስመ ፡ ይፈድየከ ፡ እግዚአብሔር ፡  
 15 ፈድፋደ ፡ ወኩሎ ፡ ጸረ ፡ ከቡደ ፡ ዘአጸርከሙ ፡ ለብዙኃን ፡ ትጻውር ፡  
 አንተ ፡ ባሕቲትከ ፡ ንቡረ ፡ ወይከብድ ፡ ጥቀ ፡ ወኢትክል ፡ ገዲፎቶ ፡  
 አምዘባንከ ።

ክፍል ፡ ፴፫ ። ወበከመ ፡ ኢይትኃደግ ፡ በኅብ ፡ እግዚአብሔር ፡  
 እኩይ ፡ እንበለ ፡ ይትዓረይ ፡ ምስለ ፡ ኩነኔ ፡ ከማሁ ፡ ኢይትኃደ \* ግ ፡ 72 v°.  
 20 ሠናይ ፡ ግብር ፡ ዘኢይትዔረይ ፡ ምስለ ፡ ዕሜቱ ። ወበአንተዝ ፡ ግበር ፡  
 ሠናየ ፡ ለኩሎ ፡ ወኢትድክም ፡ አስመ ፡ እግዚአብሔር ፡ ይትዌከፍ ፡  
 ኩሎ ፡ ግብረከ ፡ ሠናየ ፡ ወይኃልቆ ፡ ወይሰፍሮ ፡ ወይዘግበ ፡ ለከ ፡ በኅ  
 ቤሁ ፡ ከመ ፡ ይፍዲከ ፡ በጊዜ ፡ ሥሩዕ ። ወአንተሰ ፡ ትረሥዕ ፡ ዘገበ  
 ርከ ፡ ሠናየ ፡ ወእግዚአብሔር ፡ ኢይረሰዖ ፡ ለዓለም ። ወበአንተዝ ፡ ኢት  
 25 ትሀከይ ፡ ለገቢረ ፡ ሠናይ ፡ ለኩሎ ፡ አምግነ ፡ ከሂሎትከ ። ወሶበ ፡ ር  
 ኢከ ፡ ትኩዛነ ፡ ናዝዘሙ ፡ ወሶበ ፡ ርኢከ ፡ ርትባነ ፡ አብልዖሙ ፡ ወሶ  
 በ ፡ ርኢከ ፡ ዕሩቃነ ፡ አልብሰሙ ፡ ወኩኖሙ ፡ ረድኤተ ፡ ለኩሎሙ ፡  
 በከመ ፡ መፍቅዳቲሆሙ ፡ ለለጅጅ ወአሥርቅ ፡ ውስተ ፡ ልበሙ ፡ ትፍሥ  
 30 ሕተ ፡ ወሐሜተ ፡ ወለእመኒ ፡ መጠነ ፡ አሐቲ ፡ ሰዓት ፡ ወናዝዘሙ ፡ ለሕ  
 ሙማን ፡ ወለ[ገ]ዱያን ፡ ሐውጸሙ ፡ በበሕቁ ፡ ወአቅልል ፡ ሎሙ ፡ ሕ  
 ማሞሙ ፡ ወኩን ፡ ሕሙመ ፡ ምስሌሆሙ ፡ ፈውሰሙ ፡ ወርድአሙ ፡  
 በኩሎ ፡ ክሒሎትከ ፡ ከመ ፡ ትርከብ ፡ ረድኤተ ፡ ወናዝዘተ ፡ አመ ፡ ደዌ  
 ከ ፡ ወሕማምከ ።

ክፍል ፡ ፴፬ ። ወአንተሰ ፡ ሶበ ፡ ደው \* ይከ ፡ ኩን ፡ ተዓኃሜ ፡ በጽ ፡ 73 r°.  
 35 ንዓ ፡ ሕማምከ ፡ ወኢታንቅልቅል ፤ ተከመን ፡ በእግዚአብሔር ፡ ዘይኔ  
 ጽር ፡ ወይኃልቀ ፡ ኩሎ ፡ ዓዕረ ፡ ሕማምከ ፡ ከመ ፡ ይፍዲከ ፡ ሠናየ ፡

አምላክ ፣ ትዕግሥትን = ወለአመ ፣ ኢይፈድየክ ፣ ውስተ ፣ ዝንቱ ፣ ዓለም ፣  
 የዓሥየክ ፣ አምድኅረ ፣ ሞትን ፣ አመ ፣ ተሐውር ፣ ኅይሁ = ወኢትፍ  
 ራህ ፣ ኅዲግ ፣ ዛቲ ፣ ሕይወት ፣ አስመ ፣ ሞት ፣ ግዕዛን ፣ ውአቱ ፣ ወሰበ ፣  
 ሠዎረ ፣ አግዚአብሔር ፣ ይፍታሕክ ፣ አምዝንቱ ፣ ቤተ ፣ ሞቅሕ ፣ ከመ ፣  
 ትሑር ፣ ኅይሁ ፣ አክተቶ ፣ አስመ ፣ ይኔይሰክ ፣ ትኩን ፣ ግዑዘ ፣ አም 5  
 ዛቲ ፣ ግብርና ፣ ሙስንት ፣ ወትሥርር ፣ በሊሐ ፣ ወብሩሃ ፣ ከመ ፣ መል  
 አክ ፣ ውስተ ፣ ሕፅነ ፣ ፈጣሪክ ፣ ወበሀየ ፣ ተአምር ፣ ወትሌቡ ፣ ከሎ ፣  
 ምሥጢራተዝ ፣ ዓለም ፣ ወስነ ፣ ሥርዓቶሙ ፣ ለሰማያት ፣ ወምድር ፣ ወ  
 ተሐዩ ፣ ምሉዓ ፣ ሕይወተ = ወአልበ ፣ የማ ፣ ወሕማም ፣ ወትትፊሣክ ፣  
 ትፍሥሕተ ፣ ፍጽሞተ ፣ ወትረካብ ፣ ብጽዓነ ፣ አንበለ ፣ አንትጎ ፣ ወሕ 10  
 ፀት = ኢታፍቅር ፣ ምስኪናተ ፣ ዝንቱ ፣ ዓለም ፣ ኅበ ፣ ይደልወክ ፣ ትን  
 \* 73 v°. በር ፣ አስከ ፣ አመ ፣ \* ይትፊጽም ፣ ቅኔክ ፣ ወፈቲናትክ ፣ አስመ ፣ ኢተበ  
 ውሐ ፣ ለክ ፣ ትኅድጎ ፣ በፈቃድክ ፣ አንበለ ፣ በፈቃደ ፣ ፈጣሪክ ፣ ዘአቅ  
 ነየክ ፣ በዝንቱ ፣ ቅኔ = ወሰበሰ ፣ በጽሐ ፣ ጊዜ ፣ ግዕዛንክ ፤ ወሠዎረ ፣  
 አግዚአብሔር ፣ ይፍታሕክ ፣ አምቅሕክ ፣ ስግድ ፣ ሎቱ ፣ ወአክተቶ ፣ ወ 15  
 ሑር ፣ ኅይሁ ፣ በፍሥሐ ፣ ወበተሰፋ = አስመ ፣ ናሁ ፣ የዓሥየክ ፣ ሕይ  
 ወተ ፣ ዘየዓቢ ፣ አምከሉ ፣ ሕይወተዝ ፣ ዓለም = ወባሕቱ ፣ ሰአል ፣ ኅ  
 ቤሁ ፣ ከመ ፣ የሀብክ ፣ ሞተ ፣ ኅዱክ ፣ ወያፍልከክ ፣ አምዝንቱ ፣ ዓለም ፣  
 በሰላም ፣ ወበተአምና ፣ ቦቱ ፣ ወኢትፍራህ ፣ ወኢምንተኒ ፣ በዘይፈርሁ ፣  
 አኩያን ፣ አለ ፣ ዓለዉ ፣ ሐዊረ ፣ በፍና ፣ አንተ ፣ መርሆሙ ፣ ፈጣሪ 20  
 ውስተ ፣ ዝንቱ ፣ ዓለም ፣ ወዓበዩ ፣ ይትቀነዩ ፣ በቅኔ ፣ ሥሩዕ ፣ ለከሉ ፣  
 ሰብክ ፣ ወኢለበዉ ፣ ውስተ ፣ ግብረ ፣ አግዚአብሔር ፣ ወኢየዓቅቡ ፣  
 ሕገ ፣ ጠባይዓዌ ፣ ዘመሐርሙ ፣ ልቡናሆሙ = አንተሰ ፣ አኡኑየ ፣ ዘተ  
 ወከፍክ ፣ ምክርየ ፣ ወሠመርክ ፣ ቦቱ ፣ ኢትፍራህ ፣ በሰዓተ ፣ ሞትክ ፤  
 አስመ ፣ ይኔይሰክ ፣ ትሑር ፣ ኅበ ፣ ፈጣሪክ = አዘአኦመርክ ፣ ከመ ፣ ነፍ 25  
 \* 74 r°. ስ ፣ ኢመዋቲት ፣ ትኔይስ ፣ አምሥጋ ፣ \* መዋቲ ፣ ለምንት ፣ ትፈርህ ፣  
 ሞተ ፣ አከኑ ፣ ይኔይስ ፣ ግዕዛን ፣ አምግብርና ፣ ወፍሥሐ ፣ ኢይኔይሰ  
 ከኑ ፣ አምኅዘን ፣ ወኢይሜኒኑ ፣ ሕይወት ፣ አምት ፣ ወከማሁ ፣ ይኔይሳ ፣  
 ለነፍስክ ፣ ከዊና ፣ ፍትሕተ ፣ አምቅሐ ፣ ሥጋሃ ፣ አምከዊና ፣ ተዋቂሐ =  
 ወበከመ ፣ ብእሴ ፣ ወጺኦ ፣ አምቤተ ፣ ሞቅሕ ፣ ይሬኢ ፣ ብርሃነ ፣ ፀሐ 30  
 ዩ ፣ ዘያስተፊሥሐ ፣ ወይመውቆ ፣ ከማሁ ፣ ነፍስነ ፣ ወጺኦ ፣ አምሥጋነ ፣  
 ትሬኢ ፣ ብርሃነ ፣ አግዚአብሔር ፣ ወትትፊሣክ ፣ ወታንበለብል ፣ በፍ  
 ቅረ ፣ ፈጣሪሃ ፣ ወነጺራ ፣ ድኅሬሃ ፣ ትሬኢ<sup>1</sup> ፣ ሙስናሁ ፣ ለዝንቱ ፣  
 ዓለም ፣ ወታኑክር ፣ አንዘ ፣ ትብል ፣ አፎ ፣ ተክሀለኒ ፣ አፍቅሮተ ፣ ዝንቱ ፣

<sup>1</sup> Vox addita supra lineam.

ግብርና ፡ ሕሙር ፡ ወእፎ ፡ ፈራሀኩ ፡ ሞተ ፡ ዘአግዓዘኒ ፡ ወአብጽሐኒ ፡ ጎበ ፡ ዝንቱ ፡ ብፅዓን ፡ ዘለዓለመ ፡ ዓለም ፡ አሜን ።

ክፍል ፡ ፴፯ ። ናሁ ፡ ጸሐፍኩ ፡ ዘንተ ፡ ንሱቲተ ፡ በረድኤተ ፡ እግ  
 ዚአብሔር ። አእጉላ ፡ ዘታነብብ ፡ ዛተ ፡ መጽሐፍላ ፡ ለእመ ፡ ብከ ፡  
 5 ጥበብ ፡ ጸሐፍ ፡ ወአንተኒ ፡ ዘአለበወከ ፡ እግዚአብሔር ። ወኢትኩን ፡  
 ከመ ፡ ማኅቶት ፡ እንተ ፡ አንበርዋ ፡ ታሕተ ፡ ከፈር ፡ አላ ፡ አውጽኦ ፡  
 ለብርሃነ ፡ ጥበብከ ፡ \*ለአእምሮ ፡ ወለተግሣጸ ፡ ውሉደ ፡ ብሔርነ ፡ ከመ ፡ ፡ 74 v°.  
 ይፈድፍድ ፡ ጥበብ ፡ ወይኅልቕ ፡ ኃጥእ ፡ ወኢያእምሮ ፡ ገቢረ ፡ ጽድቅ ፡  
 በዲበ ፡ ምድርነ ። እስመ ፡ ልዑለ ፡ መዝራዕተ ፡ ፈጣሪነ ፡ ኢያእመሩ ፡  
 10 እመሰ ፡ አእመሩ ፡ እምተኃፍሩ ፡ በተሌወ ፡ ከንቱ ፡ እስመ ፡ በመዋዕ  
 ሊነ ፡ ቅንዓት ፡ አኅዘሙ ፡ ለሕዝብነ ፡ አብዓን ፡ ወተቃተሉ ፡ በአንተ ፡  
 ሥርዓታተ ፡ ሃይማኖቶሙ ፡ ወኢያእመሩ ፡ ሥርዓተ ፡ ፈጣሪሆሙ ። ወን  
 ሕነሰ ፡ እግዚአ ፡ ዘእንበሌከ ፡ ባዕደ ፡ ኢነአምር ፤ ወንጹውዕ ፡ ስመከ ፡  
 ባሕቲቶ ፡ ወኢኅደግነ ፡ ትምህርተከ ፡ በአንተ ፡ ትምህርታተ ፡ ሰብእ ፡  
 15 እስመ ፡ ብርሃን ፡ ትእዛዝከ ፡ በዲበ ፡ ምድር ። ወአንተሰ ፡ ሰላመ ፡ ሀበነ ፡  
 እስመ ፡ ዙሎ ፡ ወሀብከነ ፡ ወአሕይወነ ፡ በጠለ ፡ በረከትከ ፡ ወአድኅነነ ፡  
 ናዎልከ ፡ በጽድቅ ፡ ወበርትዕ ፡ እስመ ፡ ለከ ፡ ይደሉ ፡ ስብሐት ፡ ወከ  
 ብር ፡ ይእኬኒ ፡ ወዘልፈኒ ፡ ወለዓለመ ፡ ዓለም ፡ አሜን ።

፡ ተፈጽመ ፡ ዝንቱ ፡ መጽሐፍ ፡ ።

1 Voces secunda manu additae.

EMENDANDA.

- P. 34, l. 22 : addas ይብለነ ፡ እመኑ ፡ በሃይማኖተ ፡ ሙሴ ። ወራብዕ ፡ post  
vocem ወሣልሰ ፡
- P. 41, l. 4 : addas አሰብ ፡ ለዘኢይትቀነይ ፡ ወኢይደልዎ ፡ post vocem  
ኢይዳልዎ ፡
- P. 46, l. 26 : addas በአፋሆሙ ፡ ወኢይኅዝኑ ፡ በልበሙ ፡ post vocem ኢይ  
ርግሙከ ፡
- P. 49, l. 3 : addas እስመ ፡ ዝነገር ፡ እምአኩይ ፡ post vocem እፃሙ ፡
- P. 52, l. 31 : addas ተገኝሥ ፡ እምዝሙት ፡ ዘኢይበቀዕ ። post vocem  
ዎታ ።